

The Ohio State University



3 2435 01414 1147

PL248T19G8

GUN BATARKEN

001

OHIO STATE UNIVERSITY BOOK DEPOSITO



8 08 07 01 7 11 029

کون بانارکت

عمری

ارجمند اگریم



دیکن - اینچی شمیریانی

در سعادت : باب عالی جاد، سنده رشید انندی خائنده

۱۳۳۶

دیکن - اینچی مطبعه سی

PZ 298
T19 G8

F A İ R İ B İ L G E
K Ü T Ü P H A N E S İ

ارغلام موقر اکرمه :

سن دوغديڭك وقت اوغلم ، سبجل نفوسنده مقيد بولمىله مباھى
اولديڭك بو دوات معظمه نك حدودلرى (آدریاتىق) دكزندن بصره
كورفزينه اوزانيور ، يمن ، طرابلس غرب ، جزائر بحر سفيد ،
حرمين محترمين ، قلمرو سلطنت سنيه داخل بولونيوردى .
شرقده روضه مطهره رسول الله ، غربده مشهد خداوندكاره ،
تورك نفرلى نكهبان ايدلر !

بر كون .. ناصيل و نچون اولديغنى تاريخلرده اوقورسون ..
اعلان مشروطيت ايتدك .

ينه بر كون ، عالمى قانه بويابان ، آتسه ياقان ، يمان بر محاربه يه ،
بشرى زبون دوشوردن مشغوم بر مقاتله يه سوروكلكندك ...
بو حركامزك برنجيسى ايله صوكنجيسى آره سنده آلتى سمنه لك
بر فاصله واردى . بو مدت ظرفنده سؤ طالعمر بزه راحت يوزى
كوسترمدى .

متمادى ادبارمن اخلاقى بوزمىشدى . حرب عمومىده بر چوقلرمن
جنايتلر ارتكاب ايتدك . بو اعتراف آليم اولمىله برابر بر حقيقتدر .
آنجق ، اسباب مخففه دن اوله رق شونى ده علاوه ايديم كه : ملت ،
مبارك ، خلق ، عاليجناب تورك مائى ، درمانسز اوموزلرينه جبراً
يوكله تلمش اولان بو جنايتلردن برى الذمه در . و ايلريده ، كينلر ،
احتراضلر دورولدينى زمان ، تاريخك حكيمى البته بو يولده لاحق
اوله جقدر .

بو حكمه يارديم ايتك اوزره من الاسف بعض قيود آلتنده ، فقط
وقوعات صحيحه يه مستنداً يازمىش اولديغم شو ناچيز اثر ، دستكاه طبعه


ویرلدیکی زمان، فضای بشریتده، آلتی بچق عصردن بری نشر انوار
ایدن بر شمس تابان احتشام و عظمت ، بر نیر قدسی فضیلت غروب
ایدیوردی .

بی اختیار ، سنی ، سزلی دوشوندیم .. فقط نه دن بیلم ؟ . قلم
پك او قدر صیرلامدی ...

الله عظیم الشاندر ! بنه پارلاق بر کرن طوغه جفنه و سینگ او
کونلری کوره چککه ایمانم وار او غلم !

ارجمند اکرم

دارالخلافه ۱۸ رمضان ۲۳۸





— ۱ —

استك زاده امامی مرحوم عائشہ افندینك حرمی صدر ك
 خانم، بریجك اوغلی خلقی بكك اصراریلہ، طوغوب بویودیگی
 محله بی، درت اوطلی اوینی ترك ایدوبده آياس پاشاده کی بو
 آپارتمانہ طاشندی طاشیندی چوق راحتسز اولیوردی. حقوق
 قدیمہ یہ رعایتہ، نا استانبولك ككنار محله لرندن زیارتنه كلن
 اسکی قونو قومشو آرمسندہ کوچوكلکنندن بری ہپ عینی
 صمیمیتہ کوروشدیگی مختار ك وسیلہ خانمہ، ممیزك افاقت خانم
 بیلہ، الی درت آياق مردیونی طیرمانمقندن بیقارق آرتق بك
 سیرہك كلكہ باشلامشلردی. صدر ك خام ایسہ کنندینی بو بر
 قاندن عبارت مسکن ایچندہ، قفسہ حبس ایدلمش بر قوش
 کی محصور کوریور، پنجرہ دن باقسہ باشی دونیور، سوقاغہ
 چیقہ نہ دونوشده منارہ یہ چیقار کی اویتمز توکنمز مردیورندن
 اور کیوردی. بناء علیہ بوتون عمری، نہ کنندینك نہ نہ

کلینی هدیه نك بر درلو ایصینه مادقلری بو طار حجر نك ایچنده
کچوردی .

بو منحوس یره طاشینمق ، خلقینک نره دن عقانه کیشدی ؟
استانبولده کی اوک طارلغنی ، هواسزلغنی ، کهنه لیکنی بهانه
ایدوب ده بورایه نقل اتمه بی تکلیف ایتدیکی زمان صدبرک خانم ،
آخر عمرنده بویله فرنکلر آره سنده کیدوب یاشایه میه جغنی ،
هیچ اولمازسه صاری یره ، کوز تیه یه کیداسه یوره کی یانیه جغنی
اوغلنه آکلاتمق ایسته مش فقط تبدیل فکر ایتدیرمکه موفق
اوله مایچه چار وناچار قاتلانمشدی .

صدبرک وکلینی هدیه خانملری ، آپارتمانن نفرت ایتدیرن
باشقه سببلرده واردی . بورادن عادتاً تشم ایدیورلردی . بوراسی
بر کره بک اوغلی دیمکدی . بک اوغلی ایسه بوتون ارککلری
باشدن چیقاران ، نیجه او جاقلری سوندیره ن ملوث بر محیط
فسق و فجور ایدی . دیگر طرفدن ، بر کون صباح نمازینه
قالقان صدبرک خانم نجره نك او کنده قهوه سنی ایچرکن قارشیک
آپارتمانده کنج بر قوقونانک ، کوکسی ، قوللری ، باجاقلری
آچیق اولدیغنی حالدده صاچلرینی طارادیغنی کورممشدی . پرده سنی
ایندیرمکه لزوم کورمه دن بویله عرض محرمیت ایدن بو حاسبه بی
خلقی کورسه ، نه قدر اولسه ارککلکی غلیانه گلزمیدی ؟ بو
نه بچم محله ایدی ؟ الله ویرمه سین نه طرفه دونسه ک یاری بله
قدر چیلاق قوقونالر کورپوردک بونلرک بری ؛ کوپک پرنده

خلاقىچىكنىك كوكلى چالويىرسە ايش نرملرە واريردى ؟ زيرا
 صدرىك خانم ، قاعده خلاقنه اوله رقى كلىمنى سوه ر واوكا آجىردى .
 هديه يى تا كوچوكلىكن برى طانىمش ، اون اوچ ياشنه باصار
 باصار اوغانه آليويىرمىشى . بونلر كلىن قانن آنا دكل ، عادتا
 آنا قىزدىلر . واقعا هديه ده فوق العاده . طبع ، قادين ، الى هر
 ايشه باقىشير و سا كىندى . كرك روىحنىك و كرك قانن آناسنىك
 اطرافنده پروانه كى دونر ، هر ايكىسىنى ده ممنون ايتىكه
 چاليشىردى . ايشته بوندىن طولايى صدرىك خانم ، اوغلنىك بر
 مناسبته سىزلك ايتىمىنىدن ، بو مردار محيطة شيطانه اويماستىندن
 قورقيوردى .

بو اندىشه لرىنى بر مدت كم ايتىدكن صر كره طايانامدى ؛
 هديه يه ده آچدى . آرتق ، آقشاملرى خلقى بك اوه كلىكده
 بر آز كچىك دىمى ، قانن آنا ، كلىن برى برلرىنىك يوزينه باقىورلر .
 ويكديكرىنىك نظرلرندە عىنى ائلى سؤالى اوقيورلردى . عجباً ؟ ..
 مع مافيه ، بورايه كلهلى دىرت آى اولدىنى حالده ، خلقى بك
 اسكى اطوار و حر كاتىندن انحراف ايتىمىشى . هر صباح اوندىن
 چىقار كن زوجه سنى ، والده سنى برر صورتله تطيب ايدىيور ،
 اقشاملرى ده ، طيشارىده بر ايكى قدح آتيشديروب منتظماً اوه
 دوندىكى زمان طاتلى سوزلرله آناسنى ، قارىسنى ، حتى آشجى
 ظرافت باجى يى اوقشامقده دوام ايدىيوردى .
 بو كا ر غماً صدرىك خانم متصل اوقويوب اوفله يور ؛ يقين

بر آتیده محقق بر فلاکت اوله جقمش کی متمادیاً چاریدی
چکیوردی .

بر کون ، قندیل مناسبتیه زیارتہ کلش اولان مختارک وسیله
خانله بو خصوصده دردلشدی :

— وسیله خانم جغم ! بو خنزیر ، سفر طاسی کی آپور -
طومانه کیردم کیرملی ، نه یالان سویله یم ، باشمزه بر بلا کله جک
دییه قورقیورم . اطرفیز ، الله ویرمه سین تیاتورا کی . نر دیه
باقسه ک قوقانلر . هم عنادینه ده سوسله نیورلر ، پودرملر ، دوز -
کونلر سورونیورلرده ، پنجرملره اوله چیقیورلر . کچن صباح
بر دانه سی آنادن طوغمه ، آچیق پنجره نک اوکنده طورمش
قوبه سی صاچلرینی طارایوردی .

صحنه ایمان ایتدیکی بووقعه وسیله خانمی یرندن اویناتدی :
— آ آ ! مارت کدیسی کی طاملرده چیقاجقلر ظاهر!
— هیچ صورمه وسیله خانم جغم ! خالق بونلری کورده جکده
باشدن چیقہ جق دییه یوردکم چاریور . انسانلق بو ! اوغلان
دلی قانلی . دینی آیری یه فلان باقاز ، کوکلنی قاپدیریوریر . هانکی
شیطانہ اویدوقده بورایه کلده بیلیم که ؟

— وللهی حقک وار ، قاردهش ! دمن مردیوه نلری
چیقارکن اورتہ یرده قاص قاتی بنه قالیوردم . چیقہ مقله
یتیمورکه ...

— یا . اوله ! هم بمضاً دوشونیورمده ؛ الله کچندن

وېرسون.. انسان اوله جك اولسه، جنازه سى اذيتله اينه جك.
صوكره ييتانه جق ېرى ده يوق . چاشيرلق باغچده ، چاشير
آسه جق ېرى طابده، اجل عجائب برشى . هانكي بر قصورنى
صايوب دوكهيم ؟

وسيله خانم ، سوزى ينه ديدى قودى به انتقال ايتديرمك
و خلقينك هنوز محله ك قوقالاريله قوقلاشوب قوقلاشمديغنى
اوكرنمك آرزوسيله ، جواب وېردى :
— ظاهر ، اركلار بويله ېرلردن خوش-لانيورلر ، نه
ديمهلى ؟ .

— اويله اولملى . خلقى بو قصورلرى بن سويله دجه، خوش
ورييور . « آليشيرسين آنه ! » ديريور .
— نهى ! البته ! قوقالارى اوده كورييورسه ؛ چابوق
ايصينمشدر !

— آ ! صوص ! كورمدى انشا الله ! آغزىكى خيره
آچ ! ايسته او وقت قورقديغمه اوغرارم .
— والله خانم جقم، هر حالده او بورايه طور وب طور ېركن
كلدى . مطلقا اونى بورايه چكن وار . آما ينه جناب ح-ق
خيرلر وېرسين !

وسيله خانم ، صديرك خانمك ايچنه بوزهرى بولاشدير-
دقدن صوكره ، وقتك كيچ اولديغنى مهانه ايدرك قالغدى كيتمدى .

او کوندن بری زوالی آنانک اندیشه لری ده آرتدجه آرتدی .
آرتق کوزینه اویقو بیله کیرمز اولدی .

— ۲ —

خلقی بک ، مکتب حریددن چیققدن صوکره ملازم
نایملکله اوچنچی اردویه سوق اولمشدی اوتارنخده ماکدونیا
حال غلیانده ایدی . مختلف ملتله آرمسنده طوغمش رقابت
یوزندن صرب ، بولغار ، یونان چته لری بربرلیله ، تورک
تعقیب مفرزه لری ده بونلرک جمله سیله متمادی چارپیشیورلردی .
خلقی بی بومفرزه لردن برینه تعیین ایتدیله واوراده ، تمام بش
سنه ، کیجه لی کوندوزلی ، کاه کونشاک یاقیچی شعاعانی ، کاه ده
فیرطنه اراک یوزقامچیلایان صوغوغی آلتنده ، طاغ طاش آشهرق ،
یوروجی ، ازیجی ، بیقدیریجی بر حیات سوردی .

اوراده کوردیکی حقسنزلقلر ، معروض قالدیغی صیقینتیلر
بو مطیع ، خلوق عسکرک روحنی عصیان سرق ایدیورلدی .
اولا قدره ، سوء طالع قارشو عصیان ایتدی ؛ صوکره
کندیسنی بو درجه اهل ایدن ، کوندردیکی طاغ باشلرنده
ییللرجه اونوتان ، دوکدیک قانه مقابل عزت نفسی بیله
کوزه تمهین حکومت قارشو یاواش یاواش برکین طویغفه باشلادی .
دوت ییل متمادی اشقیا پیشنده قوشان بر ملازمحق آلتی آیلغی
منتظاماً تداخذه قالان ماهیه اوچیوز غروش باش ایله هر درلو
محرومیتله ایچنده جیرینیمور ، آنجق بو کین ایله متسلی
اوله بیلورلدی .

مکتبده ایکن ، صنف آرقداشلری میاننده پاشا زاده لر واردی . بونلرده اعدادی صرهلرنده خنکارم چاووشی اولیور ، علی الدرجات و سرعتله قطع مراتب ایدرک ، مکتب شهادتنامه سیله برلکده بیکباشیاق فرمانی آیورلردی . خلقینک بونلردن فرقی نه ایدی ؛ امام ارغلی اولقمی ؟ . حالبوکه هر بری بیک درلو سیئات ایله شهرتسار اولان او پاشالری ، خلقی ، محترم ، مبارک ، متدین ، ناموسکار باباسیله قیاس ایدیور و اولک سونوآ فقط عقیف ، تمیز موجودیتیه افتخار ایله یوردی . استک زاده امامنک یرینه فلان پاشانک صلیبدن طوغمنک انسانه بر امتیاز مخصوص بخش اتمه سینه عقل ایردیرمییور ، تحمل ایدرمییوردی .

بر کون مناسهتر جوارنده بر بولغار چته سنک ایزلرینی کشفه اوغراشیرکن ؛ بعض ضابطانک حکومته قارشى قیام ایتد . کلرینی خبر آلدی . بوقیامک سببی صورمدن ، آکلامه دن ، سلاحی آلدی واونلری بولوب التحاق ایتدی . کتمدی کی ناموسلی ، حمیتلی ، سلاح آرقداشلرینک اثر ترتیبی اولان بو قیامدن مقصد نه اولدیغنی خاقی آکلامه قده کجیکمادی .

مکتب حریهده ایکن ، هر درلو تنقیدات و تجسساته رغماً الدن اله طولاشان کمال ، حامد ، اکرم ، مراد بکلرک آثارى اونلرک ذهنی ، حریت ، مساوات ، وطن کی یوکسک غایه لر

حقننده اولدقجه تجهیز ایتشدی . آرتق تماماً و ، منحصرأ بو
غایه لره حصر مساعی وفدای نفس اتمکه عزم ایلدی .
بر قاج آی صوکره ، مشروطیت اعاده اعلان ایداش ،
حق ظالمه غلبه ایتشدی خاخی حسب البشریت بوندن کندینه
بر حصه غرور آیردی . ملتک فی مابعد رفاه و سعادت بر آزده
کندی اثری ایدی . بر مدت وطنداش لربنک صمیمی و یار یارکار
توجهاتی ، تبریکانی قبول ایتدی بوندن حظ ایدیوردی .
بو مستی غرور تخفف ایدنج ، خاخی ، استانبوله ، بوش قالان
موقعلره ، مأورستلره قوشان ، زمام اداره بی الارینه آلمق
و وقت غیب ایتدن اصلاحه باشلامق املیه پاتختده طوپلانیان
آرقداشلرندن آیرلدی ، ینه قطعه سنه آرتق وظیفه بی قالماش
اولان مفرزه سنک باشنه عودت ایتدی . یالکیز ، اورادن ،
سلسله مراتبه رعایته ، ملازم اولدککه ترفیعنی طلب ایتدی .
بو ایسه حق ایدی .

آرقداشلری ، شیمدی برر برر دوزدکاری او پاشارک
مقاملرینه کچور ، قوناقلرینه یرلهشیور حق کیزلیدن کیزلییه
قیزلریله عقد ازدواج بیله ایدیورلردی . آملرنده اقبالک مسکر ،
زهرلی طادینی طاز قجه ، طارغ باشنده کندیلرینه چیزهش
اولدقلری نمایه لری بللی بایر سنر اهلاله باشلایانلر اولیورلردی . خاخی بی ده
بو سفرمدن متنعم اولمغه دعوت ایتدیلر . فقط او تمیز ، نجیب
مسکر بونلره جواب بیله ویرمدی .

انقلابی تعقیب ایدن بشنچی آیده ملازم اول خاقلی افندی
ایله رفقای عصیانی آرمسند آرتق بر رابطه قائممشدی .
خدمات سابقه سی ، مزایای اخلاقیه سی کاملاً اونو تلمش سرکشلاک ،
کچمسزلاک ، حتی خودبیندلاکله میمانمشدی .

ملازم اول خاقلی افندی ، بعدالانقلاب ، ینه اوچنچی
اردودد ، ینه آچ ، ینه مهمل و محروم ارله رق انقلابدن اول
ملازم ثانی خاقلی افندینک یاشادی بی حیاتی تکرار یاشامه یه
باشلادی .

بو عمر ، بو دفعه ده ییلارجه امتداد ایتدی . آره لقه
آرناووداق عصیانی ، حوران ، یمن وقوعاتی اولدی . خاقلی
بونلره قارشو سوقایدیلن قوای تأدیبیه دن هیچ برینه اشتراک
ایتدیرلمه دی . او آرتق مناسیره یرلشمش اوطوریوردی .
باباسی وفات ایتمشدی . بر آره لق مأذوناً استانبوله کلدی .
اوبنی کیرایه ویردی . اولندی . آناسی ، زوجه سی برلاکده
آلوب مناسیره دوندی . اوراده ساکن ، منتظم بر حیات
کچیریوردی . هدیه ، زوجنی بختیار ایدیور ، کوچوک بودجه بی
اداره ایتدیرییوردی .

بالقان حربی حادث اولدی . بو دفعه خلقی افندی بی بر
پیاده بلوکنک باشنه کچریدیلر . او فجیع ، مشغوم محاربه نک
بوتون صفحاتنه ، تک توك ظفرلرینه ، بوزغونلرینه اشتراک
ایتدی . نهایت اوموزندن آلدینی یاره ایله برابر یوز باشیلق

اپولنلرینی قازاندی . عقد صاچی متعاقب معاملات ذاتیه اصرینه
ویرلیدی . استک زاده محله سنده کی باباسندن قالمه اوه یرلشیدی .
شیمدی هر بری ، لوا ، فریق ، اولمش ، بویوک بویوک
موقعلره ارتقا ایتمش اولان اسکی آرقداشلرینی آرتق بوتون
بوتون برافمشیدی .

آرده ، صررده بونلردن بردانه سنک منقبه سی قولاغنه قدر
کایور ، او زمان خلقی نک بوتون وجودی بر رعشه حدتله ،
روم ایلیده اشقیا تعقیبندمه ایکن او وقتکی حکومه قارشى
طویدیغی کینه پک بکزه من بر حسله تیتره یور ، دستورلری ،
عهرلری چوق چاپوق اونوتان او حریفلره لغتلر صاوو .
رییه ردی ...

— ۳ —

سرای بوسنده پاطالایان بر قورشون آوستریا ولی عهدینک
قاندن بر پارچه ده استانبوله صیچراتدی . سندنلردن بری
بکله نیلن جهان حربی آلوله نیوردی . بوبادریه بزده سور وکله
نه جکدک . تموزده سفر برلاک اعلان ایدلیدی .
برکون خلقی افندی ده بر امر آلدی . نوشهر اخذ عسکر
ریاستنه تعیین اولمش ، اوچ کون ظرفنده محل ، اُموریتنه حرکت
ایتمی اقتضا ایدیوردی .

او بو تعین حسن تلقی ایتدی . کندیسنی باشدن آنیور .
لردی . مقدرات ملتی الارنده طوتانلر ، بیایورلردی که ، کند

یلرینک بی حد و پایان اولان اقبال، اعتلا، اشتہار خصوصاً صندہ کی احترامیلرینک باشلیجه معارضلرندن اولان بو اسکی رفیق مہاعیلری آغزینی طوتمیہ جق، ہنوز پک فجیع بر محاربہ دن، مجروح و مأیوس چیقمش اولان بر قومی یکی سرگذشتارہ قاریشدر مق ایستہ یہ نری تصویب ایتیمہ جکدی . ایستہ بونک ایچوندی کہ نسبتہ دائرہ تأثیری محدود اولان اوفلق بر قضایہ خلقی بی تبعید ایدیورلردی .

او ، اولاکیمک ایستہمدی . حربیہ نظارتندہ یوکسک موقعلر اشغال ایدن بعض آرقداشلرینہ آجی سرزنشلر دہ بولندی .

ہیسی سکوت ایدیورلردی . فقط بو خصوصہ صادر اولان امرک کری بہ آلمنسی ممکن اولہ میہ جنی آکلاشیایوردی . او وقتدہ استعفا ایتک ایستدی . بوکادہ والدہ یی صبرک خام مانع اولدی . اساساً تعیش خصوصاً صندہ زحمت چکیورلردی . بلکہ ہپ برلکدہ آناطولی یہ کیدرلرسہ ، اورادہ دہا اوجوز یاشایہ جقلر ، تراکم ایدن اوفق تفک بورجلرینی اودہ یہ بیلمک ایچون احتمال کہ براز پازہدہ بیریکدیرہ جکلردی .

خالقی مأیوس اولہرق ، ایستہ میہ ایستہ میہ نوشہرہ کیتدی . آرہدن بر مدت کچدکن صوکرہ ، آناطولینک بو کوزل قصبہ جغزہ آلمشملردی . کنار دہ ، قیرہ یاقین استیجار ایتدکلری اوفق اوی ہدیہ قیص قیوراجق سوسلہمش ، نفرک بللہدیکی

باغچه اوتته بری اگمشدی . بر قاچ طاووق ، بر سودلی اینک
ایدیندیله . صدرک خانم ، چو جقاغندن بریدر آرزو ایلدیکی
بر حیات سورمکه باشلادی .

صباحین ایرکمدن قالقیور ، طاووقلری قیره صالیور ییور ،
باغچه ده کی دوت آغا جنک آلتند قهوه سنی ایچیور ، صوکره
اوغلایه کلینی قارشوسنه آله رق ، اینکک خالص ، نفیس
سودیله ، اوده یاپیش یاغی ، بیدیرله قهوه آتی ایدیوردی .

حتی صدرک خانم ایشی دها ایلری به واردیره رق کیزلیدن
کیزلی به یکی املار دوشدی . محاربه ختامه ایرنجه اوغانی اقماع
ایده جک ، استانبولده کی آزی - اته جقلر ، یا شیندی اوطور -
دقلری بو آزی ویاخود بر باشقوسنی آله جقلر . فی مابعد بورایه
یراشه جکلردی . سلك عسکریدن بر صورتله چکبله جک
اولان خلعتی ده ناصل اولسه بوراده ، بو کوچوک عائله یی کچیند -
یره جک کی بر ایش بوله بیله جکدی

مع هذا بو املنی نه اوغلنه ، نه ده هدییه آچدی . هپ
کندی کنندینه قوریور ، کندی کنندینه سویلیوردی . پک
جوشدیفی زمان ، چو جوقچه بر صافیتله ، صاری اینکی
کنندینه مخاطب اتخا ایدرک ، الزی مطیع حیوانک صیرتنده
شفقتکارانه کزدیریور ، بوتون اسرارینی اوکا صایوب
دوکیوردی ..

— ۴ —

نوشهر اخذ عسکر معاملات یولنده کیدیوردی رئیس

یوز باشی خاچی بك سرت ، متین ، طوغری بر آدم اوله رق
طانمش ، آز زمان ظرفنده کندیسنی بلا تفریق بوتون اهالی به
صایدیرمشدی . وظیفه سینه متعلق ایشلرده خاطر ، کوکل
طانیهمه سی ، فراریلره ، تمارض ایدنلره قارشى بی آمان طاورانه سی
خاقلده کندی حقنده قورقو ایله قاریشسیق بر حسن حرمت
اویاندیردی . قصبه ده کیمه صورواسه خاچی بك حقنده حسن
شهادت ایدر ، اولك سرت ، فقط حقیرست بر ضابط اولایغنی
سویلردی .

استقامت طبی ایسه ضرب مثل حکمنه کیرمشدی . قصبه ده
هیچ کیمسه اوکا هدیله اوله رق بر چناق یوغورت یاخود براوقه
ترخان اولسون قبول ایتدیره مه مشدی . حسن صیتنه بو خصوص ده
چوق یاردیم ایدیوردی .

اخذ عسکر شعبه سنده غیر مساح افراد میانندن انتخاب
ایدلش (جین کوز اوغلو پرودروموس) نامنده بر یازیچی
واردی . بو کنج تورکجه نی اوحوالی به مخصوص شیوه ایله تکلم
ایتمکله برابر ، ای اوقیور وپك ای یازیوردی . حق شعبه نك
قبولنده یایشیق (مقام ریاست) (برنجی بلوك) الخ .. کی
یازیلر هپ پرودروموسك بر نمونه حسن خطی ایدی .

نیکده ویا قیصری اعدادیلرینك برنده بر پارچه تحصیل کورمش
اولان بو کنجی ، هیئت صحیه ضعف بصر سببیه خدمت غیر
مساحیه ایردیغی زمان ، خاچی بك اوکا شعبه ده چالیشمه نی
تکلیف ایتش ، اوده در حال قبول ایلشدی .

او كوندن برى پرودروموس پك مقدمانه چاليش-هرق
آمرلرينك حسن توجهنى قازانمش ، بالخاصه رئيسك كوزينه
كيرمشدى .

پرودروموس انسانه حلول ايتك صنعتنى ايتى بيايوردى .
خالق بكك اخلاق و مزاجنى پك چابوق او كرنكدن صكره
هپ اونك صوينه كيدييور ، اونك كې ، آرقداشلىرى مياننده
جديت ، اقدام و غيرت ، عفت و استقامت كې مزايا ايله تمايز
ايدىيوردى . عادتاً پرودروموس شعبه ده ايكنجى بر خالق بك
ايدى .

ديكر طرفدن بو پرودروموسك (ماري) اسمنده برده
آنهسى واردى . بوتون آناتولى قادينلىرى كې ايش-كذار ،
انواع هنرلره واقف اولان ماري خانم آز زمانده يوز باشى
بكك عالمانه كندىنى سودىردى . يايىق يايىق ، پينير ، پاصديرمه ،
پستيل ، صوجوق ، اريشته ، بوانغور ، نشاسته يايىق ، سبزه ،
ميوه قورومتق ، جنس جنس طورشولر قورمق ايچون صيق
صيق كليور ، كونلرجه ، بعضاً هفته لرجه مسافر اوليوردى .
كوندوزلىرى صدرك خانمه هديه عريض خدمت ايدن ماري
كيجه لرى ده يوز باشى بكى ، تحف شيوهسى ، عجيب حكايه لرى ،
ديدى قوديلريله اكلديريوردى . وبالطبع ، قادينله تأسس
ايدن بو صميميت خالق بكه پرودروموسك آره سنده كى

مناسبه باده تاثیر ایدیور ، یواش یواش بونلرده تکلیفسز
اولیوردی .

مثلاً آقشام اوزری ، شعبه ده کی ایشلر بیتجه ، خاقی بك
داثره دن پرودروموسله برلکده چیقور ، اوینه آله جنی اوتیه
بری بی داءا اوکا ایصمار لایوردی . بو صورتله استفادسی ده
اولیوردی ؛ چونکه اورانك یرلیسی اولق حسیله پرودروموس
هر شبئی هر کسدن دها اوجوز آلیور ، امتعه نك ایسی نروده
صاتیپرا اولدیغنی بیلیور ، اوکا کوره ییه جك ایچه جكك ال نفیسنی
غایت اهون اوله رق تدارك ایدوب رئیس بكك قیورنه قدر
کوتوروب ، کندیسنه :

« اوغلوم ! » دینه خطاب ایدن صدبرك خانمه تسلیم
ایدیوردی .

بو تکلیفسز لکه رغماً آمر ایله مأمور آرمسند کی فرقی پک
اعلا ادراک ایتدیکی جهتله پرودروموس هر نه زمان برایش ایچون
خاقی بكك یاننه کیرسه کوکسنی ایلکله مه یی و وضعیت آله یی اهل
ایته یوردی . بو یوزدن شعبه رئیسك یازیحیسنه قارشى محبتی ،
اعتمادی کوندن کونه تراید ایدیوردی .

آرتق ایشدن خالی قالدقلى وقت ، حسب حال ایتمه ییه بیله باشلادیلر .
پرودروموسك یاصدیرمه جی اولان باباسی صاغله نده
ای کچینه جك قدر قازانیرمش . هر سنه براینکی کبه اینك ساتون
آلیر ؛ اولری کسر ؛ یاصدیرمه سنی یاپار ، موسمی کلنجه

استانبوله کوندیر صاتارمش . کندیسى جاهل قالدیغى و جهلی
یوزندن رفاه کورمه دیکى جهتله بریجک اوغلی پرودروموسى
اوقوتمق، حاکم یایمق ایسته مش ، مکتبه ویریش، کندینه کوره
خیلی فداکارلقلر یاپارق آدم ایتمهک چالیشمش ایدی . ندچاره که
باباسنک عمری وفا ایتمه نیجه ، پرودروموس برپارده سنر طول قالان
والده سنر کچیندیرمک ایچون تحصیانی یاریده براقه رق نوشهرده
کندی هم شهریلرندن بر تاجرک یاننه یازیجیقله کیرمشدی .
کندیسنده تجارتیه فطری بر قابلیت و مستئنا بر ذکا حس ایدن
اوتاجر سفر بر ایتک دوامی مدتیجه ، یازیجیسیله آناسنه باقمه یی
درعه ده ایتش اولدیغندن بو جهتدن مستریح اولان پرود و -
موس، کیجه لر دکانه کیدوب مخابره یی تأمین ایتک، دفترلری
تماملامق صورتیه ادای دین شکران ایدیوردی .

نوشهرک ال ایلری کلن زنکینلرندن اولان و (چن اوغلی
یوردان) افندی تسمیه ایدیلن بوتاجری ده پرودروموس بر
وسیه ایله خاقی بکه طایفه دیرمش ، ضابطه احباب ایتشدی .
بعضاً بازار اقشاملری خاقی بک ، اولجه پرودروموس ایله
خبر کوندیرمک ، یوردان افندینک اوینه مسافر کیدیور ؛
اوراده برایی قدح راقی ایچوب براز صحبت ایدیوردی . اساساً
بوتون قصه ده، بری برلریله تأسیس مناسبات ایتمه لر طبعی بولنان
مأمورین حکومتدن ماعدا ، خاقی بک ، بر بو ذات ایله احباب

اولمش ، صاغدن صولدن کندینه عرض ایدیان دوستلقلاره
اهمیت بیه ویرمه مشدی

بویله جه ، اخذ عسکر رئیس ، وظیفه سی ، عائله سی و یوردان
افدینک دوستانی آره سنده ، ساده و راحت بر عمر کچیریوردی ...
بر کون استانبولدن بر مکتوب آلدی . استک زاده محله سی
مخاری و باباسنک قدیم دوستی قدری افدیندن کلن بو مکتوب
جان صیغه حق خبرلر احتوا ایدیوردی .

بر سنه قدر اول ، هدیه بر ذات الرئه کچیرمش و بالاخره
بونی اوزون بر دوره نقاهت تعقیب ایشدی . اوزمان ، هکیمه ،
علاجه ، غدایه ، هکبه لیده تبدیل هوایه ویره جک پاره سی
اولیان خاکی ، ببادن قالمه اوینی یوزاللی ایرا مقابله بایزیدده
صراف آرتین آغایه ترهین ایتش ، بر سنه وعده ایله برده سند
امضالامشدی .

شیمدی وعده تمام اولمش ، آرتین ده پاره سی ایسته یوردی .
خاکی بی اقامه کاهنده آرایوب ده بولا ما یجه ، قهوه ده محله مختاری
صنایه قدری افندی به مسئله بی آچش ، اقامه دعوی ایده جگنی
سویله مش ، آنجق قدری افدینک خاکی بی خبردار ایدوب
دعوایه محل قالمه دن ایشی بیتیره جگنه دائر ویردیکی سوزده اعتماداً
یکیدن بر آیی مهلت ویرمشدی . مختار مکتوب بنده بو تفصیلاتی
اعطا ایلد کدن سوکره بر چوقده نصیحتلرده بولنیوردی . بویله
أو الدن چیقار یلمه ملی ؛ بو بورج نه یاییلوب یاییله لی ، هر حالده

اوده نملیدی. یوقسه او، یوق بهاسنه اجرا مرفتیله ساتیله جوق
اولورسه مرحوم عاشر افندیك روحی جنتده معذب اوله جقدی.
باخصوص که ایچریسنده کی کراجی الله ایچون تمیز باقیوردی.
باغچه شمدی کوروله جك شیئدی. قویونك یاننده مرحومك
دیكدی کی قیسی آغاجی بوییل پیطراق کی میوه ویرمش، مسأجر
اوقه، اوقه صاتمقله بیتیره مامشیدی. یان پنجره لری صاران
خانم الارینك قوقوسندن بیتیشیک قومش. ونك عادتا باشی
طوتیوردی.

خاقی بکک یوره کی «جیزا» ایتدی. طوغدیغی، بویودی کی
او او هیئتیه کوزینك اوکنه کلدی. چوجوقانی، کنجلیکی،
مکتبیلیکی، پنجه-نبه لری اوه کلشی؛ بیاض صفالی، مائی
کوزلری، نورانی چهره سیله کندیسنی قارشیلایان باباسی، جمعه
کونلری نمازدن سوکره برانکده اوطورمغه چیققلری چار-
داقلی، آصمه لی، کیجه صفالی کوچوک قهوه؛ سمسز،
ایمسز، قالدیریملری یامری یومرو، داراجق سواقاقلر یوز
باشینك طاغین نظرلری اوکنده رسم کچید یاپدیله.

شیمدی یا بورجی اوده مه لی و یاخود بو مونس لوحه نك
اوزرینه بر پرده چکوب آرتق ابدیا اونوتمه لیدی.

دماغنی برحما استیلا ایتدی. شقاقلری منکنه ایله صیقیلیور
کی اولیوردی. دوشوندی. بورجی اوده مک.. فقط ناصل؟
ناایله؟. آلدیغی معاشه، اوینك آتی مجیدیهدن عبارت بدل

ایجارینی ده ضم ایدرک آنجق کچینه بیایوردی . آناسنک ،
زوجه سنک ده آریجه مال دینه جک ، پاره ایده جک ، هیچ بر
شیلری یوقدی .

او وقت چارده سنز او صاتیله جقدی . بونی دوشونده جکه
تحمیل ایده میور ، عصیان ایدیوردی . بویله جه ، بولمه سی
مستبعد بر چاره حل آرارکن ، ایچری یه آئنده بر طومار اوراقله
پرودروموس کیردی . ضابطنی دوشونجه لی ، طالعین کورونجه ،
تکلیفسنرجه صورتی :

— نه دوشونیو کیز ، ره ئیز به غ ؟ . افکارک می وار ؟ .
نه یک وار ؟ .

خاتی : « هیچ ! » دیدی . پرودروموس اصرار ایتدی .
— هه چ اولور می ؟ بایاغی ایره سنک بوزولمش .. (مکتوبی
کوره رک) غارا خبر می وار ؟ یوغ ایشاللاه !

خاتی ، بو صوک سواله جواب ویرمدی . اوراقی تدقیق
ایدیوردی . فقط تدقیق ایدرکن کوزلری طالیور و بو حالی
قورناز یازیچینک نظر دقندن قاچیوردی . هر حاله ضابطاک
روحنده بر بحران ، بر اوزوتی واردی . کاغدلر حواله اید
لدکن صوکره ، چیقارکن ینه لایالی ، فیرلاتدی :

— انسان اوغلو کدرسنز اولماز . سن غوینوکی کهنیش
دوت ، یونسه !

خالقی ، ینه دوشونجه لرینه طالیدی . آقشامه قدر ذهنی
یوردی . بر درلو چاره بولامدی . آقشام ، دائره تعطیل

اولدقدن صوکره ، اوه یالکز دوندی . یولده شاقاقلری خیزل
خیزلی آتیور ، باشی فنا حالده آغرییور ، آیاقلری تیتیه یوردی .
اوکیجه ، نه آناسنه نه ده زوجه سنه برشی آچه دن یاندی .
فقط کوزینه اویقو کیرمه دی . تا بصباح فکری ، خیالاتی ،
هپ استانبولک استک زاده محله سنده طولاشدی طوردی .
دوشونجه سنی بردرلو اورادن ، او مونس ، سویملی اودن آیرا-
میوردی . آه ! کاشکه جبهه حربه اولسه یدی ده ، او مقدس
یوردک ییانی الاره کچدیکنی طویله دن ، بیلمه دن اورولوب
کیتسه یدی ...!

حمالی بر کیجه کچیردی . صباحلین هر وقتکندن ایرکن
شعبیه کیتدیکی زمان پرودرو موسی دها اول گلش بولدی .
قالملر بوش ، باشقه کیمسه یوقدی . یازیجی بی س-لاملا دقدن
صوکره او طه سنه کیردی . آره دن ایکی دقیقه کچمه دن پرودرو-
موس ینه النده کاغدلرله قارشوسنه دیکیلدی :

— بندن صاخلیون یوزباشم اما ، اینان که سنک بی کدرک
وار ! دیدی .

بر کیجه لک اویقوسزلق خاقینک اعصابی گوشه تمشدی .
سرینی دها فضله صاقلایه مدی .

— اوت ، دیدی . چوق بویوک کدرم وار .

— خیر اولسون ! نه درکه ؟ .

ضابط مسئله یی تماماً آکلاتدی . صوکنده :

— عجا سن بكا بو پاراي بوله مازميسين ؟ بر كيمسه دن
اودونج آلسهق آيدن آيه اودردم ؟ ديدى .

— بن نيره دن بولورم ؟ يوز اللى ليره بو !

— شو سنك يورادن چورباچى ويره مزى ؟ زنكيندر او .
قورناز يازيجى نك ، چوقدنبريدر بكا مكدده اولديغى فرصت
كندياكندن كليو ير مشدى . اونك كيزلى امللرى ، طاتلى
خواليلى واردى . سوينچندن چيلديره جق كې اولدى . فط
حسياتنه حاكم اوله رق ، ايشى حسن اداره ايمه يي دوشوندى .
اوموزلرني قالديره رق جواب ويردى .

— اونك زنكينلىكى نه اوله جق ؟ هپ مال . نقد پاره سى
يوخدر ، چوق طارده در . اما ايستر ايسهك بى باخارم .
خاقى ، آرتق عادتا يالوارير كې :

— هايدى پرودروموس اوغلم ، شيمدى كيت باقده ، بكا
خبر كتر . ديدى .

— ۵ —

(چمن اوغلى يوردان) ك ايكي دانه آرسلان كې يتشمش
اوغلى واردى . بونلرك برى برسنه اول طيه ملكيه دن نشأت
ايتش ، باباسنك صاغه صوله باش اورمه سى سايه سنده نوشهره
بلديه هكىمى اولمشدى . سفر برك اعلان ايديلنجه بونى يوز
باشياقله اردويه آلوب قفقاسيا جبهه سنده برخسته خانويه سوق
ايتمشلردى . كوچوك اوغلنه كلنجه ، قيصرى آووقاتلرندن

برينك او کره تدیکی عقل اوزرینه دها بدایتده مجلس اداره
ولایتجه سنی برسنه تنزیل ایدلمش و بونک ایچونده شوکا بوکا
ایچه پاره یدیرلمشیدی . فقط پرودروموسک ادعاسی خلافتنه
اوله رق یوردانده پاره پک چوقدی . کندیسینه اسکیدن بری
طانیشانلر ایکی ، اوچیوز بیک ایرادن بحث ایدیورلردی . بو
مبلغ یدیرمکه توکنمزدی .

یوردان ک تخمین بوشه چیقمش ، حرب برسنه ده ختام
بولمه مشدی . شیمدی پک یقینه کوچوک اوغانی ده سلاح آلتنه
دعوت ایده جکلردی . اونی قورتارمق ایشدن بیله دکلدی .
فقط شعبه رئیس پرخصوصده چوپ اتلاماز ، عکسی ، دیکینه
طوغری بر آدمدی . و یوردان چورباجی بو پک سودیکی
اوغانی عسکره یوللامه مق ایچون چوق بویوک فداکارلارده
بولنه جقدی . فقط بوجهتلری خاقی بکه آچقدن قورقیوردی .
یا الکز برقچ آی اول دردینی پرودروموسه آکلاتمش ، ایجاب
ایدرسه بیک ایرایه قدر ویره بیله جکنی آپ آچیق سویله مشدی .
آنجق پرودروموسده ، آمرینک بویله ایشلرده کی تعصبی
بیله بکی ایچون ، بو صورت تسویه نک عدم امکاتی ، یوره کی
صیزلایه صیزلایه ، اوسته سنه بیلیرمشدی . آه ! خاقی بک
رشوت آلتسه ، کندیسینه سبیلانه جک ، ترخیص ایدیلنجه یه
قدر آز چوق بر سرمایه صاحبی اوله جقدی .
اوزون مدت ، کونلرجه ، پرودروموس بوطاتلی خولیماری

قوردى . كىچەلىرى ، يتاقده ، چارەلر ، خىلەلر ، انترىقهلر
دوشوندى . يوز باشى يە تىدىل اخلاق ايتدىرە بىلەجك هيچ
بر شى بولەمدى . آرتق قطع اميد ايتىشدى .

بردنبرە ، شىمدى ، بر فرصت ظهور ايدىيوردى . خلقى
بىكلە آرەلرنده كچن محاورەيى متعاقب ، پرودروموس شعبەدن
يىلدىرم كى فىرلادى ، سويىجىدن بر توى خفيىلەكە عادتاً
اوچار كى قوشارق ، صولوغى ، طوز بازارنده چىن اوغلىك
دكاندە آلدى .

اوستە يوردان دستكاه باشندە اوطورمش دوشونىيوردى .
اوغلنك دە داخل بولندينى اسنان اربابنك شعبەيە دعوتى ضمنتە
بر كىچە اول چيقان طاوولك كومبورتىسى حالا يىتىندە عكسلىر
ياپىيوردى .

يازىجى دكانە كىر كىرمىز ، نفس آلمەدن :

— اوستە يوردان ، مژدەمى اىستىن ! دىدى !

چىن اوغلى ، باشنى قالدىردى وصوردى :

— نە وار كە پرودروموس ، رەئىزى دە نىشور ؟

— يوخ ، يىنە او آئمە ، سكا لافى وار .

خلقى ايله آرەلرنده كچن محاورەيى ، ضابطك صيقينىتىنى ،

پارە بولمق خصوصندەكى استعجالنى آكلاتدقن صوكرە ،
علاوہ ايتدى :

— فرصت بو فرصت اوسته ! سنک ايشنى بىتيريو پيرى سەم

بکا نه ويرىون !

يوردانك قرەمانلى دامارى طوتىشدى .

— نه ويرەيم كە ؟ . بىندە پارە نه كىز ؟ ھېسنى مالە

ياتىردىم . مال دە دوشدى .

مخاطبىڭ دە كەندى كې قرەمانلى اولدىغنى بىردىنبىرە خاطرە

كەتىرمەشدى . پرودروموس پىك طىيى ولاقيد بىر طورلە جواب

ويردى .

— نه بىلەيم ؟ كچىندە سىن بكا دىمىشكەدە . . اوندىن اوتورى

غەلەم . . . آدىو !

— اوراغالى !

فقط قىودن چىقاركن ، قورناز يازىجى طوروب علاوہ

ايتدى :

— يارىن اوغلانى مايەنەيە ايركن يواللا ، جزا غورمەسىن

ھەمى ؟ . .

بوسوزلىر يوردانك قابىنە اوق كې ساپلاندى . بو اويۇندە

پرودروموس غالب كەشدى .

شەبەيە عودت ايدىنبە ، تەھلىكە بىكەين خاتى بىكە :

— اوستە توكاندە يوغىمىش ، خابار ايتدىم ، بى كىلوب

غورەجك ؟ ديدى .

زىرا يوردانك ھەمەھال كەچكەندىن امىندى . دكاندىن

چيقاركن فيرلاتديني صوك جملهنك درجه تأثيريني ابي بيايوردى .
 فى الحقيقه ، آرەدن بر ساعت كچمەدن قلم او طەسنىك آرە -
 لغندن كورون قرە با. اينىك باشى پرودرو موسى طيشارى يە دعوت
 ايتدى ، برا كدە شعبەدن چيقوب دكانە طوغرى يوللاندىلر .
 واصل اولنجه اوستە يوردان يازىچى يە بر اسكملە برده سيغاره
 اوزاتدى . بروقفە سكوتى متعاقب سوزە باشلايان اوستە اولدى :
 — نە دىيون ، پرودرو موسى ؛ بزم اوغلانى قورتارا جاغىكمى ؟
 — نە كەرك ؟ . بو ايشى عقلم كسمەسە سىكا آچارمىم
 اوستە ؟ .

— يوز باشى يە ايشى آچدىكمى ؟ .
 پرودرو موسى بورادە يالان سويلەمە يە لزوم كوردى :
 — يارى آغز آچدم .. بنى او غوندوردى !
 — غاچ پاره ايستەيور ؟ .
 — اونك ايستەدىكى غولاي ! سن بكا نە غومىسيون
 ويرەجەغك ؟ .

بورادە ينە يوردانك خست طبعى غىجىقلاندى :
 — يوزدە برمى ، ايكىمى ايستىيك ؟ .
 — اوستە ، بو فاصيلە ، نخود آليش ويريشى دەغل !
 بكا دە آيرىجە يوز ايرە ويرىيونمى ؟ يوغسە بو ايش اولماز . بن
 ناق غاچ غوندر مذكىمى (موقعى) تهاوكە يە غودم . يوزباشى ني
 غاندىرانجە يەرك دالاغم اغزىمە غلدى . سنىك خاطرەك اولمايە

اینان که بو ایشه صاواشمازدم . هولقو (خالق) به غك نه چشید آدم اولدیغنی سن ده بیلیون .

— پك غوزهل ، پرودروموس ! سكا یوز ایره پی ویره م ..
ره ئیز نه ایسته یور .

— بشیوز !

— چوخ ده غلمی اوغول ؟

— نیره سی چوخ ؟ سن بكا ده وه لیلی غون بیک ایره
ویریرم دیوردك !

— شم دیکی واختلر ، او زمانکی ایله برمی ؟

— سكا طوغری بی لاف دییه می اوسته ؟ سن آیاغكه
كان نعمتی بایاغی ده پیوك .. اساساً یوزباشینك آرادیغی بو پارهی
دمیرجی اوغلو بودوس ، بن ویریرم دیدی .

کندیسنه بر رقیب کوسترلیدیکی ایچون یوردانك کوزلری
پارلادی :

— ویریورها ؟! دییه صوردی .

پرودروموس قطعیتله جواب ویردی :

— ته مین ، بورادن چیخارکن راستلادم ، ایشی آکلاتدم ،
غبول ایدر کی اولدی . اونك ده بر ایشی وارده ..
— ناصل ایش ؟

— دیدی أممه ، سكا ناصل سویله می ؟ سر ..

یوردان، یازمچیسنک قورمیش اولدینی بو ابتدائی طوزاغه
کوزی قالی دوشدی .

— هیدی ، کهت یوز باشییه سویله ، پاره یارین زاباخ
حاضر ؛ دیدی .

پرودروموس ، ایش خصوصه کی مهارت و قابلیتینی بو
خصوصه ده اظهار ایدرک کندینه موعود قومیسونک نصفی ،
نصف دیگر ایش بیتدکن صوکره آلتق اوزره ، بروجه پشین
صایدیدی ، جزو داننه یراشدیروب ، دکاندن چیقدی .

شیمدی ، مسئله خلقی بکی طوزاغه دوشورمکده ایدی .
فقط جین کوز اوغلی انسان صرافاغنی تا کوچو جو کدن تحصیل
ایتمشدی . بعض احوال قارشو سنده ، متانت اخلاقه نک بش
پاره ایتیه جکینی بیلیوردی . بونک ایچوندی که ، کیریشدیکی
بوچتین ایشی حسن نتیجه یه ایصال ایده جکندن تماماً امیدوار
اوله رق شبه یه عودت ایتدی .

مردیوه نلری چیقوب ریاست او طه سنه کیردیکی وقت ، خاق
بکی ، ینه آلی شقاغنده دوشونیور بولدی . ضابط ، یازمچیسنی
بر نظره سؤال ایله استقبال ایتدی . پرودروموس ، بوراده ده
پک بویوک بر مسارت ابراز ایتک لازم کله جکینه قانع ایدی .
ذاتاً بوکا ، یولده کلیرکن حاضر لاشدی . یورغون و امیدمنز
برطور طاقینه رق :

— غیسـمتمز یوغ ایمش ، دیدی . یوردان بو زاباخ

ایرکندن استانبوله دوت بیک ایرا غوندرمش . یمن ایتدی ،
باشخه پاره سی یوغ ایش . دوندن خابارمن اولهیدی

ضابط ، یازنجیسی عودت ایدنجه یه قدر قورمش اولدینی
خولیارک بویله بردنبره انهدامیله مایوس اولدی .

— هیچ امیدیمز قالمدی ، دیمک ... دینه میرلداندی .

یاسی چهره سنده عیان ایدی . عادتاً کوزلری یاشاریوردی .
قره مانلی فرصتی غنیمت بیلدی . تکلیفسزجه :

— غباحث سنده یوزباشم ، دیدی . ملت پاره غازانیور .
ایسته سهک دکل اوی ایره تندن غورتارمق ، یانه بش آتی دانه
دها یاپارسک . سوز تمیلی ..

ناموس - کار عسکر ، قیرباچ ضربیسی پیش کبی یرندن
زییلا دی .

— نه دییورسین ؟ . دینه حایقیردی .

پرودروموس آرتق باشلامش اولدینی ایشی یاریده براقه مغه
عزم ایتشدی . بوغلیان استقامت اوئی لاقید براقدی . یینه
سوزینه دوام ایتدی :

— اویایا ، یوزباشم ؛ دیدی . هرکس سندن باشخه
دکل یا ؟ ..

— بن هرکسک نه خاط ایتدیکنی بیلمم ! بن ناموسلی
آدم . خلق رشوت ییز آکلادکی ؟ .

بو، برفيرطنه ایدی. ناصل اولسه کچردی. پرودروموس
سکوت ایتدی ؛ فقط یرندن قیملدامدی. خاکی دوام ایتدی :
— بن بو مملکتدن رشوت فالقسين ديه ، طاغه چيقدم ،
آيلرجه طولاشدم. فانی جانمی فدا ایتدم، هر درلو محرومیتلره
قاتلاندم .

— ائی یا ؟.. بو غون آر خداشلرک آلون ایچریسنده
یوزیور ، سن بورجکی ناصل اولده یه جغنی دوشونیوک .. آد
یوز باشم ! بو دنیا یوخی ؛ ایش بیلنهر ..
خاکی بکک حدتی کچوردی .

— یوق پرودروموس ! دیدی . بن بو ایشی او قدر
یاپیم که ، یاپه جق اولسه مده یوزیمه کوزیمه بولاشدیریم .
— سنک نه که کرک ؟.

— ناصل نه مه کرک ؟. دنیاده بوندن بویوک ناموسسزلق
تصور ایده جم .

— سن ده طوغری دییوک .. نه یاپیم ؟.

پرودروموس ، شیهدیلک موفق اولامه، شدی . فقط
امیدینی کسمه دی . مستنا ذکاسی اوکا ، بویاه ایشلرده تائی
وبصیرتله حرکت ایتک لزومنی اخطار ایدیوردی . بو قدر جق
اولسون مسئله نی آچمشدی یا ؟. بو بیله خاکی بکک استقامت
خصوصنده کی تعصب نه قارشى اولدقجه بویوک بر موفقیتدی .

البتہ زمان ، اوکا بو کون دکاسه ، یارین ، یارديم ايده جك بر
فرصت طوغوره جقدی .

او آقشامی و کجه یی ، یازیچی مذنون ، شعبه رئیس کدرلی
واندیشه لی کچیردی لر . ایرتسی صباح ، دائره یه کلن خاقل بکه
نوبتچی نفر بر تلغراف طوتوشدیردی ؟

نوشهر افند عسکر رئیس یوز باشی خلعتی بکه
أوك برانی تلغراف هواله سی اولدی کونده ریکاز . مهلت
یارین بیتبور .

قمری

بو تلغرافی او قور او قوماز طویدیغی صدمه یی ، خاقل بک ،
ابردہ بالقان حربنده کندیسنی محروح ایدن شر اپنلک ، تپه سنده
تفلاق ایتدیکی زمان طویمشدی .

اوطه سنه کیردی واسکه له سنه ییغیلدی .

جین کوز اوغلی ، قلم اوطه سنک ، بالالترام آچیق براقدیغی
قوشندن بو حادثه یی کوزه تله مش ، ایشی چاقشیدی . بودفعه ده
منفی بروضیت آله یی مناسب کوردک ، صبر ایدوب ، یوزباشینک
یانزه کیتمه دی .

اوکله یه قدر بکله دیکی دعوت هنوز وقوع بولمه مشدی .
خاقل بک بر معتاد اوینه ییک ییکه کیدرکن تصادفاً مردیونلرده
پرودروموس شوپله بر کوزو کدی . خاقل بک صورتی :

— زرده ایدک ؟ . صاحدن بری کورونه دک ..

— او چیوزیدی تولدیلر باصدیردیلمده راخت اولمدهدی.

— بر آزدن کل ، سویلیه جکم وار .

یازیچی بو دعوتک تضمن ایتدیکی خبر بشارتی بکله مکهله
برابر، بویوک برسوینج طریدی. سینه سنده، کوکسنی دهله جک
ایمش کی چارپان قلبنک ضرباتی ایلله طور دیرمغه چالیشدی.
یناقلری طغیان دمله قیزاردی. مسرتی عادتاً باغیره رق اعلان
ایتمک ایسته یوردی. آرتق استقبال اونکدی. آل ده که مش،
ایشله نیلمه مش بر آلتون معدنی کشف ایتمشدی. اوندن
اعظمی استفاده ایده جکدی.

یمک تعطیلی مناسبتیه بوش قالان قلم او طه سنده، پرودرو موس
جین کوز اوغلی کندینی ضبط ایده میهرک چوجوق کی خورا
تیدی ...

اوکله دن صوکره ، اوندن عودت ایدن خلقی بک بر آز
عصبی کورینیوردی. یازیچی یی یاننه چاغیردی. مناقشه دن اجتناب
ایدرک ساده جه امر ایتدی :

— هایدی کیت پاره یی بولده ناصل بولورسه ک بول !

آکلایشلی اولان پرودرو موس ، یالکنز :

— باش اوستنه !

دیملکه اکتفا ایدرک طوغری چین اوغلونک دکانه

قوشدی ...

ایرتسی صباح، تاغراف حواله سیله کیدن یوز الای لیرادن
ماعداء، خلقی بکک جینه یوزاللی لیرا دها کیرمش ؛ پرودرو-
میرس اوچیوز لیرا قازانمش ؛ اوسته یوردانک اوغلانده برسنه
تبدیلهوا ویرلمشدی .

آنحقیق ، ضرورت ، احتیاج ، سفالت یوزندن - واقعا
خیلی مجاهدلر دن صوکره - بر انسان دها سقوط ایتمش ، بر
وجدان دها افول ایتمشدی .

چور باجینک صایدیخی کیرلی بانقروطلری خلقی بکک تسلیم
ایدرکن ، یالکیز دوداقلرندن شو سوزلر ، بر دستور حقیقت
کبی دوکولمشدی :

— فضیلتی تقدیر ایتمین بر محیطه لائق اولان بودر !

— ۶ —

آرتق نوشهرلی افراددن مأذنه نیت آلانلر، تأجیل ایدیلنلر،
تبدیلهوا یه نائل اولانلر ، چوروکه آیریلا نلرک حدی، حسابی
یوقدی . رئیسک واسطه ارتشاسی اولدیخی خلقجه مجهول
اولیان پرودروموس بو مختلف صور استثنایه ایچون آیری
تعرفلر یامیش، بالطبع الکیویوک حصه بی ده کندینه آیرمشدی .
ایلاک زمانلر ، آرمده صرمده و تدریجاً تحفیف ایدن بر
وجدان عذاب طویان یوز باشی محرم وشریکی پرودروموسه :
— آرتق یتر ! بو یاپدیغمز دولته وملت قارش خیانتدرا!
بوکا نه دنیاده انسانلر نه ده آخرتده جناب حق راضی اولور!

دیه اظهار تردد و ندامت ایتدیکجه ، فی مابعد آمرینی
کندی تحت تأثیرنده بیان یازیچی :

— بونک بری ده بره ، بشی ده ، بشی وزی ده بر ! — سن
کیفکه باخ یوز باشم ! بویله زمانده غمسه سنک وار ایشده
بورایه غمسه سنک ، غمست دیدیکلک ده الارات ویرکیسیدر ، آیاغ
ایله ده بلز .

یوللوجو ابلر ویرمک اصلاح حال ایتمه سنه مانع اولمشدی .
اوند ، عائله سنک یاننده ده ، ابتدا بو حرام ثروتدن
عادت اورتانیر کی اولان خاقی ، صوکرملری صدبرک خانک .
سوالی احوا ایدن میندار باقیشلرینه .

— آدم سن ده آننه ! اوزومنی یه باغنی صورمه .
دیمکه اگفا ایتمشدی .

شمی شعبه رئیسک ده ، یازیچیسک ده جیلرنده یوزر
ایراق قائملر دسته لرله بیریکوردی .

بر جهه کونی پرودرو موس ، خاقی بگا اوینه کلدی .
اوطه قوسندن کیمه سنک دیکله یوب دیکله مدیکنی ایجه آکلار
دقدن صوکره یوزباشینک تایانه یاقلاشه رق ، کیزی برتکلیفده
بولندی .

صوک زمانلرده نو شهرده آلتون پیاسه می فیلامشدی .
بر آلتون ، کاغذپاره ایله آتی یوزیکرمی غروش ایدیوردی .
حالبو که پرودرو موس اولیسی گون استانبولدن بر مکتوب

آلش ، اوراده آلتونک درت یوز الی غروشه ساتلایغی
استخبار ایتشدی .

دیگر طرفدن ، شعبه ده شیمدیك همان همان ایش یوق
کیدى . تك توك بقایا افراد ایله اوغراشیلوردی . بناءً علیه
پرودروموس ماذوناً ریخود ممکن اولدایغی تقدیرده - که بو
هر حالده مرجحدی - مأموراً اسانبوله کیده جك ، اورادن بهرینی
درت یوز الی یه تدارک ایتدیكى آلتونلری کتیروب بوراده آتی
یوز یکر می یه صانه جتدی . شریرا باشنه یوزیتش غروشدن ،
بيك التون لیراده بيك یدی یوز لیرا کار واردی . یازیچی
شمندوفر - قدر عسکری عربیه ایله بلا اجرت ، شمندوفرده ده
تسویه ایله سیاحت ایده جکندن اختیار اولانه حق مصرف دخی
لاشی حکمنده ایدی .

صوکره مختلف وسیله لرله بوسیاحتلرک تکراری ده ممکن
اوله جغندن ، بواشیده کی استفاده پک بویوکدی .

چین کوز اوغلی ، بویولده یاریم ساعتدن فضله دیل دوکدی ؛
نهایت یازیچینک ایرتسی کونی کیتمه سنه قرار ویرلای . . .

آرمدن درت آفاق برزمان کچمشدی که خلق بکله پرودروموس
اون بشر بيك لیرالق آدم اولمشلردی .

ثروتک بخش ایتدیكى جسامرتله ، چین کوز اوغلی آراتق
یوزباشیه تماماً لایالی اولمش ، اونی بوتون بوتون آووچنک
ایچنه آلمشدی .

هر گون برر وسيله ايله تلقيناتده بولونيور ، بوعسکر
 اوجاغندن ، نوشهرک طار محيطدن صيرلغه تشويق ايدیوردی .
 استانبوله کیدوب کلدجه ، اوراده تجاری نه بویوک دالایوردی
 دوندیکی ، نه اهمیتسز وسیله لرله یوزه بیک ، بیک بشیوز
 قازانلایغنی ، کندندن دها آز قورنارلرک ، اوطوردقلری یرده
 میلیونلرله اوینادقلرینی کورمشدی .

هله ، یالکزی پی ویرمک صورتیه بوتون موجود مالی
 قیاتوب ، بوتون استانبولی قرق سکر ساعت آلتیز براقان و بو
 صورتله بر تخته ده یوز الی بیک ایرا اوران برهمشهریسک بو
 اثر درایتی حکایه ایتدکاری زمان ، حسددن پرودروموسک
 قان باشنه چیقمش ، یوردکی قویچق کبی صارصامشدی .
 شیمدی او ، هر آقشام ، آرتق ایشلرینه اسکیمی کبی
 اهمیت ویرمدیکی دائرهدن ، خاقی بکاه برالکده چیتدقیجه ،
 بالاتزام یولی اوزاتیور وساعلرجه اونی اقناعه اوغراشیوردی .
 وظیفه نك قدسیتی حقندکی حسلر ، هر شیئه رغماً هنوز
 منکرده سندن تماماً سینمه مش اولان ضابط ، الآن تردد
 ایدیور ، بویله اورته یرده ایشنی ترک ایدوب چکامه نك پکده
 تمیز بر حرکت اولیه جغنی ایلری سوریوردی . بوکا قارشیده
 پرودروموس دییوردی که :

— یوز باشم! بورا محاربه میدانی ده غل . دشمن اوکندن
 غاچاچاغک دغل که .. آقساسکر (اخذ عسکر) ایشلری

فانتازی ایشدر . بیراغیرسهك کیمسه برشی دیمز .
 صوکره استانبوله کیدرلرسه اوراده ناصل تشریک مساعی ایدمه
 جککرینی خلقي بکک یالکز یازیشانه ده و طوروب هیچ برایشه قاریشادن
 منحصرأ یازیمچیسنگ همتیله کونده لاقول دوت ، بش یوز ایرا
 کار ایتمه سی ممکن اولدیغنی ، هیچ کیمسه یی اضرار (؟) ایتیه جک
 اولان بو کسب و تاریر متفع اولمه مهك عادتاً طالعه قارشى
 کفران نعمت و حی ابدیانه بر حرکت اوله جغنی دور و دراز
 ایضاح ایدیوردی .

نهایت ضابطت تردیرینی ازالیه موفق اولدی . بر کون
 خلقي بك ، اومورسهكی برهك كندیسه صیق صیق اضطراب
 ویرمکده اولدیغمن بختله ، حربیه نظارتنه ، طریق رسمی یی
 تعقیباً بر استدعا ویرمکده تقاعده سسوق اولمه سنی ، و بو ممکن
 اوله مدیغنی تقدیرده ، برای تداوی آلتی آی تبدیلیهوا اعطاسنی
 طالب ایتدی .

استدعائی دوائر عائده سی نزدنده تعقیب و بر آن اول
 استحضال نتیجه ضنده یازیمچی بی ده استانبوله کوندردی .
 ترنده کیدرکن جین کوزاوغلی پرودر و موس ، بلاء طیبیه یی
 استیلادن قورنارمغه قوشان بر اهل صلیك طویه جغنی استیاقی
 حس ایدیوردی .

حیدر پاشایه واصل اولدیغنی زمان ، آقشام اولمشدی .
 غروب ایدن کونشك آتنده قهله یی یالیزلانان ، جابجا مورققلر

پنبه لکیر، خفیف، صاری رنگارنگ بیک بر کیجه ماصالار ندمکی
مخیل بلده لری آ کدیران شهره، قره مانلی مفتون نظراره
باقدی .. باقادی، و صوکره یاواش یاواش خیالاته طاهره
استانبولی بر ییغین آلتون ایله اورتولو کوردی، کندی ده بو
ییغینک ایچریسنده مست و محظوظ، یوزیوردی ...

— V —

« استک زاده خالق و شرکاسی » نك یازیخانه سی غلطده
(استقامت) خانک تکمیل اوچنجی قانی اشغال ایدیوردی.
مجدداً آلان مفروشت بوقیل یازیخانه مفروشتانک ال آغیری،
الک سوسلوسی ایدی .

خالقینک اوطه سی بر آصریقان، پرده لی یازی ماصه سی، قان
رنگنده ماروکن اوطه طاقی، قریو قرمز پرده لر، برده
یکپاره، قرمز زمینی عجم خالیسی ایله دوشه نش؛ کویا خالق یی
راحتسز ایتمه مات، فقط حقیقته اونی دالایره لرینه آگاه
قیلمه مق اوزره آبریه بر اوطه طالب ایدن جین کوز اوغلی
افندینک حجره مساحیسی ایسه لوکس خصوصنده دها بسیط
اولمقه برابرینه اولمقه مزیندی . دیگر ایکی اوطه دن برایی
پرودروموسک کتیه دیکی روم کتیه تخصیص اولمیش،
صوگنجیی ده قره ازلینک مفیدار صورتده کوز قیرپارق
واوکسوردرک ایما ایله کی محرم (!) ایشله آیرلمشدی .
استانبوله کلدرینک هفته نده، سنوی بیک ایکی یوز لیرا

بدل ايله بويازيخانە يي طوتمش لردى . بويارە يي بردنبرە خاقى بك
استكشار ايتمشەدە ، بويوك ايشلر كورمك ايچون اول امرده
بويە زنكەين ، سوسلو بريازيخانە يي احتياج اولديغنى پرودروموس
شورادن بورادن مثال كيرەك ايضاح ايدنبە قامقده كچيكمەمش ،
مقاوولە يي يامشدى .

چوق كچمەدن پاره قازانمە يە باشلاديلر . قرە مازايلرە
خاص اولان ويالكز تجارتە انحصار ايدن نفونظرلە ، پرودروموس
نە كچي ايشلردن ، نە وقت فضئلە كار ايديلە بيلە جكنى اولندن
كسديرەك كيريشيور و شايان حيرت برقطعتلە دائما او ايشدە
تخميني وجهلە نتيجه لنيوردى .

آنچوق خاقى بكە . كنديسنك دە ، فضئلە دكلسە بيلە مساوى
درجەدە بارە صاحبي بولنديغنى سزديرمك ايستەمديكندن ،
همان هر دفعە سەندە اورتا قلاشە فقط ظاهراً خاقى بك نامنە
ياپديغى معاملات ايچون يوزدە ايكي ، اوچ ، هر نە ايسە بر قوميسيون
آليوردى . وشايد صوران اواسە :

— بن دە سرمايە يوق . پارە مولقوبە غك . ايلەكنى غوردوغم
ايچون يانندە چاليشيورم . الله بيك بركت ورسون ، آلدیغم
غوميسيون دە بنى كچيندير ييور ، دييوردى .

وبوكا ، باشدە ساق يوز باشى اولق اوزرە ، هر كس
اينانيوردى . حسابە ، كتابە عقلی ايرمەين خاقى بك ، نە آينوب ،
نە صاتيلنديغنى ، دە پولرە نە كپروب نە چيقدیغنى بيلمە يور ، يالكيز

ایکی بیک لیرا تودیعی ایدوب ده اوچ بش کون صکره اوچ ویا
درت بیک لیرا آلدیمی ، عنون اولیور ، پاره لری ، بانقه ده کی ،
کوندن کونه مطلوب خانه سی قباران حساب جاریسینه یاتیردیغی
آقشام بر آز دها فضله نشئه ایله اویینه دونیوردی .

هنوز چوق کیسه لرله تماس ایتمه مش اولان خاقی نک آشناسی
همان هیچ یوق کیدی . فقط پرودروموس جین کوز اوغلی
افندی ، استانبول پیاسه سنده اولدقجه مهم بر شخصیت عد
اولونیوردی . او کلدیکی وقت ، بویوک تجار لر ، قومیسو نیجیلر
باشقه ایشلرینی براقوب اونکاه مشغول اولیور لر ، بانقه
دیر کتور لری پرودروموس افندی نی قپودن قارشیلایور لر دی .
کیمی فلان ویا فلان ایش حقنده رأینی استمزاج ایدیور ، بر
دیگری ادخال ویا اخراج ایده جکی امتعه ایچون مقامات عالیه
تزدنده حمایه وشفاعتی رجا ایلایور دی . زیرا قره مانلی آرزمانده ،
عالم تجارتده اولدیغی کبی دوائر رسمیه ده دخی بر موقع ممتاز
صاحبی اولمش ، تامتیدندن باشلایه رق مستشارینه قدر حلول
ایتمش ، کندیسنی سودیرمشدی . منلا مالیه ده ، اعاشه ده ، اخراجات
قومیسو نیونده ، رسوماتده ، خلاصه تجار ایله مناسبتدار اولان
کافه محافل رسمیه ده بر دیدیکی ایکی اولمیور ، اونک بر قارت
دوویزیتی درجات محاکدن کچمش بر اعلام قدر قطعی الاجرا
بر وثیقه عد اولونیوردی .

روم ، موسری وطاتلی صر فرنکلرندن عبارت اولان

بەك اوغلى محافل مەدنىيەتنە كەنجە ، بورادە ۋەيران بىر مەسامرە ،
بىر چاي ۋەيا بەك ضىياقتى يوقىدى كە اونىدە پرودروموس مەدەو
بولمەسەن . ۋە ھەر بىر ئىندە ، بىيۋودە ۋەقت ضىياقتى نەتىجە ذل عد
ايدىن قىرەمانلى مطلقا نەتىجەدە خاقى بەكلە كەندىسە بىر قاق بەك
ايراقازاندىراجق بىراش بىتيرىپەردى .

يۈاش يۈاش ، سابىق اخىدە عىسكىر رەئىسنى دە بوجەيتلەپ
آلېشدىردى . بەش مەمەلەت اوليوردى كە ، بونلر ك بىر نەتىجەدە
اىصالى اسكى عىسكىر ك ھەمتە مەخاج ايدى .

خاقى ، اوللارى كىرەك كىرەك بولسا كەنجەلەردە بىر تەنچى
تۈر مەدەق اىچون پۈرگەن كەندى . على الا كىرەك ايشىل چۈرەدى
مەسەك باشىدە مەخەت مەسەك ۋە مەدەن دەرەش ذات تۈپلە .
نوب بولسا ۋەلى عىمى او يۈرۈپ بولسا ، فقط يۈتۈرلۈق
خەسەندەكى خەسەن نەتە مەكەت ، سۈر مەخەتە ايلە تەلەپ
ايدىيورلردى . بولسا سۈرەتە ۋە داۋا پرودروموسك تەلەپتە ،
مەلە مەلە ار كەندەن بىر قاق رەفە خاقىنك ، بولسا مەلە
آلەپنى بىر ايكى يۈز ايراسەن مەلە ، خەزىنەدەكى بىر ايكى بەك
ايرالق مەلەبەتتى تەسۈپە ايتىر يۈرەشدى .

بولسا يەنە (سەك زادە ۋە شەكسى) تەبار تەخانەسەك ھىچ
بىر يەردە بىش يارە آلەپنى قەلەپنى كى ، قومىسۈنى قىرەمانلى يە
مەلە اولمق اوزرە ، شۈنك بونك آلەپنى دە تەخىل ايدىيور
ايدى .

سابق یوزباشی یالکز قاریلرله باغدا شه مه مه شدی ، اونلره
قارشی ناصل معامله ایدیلر چکنی بیله میور و پرودرو موس ده ،
بو خصوصده کندی قدر عجمی اولدینی ایچون اونی تنویر
ایده میوردی .

آه ! ایچلرنده او قدر کوزلاری ، اولد شریخاری
واردی که !

هله اوزون بویلی ، صاریشین ، آرشیمانجه بر دانه سی
واردی ؛ خصوصی بر بانقه یی اداره ایدن قوجه - نك کوزی
اوکنده هر کسله شقالا شیوردی ؛ دایما نشئه لی ، کیفلی ، ملحت ،
جلوه کار بر قادیندی . هر نره یه دعوت ایداسه خاقی او قادینی
بهمه حال اوراده کور میوردی .

بر کون ، بوقادینک کیم اولدیغنی پرودرو موسدن کیزلیجه
صورمش ، او قاره یاغیز ، قیصه - بویلو ، میمنتسز بانکرک
زوجه سی و ... سفیرینک متره سی اولدیغنی خبر آلمشدی .

خاقی ، هر دفعه سنده بوقادینه یاتین اوطوره رق نیم عریان
وجودندن ترشح ایدن بوی لطیفی تنفس ایدرک مست اولیور
وگوکلنده غیر معین ، متردد آرزولر اولدیغنی حالده ، یالکز
بواندیغنی عربنه نك ایچنده بعضاً چوجوق کی سببسز آغلا یه رق ،
استک زاده محله سنده کی اوینه دونیور ، یتاقدده کندی بکلرین
هدیه نك قوللاری آره سنه بیتاب آتیاپویر میوردی .

صديق خانم کاینی ده خالقینک بو حالنی یورغونلغیه حمل
ایدیک ، کیزی ، کیزی آجیورلر و غیابنده دعالرایدیورلردی .

— ۸ —

— باقسهك آظرافت ، بویوك خانمی بکا چاغیریور .
عرب ، کتیردیکی قهوه یی ، اوطه نك اورتی یرنده کی
ماصه نك اوزرینه براقه رق ، جواب ویرمه دن چیقدی .
خاقی بو ص . باح براز عصبی کورینیور . بوتون کیجه
اویومدیغی ، وجهنده کی رنگسزلکدن وسائر یورغونلاق علائمندن
بللی ایدی . مع هذا هدییه ایشی سز دیرمه مش و آناسیه
یایه جنی حسب حاله دائر اوکا هیچ برشی سویلامه مشدی .
صديق خانم اوطه یه کیردیکی زمان ، یتاغی طویلامه
مشغول اولان هدییه ، طیشارییه چیقماق ایستدی . خاقی :
— سن ده طور ، کینه !

دییه مانع اولدی . آناسنک علی العاده خاطرینی صورددقن
صوکره :

— آنه ! دیدی . سزکله برشی کوروشه جکم . بقالم
فکرلرمنه درجه یه قدر مطابق قاله جق .
— خیردر انشااه ! سویله اولادم .

— باق آنه ! بو او هم اوزاق ، هم ده صحتیه مضر ...
صديق خانم ایشی آکلار کی اولمشدی . دها اوکجه دن
مدافعه ایتک لزومی حسن ایتدی :

— آ آ ! نره سی مضر ، او غلم ؟ بوتون عمر من ایچنده
چکدی . جمله مزدن ایراق ، نه خسته اولدق ، نه برشی . هچمن
طوب کبی یز ماشاه !

— او یله دییه آینه ! هدیه نك دوت سنه اول چکدکاری
اونو تدکی ؟

— نه چکدی ؟ . ایل عالمك اولدینی کبی اوده برصاتلیجان
کچردی . تازدایکده هچمرك باشنه کلدی . هم خسته اندی ده
نه اولدی ؟

— نه ایسه .. اوراسی لازم دکل . بنم بورادن یازینانه
کیدوب کلم زور اولیور ، او کمز قیش ... قارده ، چامورده
نه پیاجم دییه درشورنیورم .

— هرکس نه یاپارسه سن ده اونی یاپارسین ! خزینه
خاصه ده کی نعیما افندیك جانی یوقی ؟ هرکون تا بشکطاشه یایان
کیدوب کلیور . . . هم الله شکر ، پارهك یوق دکل ، عربه
ایله کیت کل .

بومحاورده اشناسنده هدیه سکوت ایدیوردی . فقط قلباً
قائن آناسیله همفکریدی . زیرا اوده بومحله نك قیزی ایدی .
کیسه سز اولمقله برابر ، بوتون قونی قومشوی تیزه ، آبله ،
قردهش بلله مش ، بومحیطه آلیشه شدی . حتی صدبرك خانم
وقتیله آناتولیده یرلشمك هوسلرینه دوشدیکنی خبر آلدینی
زمان ، برمانع ظهور ایدرده استانبوله عودت ایدرلرسه (تیز

وېرەن ددە) يە ايكي اوقە موم ، (ميسكىنلر) ددە برسوپوركه
ايلاھ برتجىرە حلوا آدامشىدى . كىنج قادىن ايچون بو محەلە دن
آيرلىق ، دىيادە يكانە سسودىكى قوجە سەندن آيرلغە مەئادل
كىي ايدى .

خلقى بك بىك درەدن صوكتىرەرك اصراز ايدىيوردى :

— محەلە پيس ، سوقاقلر قراكلق ؛ دىيوردى .

ھەر بھانە يە بر جواب بولان صدىرك خانم ، بوگدە مەئابلە
ايتدى :

— نە اولور؟ حاضر ثوابدر . شەرايە ايكي قنار دىكدىر وىردە
عباد اللہك دعاسنى آل .

فقط ، اساساً بوتعاظىء كلام بىھودە ايدى . خلقى مسئلە يى
خاطر ايچون آناسندن استمزاج ايدىيوردى . جىن كوزاوغلىك
دلالتىلە ، آياس پاشادە ، الكترىقى ، تەلفونلى ، نظارتلى ،
مفرخ بر آيارتمان طومش ، ايكي سەلەك مقاولە بىلە يامىشىدى .
بىناى عايە كىفئى بوضورتە صدىرك خانمە طانىشىركى كورونمك
محضا اونك كوكلنى آلمقەن عبارتدى . بىردە زوجە سنى تطيب
ايتمك ايتىدى . اوگادە توجىە خطاب ايلە :

— سەن نە دىرسك ، ھدىە ؟. دىدى .

زوجە اطاعتك مقتضاي دىانت و تربىيە اولدىغنى بىلەن خلق

تورك قىزى جواب وىردى :

— سز بیایرسکیز بکم .

بونک اوزرینه خالقى بك تکرار آنه سینه دوندی
واوقشایه رق :

— هایدی آنه جکم ، دیدی . خاطریم ایچون بك اوغلنه
طاشینه جغز . سز حاضر لانه طورك ، بن کاتبه تنیه ایتدم ،
جمعه یه عربه کتیره جك .. باق بر کره کیددلم ، بردها چیقماق
ایسته میه جکسکیز . دکنز بویله طباق کبی آیان آلتنده ، روزکار
یوفور ، یوفور .. الکتریقی ، تله فونی ، هر شیئی مکمل .
دهاده برچوق محسنات غیر موجوده تعداد ایدهرک ، قادینلری
شیمیدین ایصیندیرمق ایسته یوردی .

صدبرك خانم نتیجه ده استك زاده محله سنی ترکه راضی
ارلیوردی . فقط یابوغاز ایچنه صاری یاره و باخود قیزیل طوپراغه
طاشینمق شرطیه . خالقى ، بویرلرك اوزاقلغنی بهانه ایدهرک
اوکاده جواب ویردی .

اصل قیزی ایجه قیامت بو نقل حوادثی مطبخده ظرافت
باجی یه انتقال ایدنجه قوپدی . عرب اولان کنديسییه آلاى
ایدلایکنى ظن ایتدی :

— یاقیشمش بزه بای اوغلو ! بو یاشدن صوکره تانغومی
اوله جه بزه؟ صوص بویوق خانم آللانی سوه رسه ! ..
فقط ایشك جدی اولدیغی تأمین ایدی انجه عرب کوپلره
بندی .

— آیو ، بزی قوچوق بهی (او ، حالا خلقي به اویله
دیردی) دلمی اولدی ؟ اوکمز رمضان ، اذان سسی طویمه دن
انسان اوراده اوطوره بیلیرمی ؟

— ایشنه یاقین اولسون دییه ایستیور باجی !

— بن ایشی میشی بیلمز . بو یاشدن سوکره ظرافت
کیدوب ده غاوورلرک اورتہ سینده اوطورمز . سز کیدک غوله
غوله .. بن ده آبیلاسنه کیدر .

ظرافتک کندیلرندن آییرلق احتمالی صدبرک خانم وکلینی ایچون
اک فجیع بر احتمال ایدی . او ، بو اوه انتساب ایدلی اوتوز
سنه دن فضله اولیوردی . فن طباحتده کی مهارت فوق العاده .
سندن قطع نظر ، عرب صدبرک خانمک طوتار آلی ؛ کوریر
کوزی ایدی . ربع عصر دن فضله بر ارده اصرار حیات
ایتمش بولمق اونی بر اجبر اولمقدن زیاده عائله نک بر جزؤ
لاینفکی یامشدی . ظرافتک براقه جنی بوشانجی کیمسه طولایره .
مازدی . اونک ایچون کرک صدبرک خانم ، کرک هدیه بوتون
بلاغتلینی صرف ایدرک کندیسنی قاندرمغه چبالادیلر . زواللی
صادق ظرافت ، تحریک ایدیلن رقنه مغلوت اولدی . میرلدانه
میرلدانه باقیرلرینی طوپلامغه باشلادی .

ایرتسی هفته آياس پاشایه یرلشمشلردی .

— ۹ —

استانبولده حوائج ضروریه فیاتلری کوندن کونه پوکسه لیور ،

شکر ، پرنج ، آت ، یاغ ، اون کی باشلیجه غدالر ، باش
دوندوریحی برسرعتله ونسبتسز ، قاعدهسز ، کیفی بر صورتده
بهالنیوردی .

بو اشیا پایتخته یوق دکلدی . روسیه نك ، رومانیا نك ،
قره دکر شهرلرینك ، ایرانك ودها اوتدرك اشیا ارضیه لکی
وظیفه سنی کوردن استانبولده ، بر یحق میلیون اهالی یی ، بول
بول بش سنه اداره ایدم جك ارزاق بولندیغنی صلاحیتدار
کیمسه لر ادعا ایدیورلر ، حتی ارقام ایله اثباته قالدیشیورلردی .
بوکارغما ، مثلاً کونک برنده شکر اورتدن یوق اولیو -
یریور ، ایکی اوچ کونلک بر یوقلقدن صبر کره ، ایکی مثلی
کسب قیمت ایتمش اوله رق کیزلیدن کیزلی یه ینه عرض وجود
ایدیوردی .

بو ایشلره مانع اولمهی لازم کلن اعاشه نظارتی ،
بالعکس هر کسدن زیاده بو احوالک مسببی اولمقله ، خلق
طرفندن اتهام اولنیوردی .

استانبول اهالیسی ، پرتوسوز ایله بویوتلش آجی بادم قوراء
بییه سی شکنده ، ترکیبی مجهول بر ا کمله تغدی ایتدیکنندن
کوندن کونه صوایور ، ضعیف دوشیور ، درمانسز قالیوردی .
بالخاصه چوجوقلر آرمسند و فیات شایان حیرت بر راده ده
ایدی .

حالبوکه، هر کوشه باشنده آچیلان لایعدطاتیجی دکانلری،
آچ، خسته، اهالی یه شکرلده، اونلده، یاغده مملکتده
مبذولیتی کوستریپور و بو دکانلری یاشاتان، اونلرک تکشیرینه
سبب اولان مخلوقاتک کیملر اولدیغنی دوشوندیریوردی.

یواش یواش بر قاچ اسم ایشیدلمه یه باشلادی: هر بری
« بیلیم نه زاده » دپیه، اسمنک باش طرفه بر عنوان ادالت
(!) علاوه ایدن بوتورودیملرک چونغی حربدن اول عواملده
خواصکده مجهولی؛ دیگرلری ایسه زو کورتلک، سفیللک،
بایاغیلقله معروف کیمسه لر دی.

بونلر خلقلک کرفتار اولدیغنی احتیاج وسفالتله علناً استهزا
ایدرکی، چیرکین، غلیظ بر صورتده اسرافاتده بولونیورلر،
آوروپانک اک عادی، ائک مستکره فاحشه لرینه مثلاً بانقو طدن
یورغان اورتیورلردی.

اعاشه نک بیک مشکلات ایله کندی لرینه ویره جکی مصر
قوچانندن معمول اکمی فرونلرک اوکنده علی الا کثر ساعتلرجه
بکله یین قادین، چوجوق واختیارلر، لاستیک تکرلیکلی قوناق
عربه لر یله یانلرندن کچرکن قهقهه لر صاووران، الارنده جویز
قدر پرلانطه تک طاش یوزوکلر طاقش، آلتون تل اورمه آل
چانطه لری الماس مارقه لرله، بزه نمش، آچیق صاچیق، سوسلو
خانملره، آچلمدن دکلسه بیله، محرومیتدن فری قاچمش کوزلرینی
توجیه ایدرک، حسددن زیاده کین ایله لغت صاووریلر،

سرحدلرده شهید دوشمن اولاد و عیالارینک دوکوان
قانلرینک حیابنی صورمق ایستیه یورلردی . فقط ، آلتوندن
بر زره ایله مجهز بولان بو انصافسزلره نه لغت ، نه انکسار ،
نه ده کوز یاشی تأثیر ایتمیوردی .

آچاقدن اولنلر کفنسز کومولورکن ، بویکی زنکینلرک
قاریلری ، قیزلری هر کون اثواب یکیاپورلر ؛ یوزلرجه
چوجوقلر غدا سزلقدن صولوب طوریرکن ، او افندیلر کوبک
شیشیریورلردی ...

نرده بر مایحه ، بر قان ولش ضیافتی اولسه ، اورایه
بهمه حال قارغلر اوشر . هزارلقلرده ، مذبحه لر جوارنده سورو
ایله بو مشئوم ، اولوم وماتم قوشلرینی کوریرسکنر .. طبیعت
بو مخلوقاتک رزقنی ده بو یوزدن ویرمشدر . اونلر ایچون باشقه
صورتله تعیش ممکن دکلدر . قان ، اش ؛ دائما قان ودائما اش
ایستلر .. دنیاده قان آققدن کسیلدیکی ، اولوم نهابت بولدیغی
کون قارغلرک نسلیده منقرض اولور .

طبقی بو مشئوم حیوانلر کی ، هر محاربه ؛ انسانلر آره -
سنده هر مقاتله ، بهمه حال محتکرلر ، حرب زنکینلری وجوده
کتیریر . بشرک فلاکتی بونلرک اساس رفاه وسعادتیدر .
طوپلادقلری آلتونلره بر آزده قان بولاشمش اولسه
اهمیت ویرمزلر ، بالعکس بوقان قوقوسی اوپارهیه کویا بر باشقه
چاشنی ویرر . بونکاه بزمست اولورلر ظن اپدرسکنر .

مجار به بی اور ته دن قالدیرك، اونلری شاشیر تیرسكنز؛ زیرا احوال
عادیه ده اجرای تجارت شهویه طورسون، اداره ثروتدن
عاجز درلر. حرب تاجری بر باشقه مخلوقدر؛ قان قوقوسیله
تنبه ایدر بر مریضه-در. « وجدان » دینیلن جوهر قیمتمدار
اونك لهجه مخصوصنده « منفعت » تسمیه ایدیلر. محتكر،
آقشام، سفره سنده ییدیکی اكهکی كوز یاشیله طوزلار،
ایچدیکی سیغاردنك دوماننه یتیمرك آهی قاریشمه سنی ایستر.

سرحدده جان ویردن اولاد وطندن هر بری، کندیسنه
بر قاچ یوز ایرا قازاندیرمه مش ایسه، جمله سنك اولومی هبادر.
زیرا وطن کلمه سی اونك ایچون بر افسانه، پاره ایسه دنیاده
یکانه حقیقتدر!...

اوچنچی اردوده، ظلمه قارشى وقتيله عصیان ایتش اولان
ملازمحقوده، شمدی خواجه سی جین كوز اوغلنك همتيله،
آرتق بر حرب زنکینی اولمشدی.

آقشاملری کیچ وقت، یازینخانه سندن چیقارکن، خان
قپوسنك اوکنده، بری دیکرینك اوزرینه قیورلمش، متقابلاً
نفسلریله ایصینمغه چالیشان؛ آچلقدن کوزلرینك اطرافى ماتمی
برر هاله ایله کواکله نن، صیسقه، مریض، چوجوقلری،
آلتون صاپلی باستوننك اوجیله ایتوب، وقتيله فهم پاشایی
طاشیمش اولمقله مباهی (!) بولنان عرب به سنه قورولیور، یاننده

پرودروموس اولدینجی حالد ، استک زاده خلقی بک افندی
بک اوغلنه چقیوردی .

وعلی الا کثر ، یولده ، اوست باشلری پریشان ، هربری
ذی روح بر قورقولق کبی ، یورغون ، ضعیف ، فقط معناً
تمیز ، کندیسندن چوق دها یوکسک ، اصیل ، جوانمرد ،
صاف بر عـکـر قافله سـنـه مصادف اولیورلر ؛ او زمان ، هر
حالد بر شی سویله مک ازوهنی حس ایدن قره مانلی ، ولی نعمته
دونوب ، ساده جه :

— دنیا ! دیوردی .

شرینکنک بو معناسز ، ومعناسز اولدینجی قدر شنیع خطابی
باشیله تصدیق ایدن خلقی بک دوشونموردی که بو دنیا بر کون
کلیر که ترسنه دوزر ...

— ۱۰ —

ایوب سلطان ! .. بوبلدۀ اموات بر دارالسر ائردر . اونک ،
طرفینی ، مزار طاشلریله آراتان ، آچاقق طاملی ، کهنه ،
اولرله محاط طاراجق سوقاقلرنده ، استانبولاک سائر محلاتی
خالقندن ، هر خصوصده تماماً فرقلی ، تماماً باشقه بر جهان
یاشار .

اولولر آرمسندۀ اوطوره اوطوره عالم غیبه ، درین بر اعتقاد
ایله مربوط اولان اورا سکنه سنک حسیاتی اوقشایه جق هر
درلو اسباب او طار سوقاقلر ایچریسندۀ موجوددر . صیتمه

باغلايانلر ، صاريلغه ، ساييله قارشى نفس ايدنلر ، اسرار غيبي
كشف ايلهينلر ، بويو ياپانلر ، خلاصه صافيت بشردن مستفيد
اوله رق تاأمين معيشت قيلانلر ، اكثريتله او سمتمده مكان
طوتارلر .

حضرت خالدك مرقد مباركنى زيارته كلوب ، مشارالهاك
روحانيتندن استمداد ايدن دردليلر ، بعضااده اوفانى شفاجيلره
باش اورورلر كه بو سببدن مشتريلى كثير اولور .
بو متخصصلارك اك مشهورى ، بر وقتلر (پرچلى باقىچى)
ناميله معروف بر قاديندى .

استانبولك همان هر يرندن ، تا كرينك كونى صنوف
اجتماعيه نك هر برينه منسوب ، بر چوق ارباب حاجت كلوب
بو قاديندن استكشاف حقيقت ايدىيورلردى . اوده ، مشتريسنك
حالت روحيه سنه و ايتديكى مالى فداكارلغه كوره كاه بر پارچه
اميد وكاه بر مقدار زهر و يرييور ، هر حالده منون ايدىيوررى .
بر ياز كوف (پرچلى باقىچى) ، اوينك قبرستانه ناظر
نجره مى اوكنده اوطورمش زيارتچى بكليوردى . اوكنده
آنشسز مانغالى ، بو مانغالاك كنارنده صره صره ، مختلف
بويوكلكده جزوئر ، يشيل چناقلر ، ياننده بيكالك بر تسبيح
طور ييور ، يرده كى مندرلك اوزرنده برسياه كدى اويوقلايوردى .
يردنبره ، قونك اوكنده بر عربه طوردى . مطبخده
بولاشيق ييقامقده اولان خدمتچى عرب الارينى قورولامدن

قوشدی قیوی آچدی. ایچری یه بری سیاه چارشافلی، یاشلیجه،
دیگری قهوه رنکی چارشافلی کنج، ایکی خانم کیردیله.
خدمتچی الارندن شمسیه لرینی آلیرکن، یاشلیسی صورتی:
— خواجه خانم اوده می؟

— اوت اقدم، بیوریکز.

هپ برالکده، باصیق مردیودنی چیقدیله، کندیلرینه
بول ویرن عربك اوکندن کچوب، اوطه یه داخل اولدیله.
مشتی کلدیکنی، مردیودنلرده حاصل اولان آیاق پاطیرد-
یلرندن حس ایدن باقیچی، اوطوردینی یرده درحال کندینی
طوپلامش، تسبیحنی آله آلمش، دعا ایدیور کبی بر طور
طاقنمش، دوداقلرینی اویناتیور، آکلاشلاماز برشیلر میردا-
نیوردی. هیچ قیملاندی.

باشیله، زائرلرینی سلاملاقدن سوکره، ینه اشارتله،
اوطورمه لرینی امر ایتدی.

خواجه خانمك دعاسی بش دقیقه سوردی. بو مدت
ظرفنده بر ایکی دفعه صاغنه صولنه اوفله دی وهر اوفله یاشده
خانمك ایکیسینی ده کوز اوجیله سوزه رك درین بر اندیشه ایله
معاول ایکی روح قارشوسنده بولندیغنی آکلادی. بوکافی ایدی.
آرتق اوکا کوره اداره کلام ایله سوز آرمسنده، قورنازجه
صوره جنی برایکی سؤاله آله جنی جوابلاردن ده استعانه ایدرك،
بیچاره قادینلره پک قولای اظهار کرامات ایده ییله جکدی.

دعاسنی بیتیرنجه، تسبیحنی طویلادی، باشنده کی نماز برنی
دوزلندی، وزائرله خطاباً :

— صفا کلدیکز خانم افندیلر، بر حاجتکرمی وار؟

دیهه صوردی .

ایکیسی ده سکوت ایدیورلردی . بر طرفدن هوانک
بوغوجی تقاتی، صیجاقلانی، دیگر طرفدن ده کندی کدرلرینه
انضمام ایدن، بویه یرلره کلمکه آلیشمامش اولمقدن متولد صیقنی
صدبرك خانمك ده، کلینینك ده — زیرا بوایکی قادین اونلردی —
دیانی طوتیوردی .

نهایت صدبرك خانم، نفسنی زورلایارق، اعطای جوابه
جسارت بولدی :

— بر مشکلمز وار خواجه خانمجم، طایشمغه کلدک .
فقط بوراسنی بولنجهیه قدر چوق یورولدق ده ...

— آ! ضرری یوق! اوطورك دیکلک، بوراسی ییباچی
یر دکل، کندی اوکوز . نرودن تشریف بی:ریلیور؟

— تا بك اوغاندن، آياس پاشادن ... صباحدن بری

طولاشیورز .

بو قیصه، جمله باقیچییه چوق شی افاده ایتدی . بر کره
بو خانملرك بك اوغاندن، همده آياس پاشا کی کبار یتاغی
اولان بر سمتدن کلمش اولملری زنکین بر عائلهیه منسوب
بولندقلرینی افهام ایدیور، صوکره صباحدن بری کندیسنی

آره مش اوله لری ده درد لرینک ایجه مهم بولندیغنه دلالت ایله-
یوردی . بواهمیتلی نقطه لری آکلادیغندن طولای حس ایتدیکی
ممنونیتی ، اینجه جک ، رنکسز دوداقلرنده بلیردن و تبسمه
بکزه مک ایستهین بر اشمئزاز ایله اظهار ایتدی . مع هذا
اعتدال دمنی محافظه ایدرک :

— واه، واه! دیدی صاعاق ویره ن ای تعریف ایدمه مش
اوله جق . . بوراده (پرچملی باقیچی) دییه کیمه صورسه کز
بیایر .

— شهرتکز ماشاالله پک بویوک .. ذاتاً بزده بیایدیکمز
ایچون کلدک .

کمال صفوتله تقریر ایدیلن بوالشفاتکار سوزلر فالجی قادینی
درجه سز ممنون ایدیوردی . قارشیدیسنده کی نظرلر بر پارچه
تجربه لی اولسه یدی ، قارینک یوزنده کی اشمئزازلردن ، قلبنده کی
حس مسرتی او قوردی .

بر آن اول ایشی آکلامق سوداسیله :

— یالکز ، خانم جغم ، دیدی . کاشکه اوکله دن اول کله-
یدیکز . شیمدی نروده ایسه مشتریلر باصار ، سزه راحت
راحت باقه مم دییه قورقیورم . نه صوراجقسکز بقایم ؟ .

صدبرک خانم ، چارشافنک اتکنی قالدیروب ، انتاریسنک
بلنده کی قوشاقدن مندیلمی چیقاردی ، قویننی آچدی وکو کسند
یاری بوشالمش برر یاغ طولومی کبی صارقان مملرینک آلتندن

صيزان تری ايجه سيلايدكن ، صيجاقدن ، صيقتيدن قيب
قرمزي اولمش صورتى ده ينه عيني منديل ايله يلازەلدكن
صكرە ھدييى كوسترەرك :

— سوراجق بن دكلم ، بو !. ديدى .

باقىچى قارى بو دفعە ، كنج قادينە توجيە كلام ايتدى :
— سويلە قيزم . ھم دە او قدر اوزولمە .. يازيقدر سىكا
جوانم ! باق اوزونتيدن اريمشسين . يىناجقلىرىنك رنىكى قاچمش .
ھديە ، اووقتە قدر صوصيوردى . محكمەنك كندى عليھندە
ويرەجكى قرارك آغىرلغى بيلەن بر مجرم كى ، سعادت آتەسى
حققەدە بو قادينك آغزىدن چىقەجق اولان افشا آتى ھم
بىكلەيور ھم دە طويىق ايستەميوردى . فقط كونلردن برى
ايچنى كيرمكەدە اولان شېھە وترددلر ، كوكلەندە حكم سورەن
حس فيرطنەسى ، اعضاينى صوك درجە ضارصەرق ارادەسىنى
الدىن آلمىشدى . آرتق فضلە تھمىل ايدەمدى . بردنبرە ، ضبھە
قادر اولەمدىنى ھىچقريقلر آرمىندە يالەكز :

— قوجەم .. قوجەم !. دىيە بىلدى .

صديرك خانم ، بوتون بوتون قىزارمش ، آرتق قالايچى
كوروكى كى صولويوردى :

— اللە رضاسى ايچوت ، خواجە خانم ! ديدى . شو

خانونك دردینە چارە بول . نە اولورسە سندن اولور .. كوردكجە

فنا اوليورم . ھای اوغلانە آلاماز اولەيدم !

باقیچی جواب ویرمدی . یرندن قالقدی . مانغالاك آلتنده
طوران چناقلردن برینی آلدی ، ایچریسنه صو قویدی . کچرکن
کدیسنگ صیرتنی اوقشادی ، تکرار یرینه عودتله اوطوردی .
بوتون بوایشلری کوریرکن دوداقلری آکلاشماز بر شیلر
میرلانیوردی . نهایت تکرار هدیهیه صورتی :

— بکک آدی نه ؟

— خاخی .

— کوبک آدینی صوریورم ..

— مصطفی .

— سنک آدک ؟ .

— خدیجه هدیه .

— ماشالله ! آدکله یاشا ! . بکک باباسنک آدینی سویلمیسین

اولادم ؟ .

بو سفر صدبرک خانم آتیلدی :

— او ، مهروم (مرحوم) اولدی . اسمی محمد عاشر

افندیدی . ربم رحمت ایله سین . استک زاده جامعسینک باش

امامی ایدی . آ آ آه ! آه !

باقیچی ، متهدیاً درونی اوقیور ، آردهده صرهدده أسنه یوردی .

یواش یواش بو أسنه مه هدیه ایله قاین آناسنهده سرایت ایتدی .

حتی ، کدی بیله ، بوندن متأثر اوله رق ، یاتدیخی مندرك اوزرنده

طوغرولدی ، کریندی ، صیرتنی قابارتدی . خواجه خانم

او قومہ سنی بیتیردکن صو کرہ ، انہ اوفق بر چوماق آلدی ،
مانغالاک کولی اوزرینہ بعض خطوط چیزدی . صو کرہ یوزینی
بوروشدیردی ؛ قاشارینک برینی یوقاری قالدیردی ، نظرلرینی
چناغک ایچندہ کی صویہ تثبیت ایتدی وبر مدت باقدی .

بو ائنادہ ہدیہ نک قلبی ، کوکسینی دہلہ رک طیشاری یہ
فیرلایہ جقمش کی چارپیوردی . دمنیدن کچیردیکی بحراندن
صو کرہ اعصابی بر پارچہ سکونت بولمش اولان زواللی قادین ،
باقیچینک آغزندن دو کولہ جک سوزلری پک بویوک بر صبرسنزلقلہ
بکلہ یوردی .

اوطہدہ درین بر سکوت حکمفرما ایدی . تکرار مندک
اوزرینہ قیوریلوب اویقوسنہ طالمش اولان کدینک خیرلایسندن
باشقہ بر شی ایشیدیلایوردی .

خواجہ خانم آرتق چناغک صوینی ایجہ تدقیق ایتشدی .

باشنی قالدیرمہدن صورتی :

— قیزم ؛ بو مصطفی بک سنک نہک ؟

— قوجہم .

— بو آدم سنی چوق سویورمش .. شیمدی دہ سویور

آما .. آرہدہ برباشقہ ارکک وار فساد قاریشدیریور . مصطفی

بکہ ہر شیدہ اوعقل اوکرہ تیور .. بویلہ بریسی وارمی قیزم ؟

ایکی قادین بردن جواب ویردیلر :

— وار یا ! جین کوز اوغلی .

— ايسته تا كنديسي ! بو آدم تجارمى ؟ اصنافى ؟ اويله

برشى .

آرتق، جوابلرى، باقىچىنىڭ كھانتە حيران اولان ھىدىيە
ويىيور، قازىنىڭ ايشنى تسهيل ايتىمىكن. كرى طورمىوردى .
صبر ايدىمىوب صورتى :

— خواجه خانمىچىم ؟ قىاتمەسى وار دىيورلر ، طونىسىمى ؟
خواجه خانم صاغ آلنىڭ شھادت پارماغنى دوداقلرىنە
كوتورەرك « صوص ! » اشارتى وىردى . يىنە برمدت نظرلرىنى
صويە دىكىدى . وصوكرە مأيوس برطورلە :

— وار قىزم وار ! دىدى .

اينانمىق ايسىتمەدىكى بر فلاكتىڭ بوصورتلە تآيدى زواللى
ھىدىيەنىڭ قابىنە بر خىچر ضربەسى كى تآثير ايتىدى . باشى
دوندى، كوزلرى قاراردى ، اوطوردىغى صىندالىيەنىڭ اوزرىندە
موازنەسنى غىب ايدرك ىرە اويله جە يىغىلىووردى .
صدبرك خانم ، مېھوت، طورىيوردى . اوغلنىڭ بودنائىتتە،
اينانمىق، حتى احتمال وىرمىك ايسىتمەيوردى . كلينىنە عارض اولان
بو بايغىنلىق اونى بوسبوتون شاشىرتىدى . باقىچى قازىن ىرىدن
فىرلادى ، ھىدىيەنىڭ يوزىنە بر آرزوصو سىرپىدى . بىچارە كىنج
اودرجە متآثر اولمشدى ، سىكىرلىرى اوقدر بوزولمشدى كە
قولاي قولاي آيىلامىوردى . نتيجه دە عقلىنى باشنە طوپلامىق
لزومنى حس ايدىن صدبرك خانمە طا وړاندى . ايكىسى بردن

عرب خدمتجي يه سسنديلر؛ اونك ده يارديميله هديه نك كو كسي
آچديلر ، اتكينك بلينى كوشه تديلر ، سر كه ايله شقاقلريني
اوغديلر ، نهايت آيلته بيلديلر .

هديه كوزلريني آچار آچار تكرر هونكور هونكور
آغلامغه باشلادى .

باقيجى قارى :

— آيدر خانم ! طوقونمه . براق آچاير . ديه صديرك

خانمك صوصديرمه تشبثلرينه مانع اولدى .

فى الحقيقه بش دقيقه قدر آغلادقن صوكره بدبخت قادين
كسب سكونت ايتدى . مهتر برصدا ايله ، خواجه خانمه توجه
خطاب ايدرك :

— الله عشقنه خواجه خانم ! ديدى . بوايشه برچاره بول؛

طيانه ميه جغم .

— بوايشك چاره مي وار ، يوق دكل اما .. كورا اوله سي

قارى مصطفى بكى ايجه كندينه جلب اتمش . بزي چوق
اوغراشديره جق . الله دن بولسون !

صديرك خانم حالا شبهه ايديوردى . چكينهرك ، استيضاح

كيفيت ايتدى :

— صاحيمي خانم ؟ . بواوغلان بونى يامشمى ؟ .

باقيجى قارى انفعال ايله جواب ويردى :

— اپي ساعتده اولسونلر ، دنيا ده آلا تمارلر . اونلرك

خبر ویردیکنه اینامه حق سقظدر . الله ویرمه سین انسان
چارپیلیویرر .

بو سوزلر کافی درجه ده قناعت بخش ایدی . قائل آناده
یالوارمغه باشلادی :

-- شو تازه جك قادینی بو درددن قورتار ؛ خالقینی او
قاریدن صوغوت ده ، ناصل اولورسه اولسون !
باقیچی بر آرز دوشوندی . صوکره :

-- بن یارین ای ساعته اولسونلری دعوت ایدر ، یاپیله جق
شیئی اونردن بر صورارم . اونلر ندرلرسه ، اوکا کوره
دوشونورز ، دیدی .

اون بش لیراسنی بروجه پشین ، اون بشی صوکره ویرملک
اوزره بازارلق ایتدیلر . یاورو بکه روکوش خانم غلای اسعار
طولایسیله اجر تلرینی چوق آرتدیرمشلردی !

بوندن باشقه ، خالق بکک بر بوغچه دروننده بر قات
چاشیری ده کتیر یله جکدی .

اوچ کون صوکره تکرار کلک اوزره ، صدبرک خانمله
کلینی باقیچینک اوندن چیقیدیلر . کندیلرینی آياس پاشایه
کو تورهن عربدنک ایچنده ، هدیه ، اوکسوز قالمش بر چو جوق
کی بنا کن سا کن آغلایوردی ..

پرچملى باقىچى ، خاقىنىڭ بىر مەردىسى اولدىغىنى قەتئىيەنە افادە
ايتىشقا تاماماً ئالەمەتتىدى .

بىر مەدەنىيەت ، خاقى بىكك ، غائىلەسىنە قارشى ، اطوار
وحرەكەتتە بىر باشقەلىق نەمەن اوامبوردى .

اسكىدىن ھەر آقشام مەنظەمە يەك وەقەندە اوينە كەلدىكى ،
اھياناً كەلگەنكە اولسە ، اولجە يا والەسىنى وياخود زوچەسىنى
خەبەردار ايتىپ اعياد ايدىندىكى خالە ، شەمەدى ، غەفەدە ايكى ،
بەغضادە اوچ كىچە غەيەت ايدىيور ، سائر وەقەندە ، نىقىيەلىق
دەرچەدە سەرخوش دۇنيور ، غائەسنىڭ يوزىنە بىلە باقىيوردى .
بىر كۈن ، اوغانە نەسىحت وىرەك ايتەن سەدەرك خەم
اوندىن شو جەۋابى آلمىشدى :

— بىر سەرك آرا كەزدە پاتلامق اچقون پارە قازانمەدم .
طەشەرىدە اكلەنيورم .

زواللى آنا ، بوبەك اوغلى اكلەنچەلەرنىڭ سەۋكى نە الەم
فلاكتەرە مەنچەر اولەبىلەجەككى بىلەدىكى جەتەل ، آپارتمانە ايلەك
طەشىندەقلىرى كۈندەبىرى اچقون يەنە ووسىلە خەمە تەقەير ايدىيان
اندەشەلەرى بىر قات دەھە آرەنيوردى .

بۇ اندەشەلەر ، ھەلەظرافەت باچىنىڭ بىر كەشەف و افشاسىيە ،
قەنەتە مەيدل اولدى .

خالق ، بر کعبہ ، صد احقرشی ، یک زبانہ سرخوش
اولہرق اوہ عودت ایتمشدی . قیومی ، قوجہ منہ ہر زمان
بالذات آچق عادتیی ایدینمش اولان ہدیہ ، ار کون ، کیجہ
یاتینہ اسکی ستملرندہ کی بر اقرہارینہ کینمش ارادیندن ، بکی
ظرافت قارشیلای .

قارشوسندہ قاریسنی کورمہ خجہ ، صاحبین عزیزمنہ مساعدہ
ایتمش اولدینغنی اونورتان خالق ، سوق طبعی ایلا صودی :
— خانم زردہ ، یوشی ؟ —

— قوجوق خانم رابیہ خانم تیزمنہ کتدی . بو غون
کلیہ جی ؟ یارین کلا جی !
— یا ! —

عربک سوزینی مقابلہ : براقمیش اولمق ایچون ، علی العادہ
سویلدینلمش اولان بو « یا ! » نی ظرافت سوہ تفسیر ایدرک
خالقنک ہدیہ اولان فرط محبتی یوزندن بو بر کیجہ لک تیسرہ
تحمیل ایدہ مہمکدن متولد تأثرینہ عطف ایتدی . مقام نسلیدہ :
— قوجوق بکیسی بو کیجہ یالکز یاتہ جی . واہ ، واہ !
دیہ جک اولدی . خالق ، سرخوشانغک تأثیرلہ ، عربی درد
اورتاغی اتخاذا ایدرک حسب حال ایتک آرزوسنی حس ایتدی .
— آہ ظرافت ! ایسترسہ ، خانم ، اون کیجہ ، یوز کیجہ
کھسین : دیسی .

— آ آ ! ناصل لا قیردی او ؟ . آلا آیرماسین آیو !

— ايسترسه آيرسين باجي . هديه ارتق كوزمده يوق .

— نهدن اولمەسەن؟ . اويلا ، بيللىق بيللىق ، مارت پىلىجى

كى قارىدن بىقىليرمى ؟ . انسانى غىبارلر .

— كوكل عيب دىكلرمى باجي ؟ . سن بىم سودىكم قادينى

كورسەك !

— شيطانلرى غورسون ! ظرافت قوچوق خانمەن باشقە

قادين غورمەنى ايستەمز

— صاى ، صيرمە صاحلر .. تحريرلى مائى كوزلر ..

بوى ، بوص . آه (ايزمارو) !

— صوص ، صوص ! عيب ! . كيمسەلر طويتمەسەن .

واللهى آناسنك يوره كنه اينر .. شو بىقلىر كدن اوتان . . بن

ايزماريت ، پلاموط بيلمز . هايدى آلا راحتلق وىرسين !

واختيار قادين ، خلقينك قىوسنى چكوب كيتدى . ياندى .

فقط صباحه قدر كوزينه اويقو كيرمدى . افنديسنك بوكيجە

سويلەمش اولديغى سوزلر على العاده سرخوش لاقيرديسى دكلدى .

زوواللى صادق عرب ، كندى اوزيوردى عد ايلديكى بو اوك

اوزرنده بر فلاكت طولاشمقده اولديغنى حس ايدىيوردى .

وبوفلاكت كونك برنده تحقق ايدرسە اك زياده متأثر اولەجق

بلەكە بالذات كندىسى ايدى .

جوارده چالنان بر لاترنا ، يتاغنك ايچنده ديمديك اوطو-

ران ظرافتك شهبه و اندیشه لرینی مستهزیانه تأیید و صدیق
ایدیور کیدی .

بوتون کیجه دوشوندکن صوکره ، صاحلین ایرکندن
صدبرك خانمه ایشی آچدی . خلقینک کیجه کی بیاناتی بر بر
نقل ایتدی . ایکی قادین یانه یاقیله دردلاشدیلر ، او قودیلر ،
اوفله دیلر ، آداقلر آدادیلر . نتیجه ده هدیه به بر شی طویور -
مه مغه قرار و بردیلر . او یله یا ؟ . کنجلك بو ! جهانك ارککاری
عینی شیشی یاپارلر . . بو کچیجیدر ؛ قزه طویور و بده اونی
ایچلی اتمکه لزوم یوق .

لکن بو مسئله صدبرك خانمک ایچنه درد اولمشدی .
حسب حال اتمک ، تسلی بولمق احتیاجنی حس ایدیوردی .
بوتون کون مطبخده امرار حیات ایدن ظرافتدن هر زمان
خیر یوقدی . مأیوس والده ، نهایت وسیله خانمی درد اورتاغی
اتخاذ ایتدی . تکمیل قورقوثرینی ، شهبه لرینی برر امر واقع
کی وکال صفوتله اوکا صایدی دوکدی .

دیدي قودی بی الهی قدر سوهن ، حسود محله قاریسی ،
صدبرك خانمه ، کتم اسرار اتمه بی ، مقدساتی اوزرینه قسم
ایدرك وعد ایلدیکی حالد ، مال بولمق مغربی کی ، وقت فوت
ایتمکسزین یدی محله بی طولاشدی . خلقی بکک بک اوغلانده
بر قاری قیاتدیغنی ، وارینی یوغنی اوکا یدیرمکده اولدیغنی ،
هدیه نك آقشامه صباحه تطایق ایدیله جکنی ، زوجنک چوجوق

ايستد كنى و بونك ايجون ده بكيدين تا اهل ايتمه سى عين اصابت اوله جفنى
سويلايدى. حتى برادري كرك كيه سندن نجاتى افندينك قيزى
يىكنازى هديه خاف اولمق اوزره حاضر لادى .

بالطبع استك زاده محله سنك طاه حدودىنى برسرعت برقيه
ايلاه آشان بوديدى قوديلر زواللى هديه نك قولاغنه يتشمكده
چوق كچيكمه مئدى .

بوندن صوكره ، كلين قان آنا باش باشه ويه مرك درد -
لشمشلر وتامل ايتدكلرى چاره لر مياننده ، بر باقىچى يه مراجعت
ايدرك استكناه حقيقت ايلد كدن صوكره بويو ياپديرمغه و بو
صورتا ، حوبيا زوجى بتكرار اوينه ، عالمه سنه ايصينديرمغه قرار
ويرمشلردى .

بر قاج دفعه ، اوچر بشر كون فاصله ايله ايوب سلطان
طاشيندير . خالق بكك چاشيرلرى توتسولندي ، خبرى
يوقكن جيلرينه ده صقهلر ، چوروك اوتلرى ، ياراصه قنادى ،
قوندى ؛ قپونك اوكنه بالخاصه طاش يرلشديريلوب اوزرندن
آتلاتلدى .

فقط ، آكلاشيلان ، رو كوش خانلار ياورو بك و شر كاسى
براشى باشدن صاويورلردى . اكي صافدل قاديندن اللى ليرايى
متجارب پاره صيزدير دقلرى حالده ، خلقينك تصحيح اخلاق
ايلديكنه دائر هيچ بر علامت بليرميوردى .

آرتق پرچلى باقىچيدن اميدى كسديلر . طوغرىدن

طوغری به جناب حقه صیغندیلر . متوکلانه ، وقوعاتک جریان
طیعیسنی بکله مکه قرار ویردیلر .

- ۱۲ -

بوتون ممالک غربیه نك مطمح النظاری اولان ، جهانی قانه
بویایان محارباتک اونده طقوز کیزی ویاغانی ، یکانه سببی تشکیل
ایدن ، امثالسر کوزل استانبول شهرینک یقه نده ، بک اوغلی
مستکرمه بر لکه تشکیل ایدر .

شرقله غربک بوتون چیرکینلکارینی ، فضایحی ، ویالکزی
بونلری برآرده جمع ایدن بو یلده لوث وفساد ، ینه اوشرق
ایله او غربک غیر مشروع مناسباتندن طوغمش کویا بریچدر .
کندیلرینی انعام ایدن اللری ، اوپرکن ایصیرمق معادلری
اولان اکثر سککنه نه شرقایلر شرقی ، نده غربیلر
آروپالی دیر . اونلرک اسمی بین المللی علم اولمش بر تعبیر ایله
(لوانتن) درکه ، بزلر (طاتلی صو فرنکی) دینه ترجمه ایدرز .
ملفا حقوق دول کنابلرینک (حایمانلوز - وطنسر) دییه
توصیف ایتدکاری قوم ایشه بونلر اولسه کراک . ایچلرنده
ناموسلی ، صادق ، وفاکار اولانی یوق دکلدیر . فقط یک
چوغلری وجدان یرینه جزؤدان وکیسه طاشیرلر و بو جزؤدا
نلرینک ایچنده دائماً ایکی ، بعضاً اوچ ، حتی درت مختلف
پساپورطلری واردر .

معبودلری پاره ایله قوتدر . هر هانکی بر مجادلده غالب
 کلنی اُك اول آلقیشلایان اونلر ، مغلوبی اُك اول تکمه لهینینه
 اونلردر . یاشادقلری محیطدن چیقمازلر ، آیریه مازلر .
 جیلرنده پساپورطنی طاشیدقلری دولترلدن بری اونلره ،
 هر هانکی برسیدن طولای عرض احتیاج ایتسه ، اوپساپورطنی
 درحال - فقط ، ایلریده لازم اولور دییه موقه - کتم ایله
 دیگرینی ابراز ایدرلر . هر درلو تکالیفدن ، معاف ومبرادرلر .
 جهان حربنه هر قوم یوزبیکلرجه قربان ویردیکی حالدده اونلرک
 یورنی بیه قانامادی .

ممکن مرتبه ، راحتسز اولمهدن ، صیقیللمهدن ، اوزولمهدن ،
 باشقه سنک سفر مسندن متغ اولمق عادتلریدر وشبهه سز که بوصورتله
 غایت راحت یشارلر .

استانبولی وقت وقت صارصان اختلاللر ، سکینه سنی قاصوب
 قاووران ظلم دورلری ، بك اوغلنی ذره قدر متأثر ایتمه مشدر .
 بك اوغلی ! . مجاهدین فاتحک احفادنندن ، زمانله وتدریجاً
 اخذ تار ایتمک اوزره ییزانس طرفندن عن قصد استانبولده
 بر اقامش بر میقرو بدر . بومیقروب دخی ، درت یوز بوقدر
 سنه در خارق العاده بر عزم وثبات ایله ایفای وظیفه ایدمرک ،
 بر قرحه آکله صورتنده دائره تخریباتنی توسیع ایتش وسعادت ،
 ثروت ، قوت ، صحت ، خلاصه بر قومک اسباب عظمتنی تهیه
 وتشکیل ایدن اسباب و عوامل نامنه استانبولده نه وار ، نه

یوقسه یمیش بیتیرمش ، بو کونکی انحطاطی او احضار ایشدر .
 پاتخک او عصر لرجه ادخار ایدلمش ، دیلمره داستان اولمش ،
 محشم ، معظم ثروتلری ، قوناقلر ، یالیر ، مجوهرلر ، نادیده
 پرلانطه لر ، طابور بوزان یاقوتلر ، قبه لی زمردلر ، قانغال
 قانغال اینجیلر ، هپ بک اوغلنک طویماز ، بیقماز اولان غیای
 شهوتنده غیب اولوب کیتمشدر .

بک اوغلنک فعالیت اضلالکارانه سی ، دولتک باشنده غوائل
 مهمه بولندیغی زمان تزايد ایدر . چونکه اووقت ، کندیسینه
 وصیت ایدلمش غایه اوغورنده بذل غیرت واونسبتده چوقنمره
 الده ایتک ایچون زمین مساعددر .

اولیه زمانلرده وجدانلر دهاقولای صاتون آله بیلیر
 وایشه یارار ؛ ثروتلر ، قولای قازاندیغی ایچون چابوق اسراف
 ایدیلیر ؛ اعصاب متهیج بولندیغی جهتله اخلاق میال سستوط
 اولور . بک اوغلی بونلری بیلیر و اوکا کوره آغلرینی قورار .
 قمارخانه لر ، فحش خانه لر ، غازیولر ، قافه شانتانلر ، هر جنسدن
 سفاهت یووالری یردن بیترجه سینه چوغالیر . بوطوزاقلره
 غافلانه طوتولدیگزمی عرض محبت ایدن ایده نه در . اک خصوص
 جدمتلیکزی دوستجه (!) قبول ایدرلر . عائله لرینک ،
 قادینلرینک ، قیزلرینک حریم آغوشی سزه احبابجه (!)
 کشاده در . فقط ! .. برکرده دوشدیکز ، بردها طوپلانمه مق
 اوزره یووارلاندیکزمی ؟ ویل سزه ! اسمگیز غاصب ، ظالم ،

دشمن عرض و ناموس اولور و سزی، آنجق ینه اونلره قیاساً
طانیس اولان ییاجیلر بونک بر حقیقت اولدیغنه قانعدر . ایشته
بونک ایچون دائماً انظار بشرده سز قباحتی اولمقدن
قور توله مازسکیز ...

بک اوغلی خلقی بکی ده آولامشدی .

برکون پرودروموس ، یازینخانه یه تلاشله کلدی . برقاچ
کون اول ترفه یوزطوتان اون پیاسه سی تدریجاً یوکسله یوکسله
یوزده ایکی یوز راده سنده فرق ایتمشدی . نصفی علی الاصول
قره مانلیک کندی مالی اولان اوزره ، تجارتخانه نلک اون بش
واغون قدر اوننی موجود ایدی . آنجق خارق العاده نفوذ
نظر صاحبی اولمقله برابر ، پرودروموس پیاسه ده کی بوترفهی
هر نصیسه اولندن کسیدیرمه مش واللرنده کی بو مالک قفقاس
جهه سنده کی اردویه اعطاسنی تعهد ایتشلردی . حالبوکه بوتعهدی
ایفا ایتیه جک اولسه لر ، غیب ایدیه جک لری اوچ بیک لیرا
ده پوزیتو آقچه سنه ، قایل ، آلتش بیک لیرالق برکار تأمین
ایدیورلردی .

جین کوزاوغلی بو خبری خلقی بکه وی دیکی زمان اونک ،
در حال رأینه اشتراک ایدیه جکنی ظن ایتمشدی . فقط او یله
اولمه مش ، سابق عسکر ، صوغوق قانله :

— اولماز! عسکری آچ براقه مام . دیمکله اکتفا ایتش ،

یازینجیسنی اسکات ایتمشدی .

پرودروموس ، ولی نعمتک نه درجه عنادجی اولدیغنی ،
اوکا قارشو امصارک فائده ویرمديکني بيلوردي . اوتهدنبري
قوللانديغنی سلاحه مراجعت ايتک ايستدی . بر قاچ دفته
کیردی ، چيقدی ، نهایت بردها ايشنی قورجالادی :

— جانم هولقوبهغ ! غیب ایدم جغمز غاپارو ، طوپی
اوج بيک لیره ، برده افنديمه ديمم ، کاری دوشون ، صاغلام
آلتش سکيز بيک اورودرز . بني ديغنه أسکرک آچلنی سنک
نه يکه کرک ؟ طوپال دوشوانسون ! آماده ها !

خالقی بک عصياشمشدی . قفقاس اردوسندن فنا ، أليم
خبرلر کليوردی . بر ايکی هفته اقدم استانبوله مأموراً کلن بر
آرقداشيله کوروشمش ، او جهنده عسکرک پريشان بر حالده
آچاقدن ، تيفوسدن ، ديزانتهريدن قيرلقدده اولديغنی استخبار
ايتش ، نه قدر اواسه ، اسکر بر عسکر اولديغنی ايچون يورهکی
صيرلامشدی .

شيمدی ده کنديسنه ، او عسکری آچ براقه يي تکليف
ايدیورلردی . بوکا تحمل ایدمزدی . حايقيردی :
— اولماز ، ديدک يا ؟ !

او زمان ، پرودروموسک عقلنه باشقه بر ماعت کلدی .
— طاربه يوزاشم ، ديدی . اولماز ، اولماز . بر کره
ديسهک الويرير . شيمدی سندن باشخه ايره جام وار . اوکاده
اولماز ديمهک يا ؟ .

— نه در سويله بقالم ؟ .

— بو آقشام ، بىم مېته رامك آدينك غونيدر . غونول
آلچاخلى ايت ده بزه بويور . ماستيكه ي بارابار ايچم

اولمازمى ؟

آرتق ، دمينكى معاملهنك اوزرينه برده بو دعوتى رد
ايدوب قلب قيرمه نك لزومى يوقدى . خلقى بك :

— پكى . ديدى .

پرودروموس اوينى بردها تعريف ايتدى :

— بيليوك يا يوز باشم . غالونجى غوللى نومره غىرق

درد .

قره مانلى طوغرىجه ، يازىخانه دن چيقوب اوه قوشدى .

آناسنك يورطوسى فلان ، هپ يالاندى . فقط قاديخجزه ،

ايشى تماماً آكلاتدى . ماري خانم ، اوغلنك درايتنه حيران

اولدى . كوزلرنده برلمعه افتخار پارلادى . همان قوللرينى

صيغايوب ، آقشامك حاضرانغى كورمك اوزره مطبخه اينرکن ،

كندى كندينه ميرلدا نيوردى .

— نه قوپوغلو اوغلاندير شو ! .

پرودروموسه كلنجه ، تكرار اودن فيرلامشدى . بر قاچ

قپو اوتوده آناسز و باباسز ، (ايزمارو) نامنده فوق الساده

كوزل بر قيز ، اوفق ، خراب بر اوك بر اوطه سنده تيزه سيله

برلكده اوطوريوردى . تيزه ، تخته سيله رك ، بكارلرك

چاشیرلرینی بیقایه رق، یکنی بو بویه کتیرمشدی. فقط محاربه
 طولایسیله حیات تحمل فرسا بر صورتده بهالاشنجه ،
 (ایزمارو) ده چاروناچار، همان بوتون آرقداشلرینک، اقران
 وامثالنک یاپدیغنی یاپدی. آلمانلرک قوجاغنده طولاشمغه باشلادی.
 مع مافیه بو صورتلده آنجق قارنی طویوردی . سوسنه لازم
 اولان پارهی ایسه ینه عینی صورتله طیشاریدن قازانیوردی .
 قره مانلی ، کندی تعیرنجه ، غاری یه متلاک ویرمه مکه برابر ،
 ایزمارونک کوله ج مائی کوزلرینه، چاقین برادا ایله آزیوقاری یه
 طوغری قیویرلمش بورننه مفتون اولمشدی. وبویله جه، ینلرده
 اولا بر آشنالق ، کیت کیده ده بر احباباق پیدالانمشدی .
 قیز ، اولاری ، بو احبابانخی سـؤ استعمال ایتک ، دها
 ایلری واردیردق عاشقنی یولق ایسته مشدی . فقط پرودرو-
 موس ، هر امید یتملندن ییقمشدی :

— بنله خوش کچینمک ایستیومی ؟. غایمه را، غایمه را،
 غایسپه را ، غایسپه را ؛ ایشته او قدر . دها باشخه درلو
 هه چ یکا باخه !

ایشته جین کوز اوغل اودن چیقوب بو ایزماروی بولمغه
 کتیدی . قیز ، پنجره نک اوکنده اوطورمش بولغور آییقلا-
 یوردی . احبابنک بویله وقتسز کله سـنه تعجب ایتدی .
 صورتی :

— تی خاباریا کیری پرودروموس ؟

— ههچ ، تپوتا ! الكه كنى براق سكا ديه حكيم وار .
— سويله .

— بكا باخ ايزمارو ! سكا بر ايلك ايدى حكيم . بر تخته ده
بشيوز ليره غازا باخ ايسته كى ؟
— بر تخته ، بس يوز ليرا ! . ناصيل تخته ؟

— غالين غفاليغاك نوزومى (نوزومى) يوخ ! ايسترسك
سكا بن بشيوز ليره غازانديره حكيم . آلمانلاره جلوه اشمه دن
قور تولوز ، سن ده بر غوخونه اولور سين .. هه مى ؟
— اولور . اما ، كه كى ايس پياز ايم ؟

— بو آخشام بزم اوه بريسي كله جاك ، بر تورك تبار .
بو آدم چوق زنكندر ائمه بيلديك كى ده غل ايزمارو ! بر غاچ
يوز بيك ليره مى وار . شيمدى بنى آي ديكنه . بو آدمك
النده اون بش واغون اون وار . كندى باشخه يره اوجوز
فياتله باغلامش . بومالده نيم ده اورتا قلم وار ائمه ، او بيلمه يور .
بن ، سوز تميلي ، بو اوني ، بو غونه بو غون ، پياسه يه
چيخارم جاغ اولسه م بر غاچ بيك ليره ، افنديه سويله يم ، كارم
اوله جاخ . حريف عئادجيمى ، عئادجى ، طوكوز كى . غاند .
يره مدم كتدى غارداش . اوجاغكه دوشدم ايزمارو . بو ايشى
سن بيتير سين . سكا آچيخدن بشيوز ليره وار . خريفدن
چكه جفك ده جابا ! هايدى ، شيمدى سوساك ، نظاملاك ده
بزه كل . سنى اكسادلقيم ديه پارا زانطه ايدى حكيم .

آشفه قیز ، کندیسندن نه طالب ایدلمکده اولدیغنی
دها ایلک کلهلرده آکلامشدی . فرستدن اسفاده ایتیه یی اوده
بیلیوردی . منونیتی کتم ایدرک ، لاقید ، دیدی که :

— اوکه سن بر قاچ بیک ایرا آلهزاقسین ، بس یوز ایرا
آزدر . بیک ویره زقسین کلیورم !

قره مانلی کندینی ضبط ایدمدی . کال حیرتندن :

— اولان قوپوغلو ! دیدی . سن ده مادراباز چیخدی .

بررسی ! سرمایه دن می غیب ایده جکک ؟ شونک شوراسنده ،

بش اون غروش کار ایده جکر ، اولی ده سکامی ویردم ؟

— بن سنک آخاب طانامایورم . . نه بیله زیم ناصیل

آدامدر ؟ . بیک ایرا ویره زقسین بو ایس پایارم . . . یوقسه
یوق .

— وای غوزینه ار فوردیغ قوپوغلونک غیزی وای ! ائمه

باصخین شی ایمش ! نه ایسه ، ههدی ویردم اولان ! غاخ !

ایزمارو بش دقیقه ده حاضر اولدی . ذاتاً حسن فسونکارینی

تقو به ایچون چوق سوسله نهمیه احتیاجی اولدیغنی کی ، انوایی ده

یوقدی . بر زواللی ایپکلی بلوز ، رده اتک کییدی ؛ صیره

کی صاری ، ایپک کی یوشاق ، خلقة قیه برجن صاحیلرینی

قبارتدی . بر سیاه قدیفه قوردوله ایله سیقدی ، آیاغنه . کبار

مشریلره چیقدیغنی وقت کیندیکی ایپک چورابلری ، سیاه

روغن اسقارپینلرینی کچبردی . پرودروموسی تعقیباً چیقدی .

ماری خانم ؛ اورته قاتده کی مسافر او طه سنه سفره یی
قورمش ، مزه لری ترتیب واحضار ایتشدی .
غروه یقین ؛ قیونک اوکنده طوران عربهدن خلقی بک
ایندی . پرودروموسله آناسی بو قیمتی مسافرلرینی تا قپودن
قارشیلادیلر . ایزمارو یوقاریده او طه ده بکله یوردی .

خالقی ، ماری خانمی تبریک ایله چوق ییللره یتشمه سنی
تمنی ایتدکن صوکره آئنده طوتدیغی هدیه یی ده تقدیم ایتدی :
اوزرینه آلتوندن بر مارقه قونمش کموش بر آل چانطه سی .
صوکره ، اوچی ردن اوست قاته چیقوب ، عشر تیکاهه
کیردیلر . پرودروموس ، آیاقده بکله یین ایزماروی خالقیه
تقدیم ایتدی :

— ماتمازل ایزمارو ؛ هولقوبه غ !

قیز ، خفیف برباش اکه سیله ، بیان ممنونیت ایلدی .
جمله سی ماصه نک باشنده قولتوقلره یرلشدیلر . جین کوز اوغلی ،
واسطه ماعتیله ، ولی نعمتی یان یانه او طور تمشدی . بو صورتله
قفالر براز دومانلاندقن صوکره ایزمارو راحت راحت
مانوره لرینه باشلایه بیلیردی .

ایلاک قدحی ، ماری خانمک ازدیاد عمر وسعادتی تمنیسیله
نوش ایتدکن صوکره ، تک توك یووارلامغه باشلادیلر .
قره مانلی متمادیاً خالق بکی لاقیردی یه طوتی-ور ، قدحی
طولدیریوز ، برآن اول سرخوش ایتکه غیرت ایدیوردی .

قیز ، هنوز عشوه باز اغه باشلامه مشدی .
 بر آره لاق ، سوزی موسیقی به انتقال ایتدیر دیلر . کوزل
 سسدن ، آبی او قویانلردن بحث اولندی . پرودرو موس ،
 اکسادیفینک بو خصصوده کی مهارتی سویله ییجه ، خاقلی رجا
 ایتدی . بیک ناز واستغنادن صو کره مادموازل ایزمارو ،
 دهر رلو اصول ومقامه بیکانه اولمقله برابر اولدقجه حلاوتلی
 بر مسله :

نالہ جانکاهی جانان طویمور

نیله یم تدبیره تقدیر اویمور

شرقیسنی ودها بعض شرقیلری ، کندینه مخصوص شیوه ایله
 ترنم ایتدی .

ایچمش اولدینی بر ایکی قدحک تأثیریه ، کوزلری مخور-
 لانمش ، یوزینه بر پنبه لک گلشدی . بر آز نشئه لندی . خاقلی
 بکک ، سسنگ لطافتی تقدیر یوللو بذل ایتدیکی التفاته ظریفانه
 مقابله ده بولندی . تکرار وقوع بولان رجا اوزرینه ده بر ایکی
 حویپا تورکی سویلدی .

پرودرو موس :

— چوق غوزمل او یون ده اوینار نه ممه صیخیایر می که
 عجب ؟ . ایزمارو ! افندیدن صیخیایر کمی ؟ هه ؟ دییه صوردی .
 ایزمارو ، خاقلی بکی ییسانجی عد ایتدیکی جهتله طبیعی
 صیقیلمایه جغنی ، آنجق ساز اولدینی ایچون ساده جه او یوندن

بر ذوق طویولمایه جغنی ایلری دوردرک ، نازکانه اعتدار ایتدی .
 آرنق ققار ایجه دومانلانمشدی . ایزمارونک الآن تعرضه
 باشلامدیغنی کورمکه چین کوز اوغلی صبرسنزلانیوردی .
 کوز اوجیله قیزه بر اشارت کچدی ، کندیسیده قاقدی و برشی
 بهانه ایدرک ، آناسنی طیشاری یه چاغیردی .

خلقی ایله ایزمارو اوطهده ، باش باشه قالمشلاردی .
 دمنندن بری ، آشفته نك هر حاله مقتون اولوب ، فقط پرو -
 دروموسك اقرباسیدر دییه کم کوزله باقغه جسارت ایدمه یه خلقی
 بك ، شیمدی اوطه تنها قالنججه ، بر آزدها سربست ، تماشای
 جمال ایدمه یلیوردی . ایزمارو ، کوزلری بونون بوتون سورولمش ،
 سفره نك اوزرندن آلمش اولدیغنی صاری برکلی دیشاری
 آرمسنه قیصدیرمش ، کوزل باشنی آرقه یه طوغری اکمش ،
 نظرلری خلقینک نظرلرندن آیرمایه رق یواش یواش میزیریلد -
 نیوردی :

بی باشدن چیقاران

بك اوغلونك بکری ! ..

خلقی غالباً حسابسنز یووارلامشدی . بائنی آغریور ،
 شقاقیری آتیوردی . قانک ، دامارلرنده باشقه درلو جریان
 ایتدیکنی عاننا حس ایدیوردی . عجبا بو کنج ، کوزل قیزله
 بویله زانو زانو ، حتی نفس نفسله اوطور مق نفسایتنی می
 تحریک ایله یوردی ؟ هر حاله . برشی سوبله مک ، نیانجی

و عجمی طور مەشق لازمی حس لێندی . ایزمارو ایله آرم لێنده
شو مەکالمه آچیلادی :

— آغز کێزده کی بو کله غبطه ایدی یورم مادم وازل !

— اوله می فهم ؟

— اوت ، مادم وازل !.. چیچک سزک لطیف چهره کێزه

طوقوند قیجه ، عادتا قیصقانیورم .

— آمان فهم .. استافیرولیا (استغفراه) !

— یوق مادم وازمن ، سز پک کوزاسه کێز ! جدی

سو یله یوزم .

— سزه اوله کلیور بک افندی ! نیم زو می کوزول ؟.

— زه کێز کوزل دکل مادم وازل ؟ . سز بر چیچکسکێز .

— یوق . هم بی ماتمازل چاغس ماییکێز ؛ بن مادام ایم .

بو اعتراف ، خلقی به بر افق اید آجدی .

جین کوزاوغلی ایله آناسی غالبایک مشغول دیلر ؛ هنوز عودته

نیتدی یوق کیدی . بچاره خلقی ، هریکی سزک ده مناو به قیونک

آناختار ده لیکندن ، اوطه ده جریان ایدن ویا ایدم جک اولان

صحنه بی کال مراق ایله تمقیا بیتدکاری نی کور میوردی .

مصاحبه نرینه دوام ایتدیلر :

— قوجه کێز نه ایش یاپار مادام ؟.

— توجار ایمس ؛ اولوس بن ، سیندی (حیرا) . .

ناصین سویلر لر ؟..

— طول .

— نهوت ! آخ قائمه نی ! ..

— واه ، واه مادام ! قوجه کز اوله لی چوق اولدیمی ؟

— وار بر سنه ..

ایزمارو ، ایشک بویله بکاک مکالمه لره اوزامه سنی ایسته .

میوردی . خلقی بی تشویق ایچون ، سفره نك اوزرندن راقی

صراحیدنی آلدی و مخاطب نك قد حنی طولدیره رق :

— نیچون ایچمه یورسکیز ؟ دیدی .

خالقینك پینده آش یانیوردی . بو کوزمل مخلوقله باش

باشه قالوب . برلکده ده عشرت ایتدکن صوکره بو وضعیتدن

بالاسنه فاده بر آزیحق اولسون تسکین حرص ایتدکده نه مانع

واردی ؟ صراحی بی طرطان نرمین ، پنبه الی یقالادی ، راقیدن ،

شهویدن ، قورومش ، تیرمین دوداقلرینه کوتوروب ، قوقلایه

قوقلایه ، طویه طویه اوپدی . ایزمارو ، نهدن صوکره ، آلی

کری یه چکه رک :

— باح ! دیدی . نه یاییورسکیز ؟ ..

— او قدر شوخسکیز ، او قدر کوزملسکیز که طیاره مدم .

عفو ایدک .

— بر سیئی دکل . ما پرودروموس کورورسان بکافنا

یاپه زاق .

— سزده آل اویمک عیب دکلاسرکه ! این صالونلرده نه

ماداملر كوردوم .. هر كسه ال اوپدير يورلردى .
— سالون باسقا .. نهم سز نه وقت كه اوپدى ، بن چوق
فنا اولدى .

— نه دن ؟ .

ايزمارو اليه قلمبكاھنى اشارت ايدرك :

— بيلم ، ديدى بورده چوق فنا اولدى .

عجبا قيز ، دها دوغريسي قادىن ده كنديسنه قارشى آنى بر
تمايلمى حس ايدىيوردى ؟ اويله اولمسه دوداقلرينك ألنه
تماسى ، كنديسنى نه ايچون متأثر ايتسون ؟ . خلقى بو جهق
آكلامق ايستدى :

— ديمك كه قلمبكر غيچيقالاندى .. ممنون اولديكز ..

مادام ؟ .

ايزمارو ياللكز بر :

— نه وەت ! ديه بيلدى . كوزلرى قاپاندى .. سندهله .

يەرك يرنەن قالفوب ، كوشەدە طوران قناپەك اوزرينه بايغين ،
يىغیلدى . خلقى ، تالاشلە آياغە قالقدى ، يارديمە شتاب ايتدى .
قپودن كوزەتلەين پرودروموس ، او دقيقەدە ايچرى يە كيردى .

— جانم ، نرەدە سين ؟ .

ديه ، متلاشيانه ايراد سؤال ايدن خلقى يە :

— غارداش ، بو بزم مملكتك غاريلىرى ايچكى نەدر

يېلەنلەرگە ، ارخى باشقا رەڭدى ، سىن قىياپەتلىك ، شەنچىك
ئىپپەتلىرى .

دەرياب ، قەدىنىڭ يەنە ياقلاشدى . يۈزىنىڭ بىر ئاز سۈ
سەيدى . شەقەقلىرى ئالەم ئىشلىتىدى . بۇ تەدەپىرە رەڭغا خالا
كۆز آچمايلا ئىشلىتىش ، ھەممىدىن بىياش ، بىلەن قەدى شەفەق ،
مەنسەب كۆكسى كىيىمە قەدىدىن سۆزگە ، قولۇنىڭ كىيىمىگە
بىلەن سەلە تەكرار ئىشلىتىش ، چەتلىك ۋەقەدەكى تەسەككەنە كەيدى .
خەلق ، قەدىنىڭكى ئىشلىتىش ، مەنسەب ، مەنسەب ، چەتلىك
ئەتراپىغا تەشەببۇس . غەنىيە كۆزلىرى ، قەدىنىڭ . ھەدىنىڭ
زۈللەتلىك سەيىشە كۆكسى خەتەرلەيدى . ھەدىنىڭ بىر مەقسەتلىك
اۋ . ئالەمگە بىر سەيىشە ، بۇ ئىشە بىر يەنە خەلقلىك . ئا كەيدى ؟
شەھەرنى بىر تەجەللە ئۆزىنىڭ دودا قەدىنى ، ئىشلىتىش
غەنىيە ئۆزىنىڭ بىلەن بىر دى .

قەدىنىڭ ، بىلەن كۆزلىرىنى ئىشلىتىش ؛ ئالەمگە بىر سەيىشە
قەدىنىڭ ، بىلەن كۆزلىرىنى ئىشلىتىش ؛ ئالەمگە بىر سەيىشە
قەدىنىڭ ، بىلەن كۆزلىرىنى ئىشلىتىش ؛ ئالەمگە بىر سەيىشە
قەدىنىڭ ، بىلەن كۆزلىرىنى ئىشلىتىش ؛ ئالەمگە بىر سەيىشە

— چەتلىك ! ھەدىنىڭ سەيىشە ! دىدى .
ئەندە قولۇنىڭ سەيىشە تەكرار ئۆزىنىڭ كۆزلىرىنىڭ
يۈزى . پە كۆچ سەيىشە بىلەن بىر تەسەككەنە ئۆزى
ۋەردى .

مەدەنىيەتلىك ئۆزىنىڭ ھەقىقەتلىك ئىشلىتىش .

کوزل روم قیزینک خیالی استک زادەنک کوکلەندە ی
ایتمەشدی . شیمدی هان هر کیجه ، بهانه بولوب اونی کورمک
ایسته یوردی . گاه پرودرومەسک اوندە ، گاه تیزە خانمک بریجک
اوطەسەندە ، حتی بەعضادە بک اوغلی بیرا خانەلرینک خصوصی
اوطەلرندە بولوشیورلردی .

ایزمارودە خلقی بکە قارشى لاقد کورونمەوردی . ایلاک بولو-
شدقلری آقشامدن برى - آرددن یالکز برهفته کچمش کن -
مناسبتلری ایجه ایلریلەمشدی ، فقط بر درلو ، قادین ، تماماً
تسليم اولیوردی . خلقینک اصرارلرینه جواباً :
— بنی نکاحلە آل ، اولە .. دییوردی .

چونکە پرودروموسک پلانی عقیم قالمشدی . سابق اخذ
عسکر رئیسى ، اونلرک اردویە تسليمی تعجیل ایتمش ، دها
کوکافی ایزمارویە ایجه قاپدیرمەدن بوایشی بتیرمەشدی . قرەمانلی
عادتا خستەاولە حق درجەدە اوزولدی . قیزی فناحالدە پایلادی .
بجریکسزلیکنە لعنت ایتدی . فقط ایزمارو ، اونک ظن ایتد -
یکندن دها قورناز ، جین کوز اوغلندن دها جین کوزدی .
اونلرک ، حربیە نظارتنە ویرایەوب پیاسەدە صائلمەسندن
حاصل اولە حق کاردن ، کیندینە ویریلەجک اولان بیک لیرانک
یرینە ، شیمدی ، طوغریدن طوغری بە خلقینک بوتون ثروتنە
صاحب اولەیی دوشونیوردی .

بعضاً، صباحه قدر برابر قالیورلر، ایچیورلر، اکلہ نیورلر،
آن وصال تقرب ایدنجہ، ایزمارو خلقینک آغوش محترصدن
سیدلکینوب قاجیوردی. وزواللی خلقی هر کون بر آز دها
مفتون، هر کون بر آز دها بدبخت و بیچاره آياس پاشايه عودت
ایدیوردی.

ایشته، ظرافته کشف راز ایتدیکی کیجه، ینه بویله بر
حالت روحیه ایلہ، معشوقه سنک یانندن عودت ایتشدی.
کونلر کچدکجه، کوکلنی یاقوب قاووران آرزوی وصال
تشدد ایدیور؛ باشقه سیله مشغول اولدیله، باشقه ایش دوشونمیه
مجال بر اقیوردی.

ظرافتک حضورنده آغزندن چیقان : « آه ایزمارو ! »
ندای تحسری دیلندن دوشمہ یور قیزک خیال لطیفی کندیسنی
هر یرده تعقیب ایدرک، بر دیوانه کی سورو کلیوردی.
خلق، همه حال، ثروتی، خانمانی. استراحتی، اقبالی
بهاسنه اولسه، نه یاپوب یاپه جق ایزمارونک نائل وصالی اوله جق،
او وجود نفیسی ساعتلرجه قوللاری آره سنده طوتوب، کتاب
عشقی برلکده ختم ایده جکدی.

هر لحظه حیاتی بو قرار ی، ذهننده تقویه ایلہ کچیوردی.
بونی حس ایدن قالدینده هجوملرینی تزیید ایدیور، عاشقنک
صوک ترددلرینی ازالہ یه ساعی اوایه وردی.

بر آقشام، تیزمنک او طه سنده ینه یالکیز ایدیلر.

خلقى ، آتش سودا الله يانان اووجارنده ، کنج قاديك
دست نرمى طوتمش محافظه سکوت ايدييور ، طالفين نظرلرى
وجداننده ينه بر مجادلهك وقوعى احساس ايله يوردى . بر
مدت بويله طورديلر .

ایزمارو ، بردن بره النى چکدى ویدی که :

— بکیمو ! سنى ايله بر پارچه قونوسه زایم . دیکله بکا !

— سويله روحم !

— بو کون دوقتور (پالاوروپولوس) کیتدم . بنی چوق

خسته بولمس .. (کوکسنى اشارتله) بورده سويله مس که چوق

ضعيف .

— کندیکه ائی باق ایزمارو جغم ؛ سکا بن باقهیم .

— باقق قولای اما بنی سن چوق خسته یاپیورسون .

— نیچون کلم ؟ . سکا نه فنالق ایدييورم ؟

— فنالیق یوق . سودا وار .

— آه ایزمارو جغم ! سنى سودمه ، بربرمزی سودکسه .

بونده بندن زیاده طالعك قباحتی وار . سن بنی سومکدن

خسته ایسهك ، بنی ده سنك عشقك قاووریور ، بیتیریور .

خراب ایدييور .. روحك بوعلتنی تداوی ایتك سنك الکده

ایکن ایسته میورسین . بنی رد ایدييورسین وهر رد ایتدکجه بر

قات دها خسته اولیورم .. آه ! مرحمت ایتسهك ! .. بیلسهك که ،

یکدیگر سری ایسته دیکمز ، بری بریمزی بويله چیلدیرمسی به سود-

يکمز سالدە ، روحارمن کي ، کوکلارمن کي وجودارمنی ده
براشدیره مهههک ته قدر مهههکدر !.

— سن بی سومبور سەن هە لقی !

— نئی سنی سومیه رم ؟ .. آه ! هیچ اولمازسه بونی
سویله مه !

— نهوت سومبورسون ! سونیس اولایدک ، بکا بو قدر
زمان بویله براقاز ایدک ..

— نه یایمه لیدم ؟

— بکا نکاخ یایار قداک .

— مترسم اول ایزمارو . نکاحلیدن نه فرقک اولور ؟

کندیم ، مالم ، ملکیم ، کوکلیم ، نه هپ سنک اولسون .

— یوق ! بن ناموزلو قاری . سنی مترمس اوله زایم ، بر

سنه ، ایکی سنه . سوکره براقه زاقسین . ماخاللا (محله) ایچرده

کپازه اوله زایم . نیچون نکاخ ییمازسین ؟

— آه ایزمارو ! اولیم ، اونک ایچون . بکار اولسه یدم

بر لحظه تردد ایتمزدم .

— نه ضرر ؟ .. سەن عثمانلی .. سز آلپور اوچ ، دوت

قاری .. همده سزک قاری براقه چوق قولایلق وار .

— بونی دوشونیرم روحم ، اولمازمی ؟

— سنک قاری کوزهل چوق ؟.

— خایر اونک ایچون دکل .

— نه ئىچون يا ؟ نه دوسونەزە قىيىن ؟ ياپ ، ياپ ياپمازاقىيىن
بر دها بورادە كە . بىكادە يازىق .

ايزمارو كوزەل باشى ايكي اللرى آرمىسە آلەرقى آغلامغە
باشلادى . خاتى بولمىزە قاشوشىدە الحق الحق باقە قالمايدى .
اك جزئى ارادەسى بىلە غىب ايتدى . پریشان عقلىدە بر قىرطە
قويپدى . مثبت هيج بر شى دوشونەمىوردى . بر سوق طبيعى
ايله آياغە قالغدى . سىندەلە سىندەلە اودن چىقىدى . بىكادە غانە
طوغرى ، قراكلەدە يوفوشى طيرمانىر كن ، بش آلتى دىفە
قرار دىكىدەردى . ايزمارويى چىلە سىيە سىيە ، هەيدەن
نەرت ايدىبوردى . فقط اوز سەكك اويى بارقى طامىق .
قورولش يولان يوزى پەندە سەك بر ايش دىكالى . بىكە
دەدەسى ، پارە ايله مجومرا قاندىرقى مەكەن اولوردى . بو
خصوصەدە غە درلو فداكارلى ياتغە آندە ايدى ؛ فقط اويى
نەقمە قائل اولەمىوردى

اىچرىسىندەكى آلو ، باشى ، يوزىدە ياقوردى . هوا
فايت راكد و سىرىندى . تقىبە كەچە ، يانلاقى بە طوغرى
يوزومك ، نفس آلق ايسىندى . بر قاچ آدىم كىتدى ،
آياقلىرى طولاشيوردى . اورادە طوران پىكەردن برىنە اولو .
ردى . بر مدت دريائى خيالاتە طالدى . كىچەنك آيازى يوزى
قامچىلايوردى . قالغدى ، آغىر آغىر ، آلس پاشايە طوغرى
سايدى . . . اوه كىرر كن ، قىويى آچان هەيدەنك صولش يوزىنە ،

آغلانمەدن شیشمش کوزلرینه دقت ایتەدن ، اوطەسنە چیقوب
یاتی ...

ایرتسی آقشام یازیخانەدن چیقنجه ، اولابك اوغلانده ،
طوغری یولدهکی اك زنکین قویومچیلردن برینه اوغرادی ،
بش بوزاللی لیرایه بر بیلەزیک انتخاب ایدوب ، ساتون آلدی .
جیننده هدیه سی ، کوکلنده امید ، قالیونجی قوللغنه کیتدی .
ایزمارو اوده یوقدی . تیزەنك افادەسندن تقسیم پاچەسنە
کنز مکە کیتمش اولدیغنی ، فقط زەده ایسە کلەجکنی آکلادی .
قلبی اندیشه ایله آتیوردی ، جینندن چیقاردیغنی یکریمی بش
لیرالق بر کاغدی اختیار قوقونایه ویردی ، بر معتاد ایچکی ،
مزە ییەجك ایصمارلادی قادین ، اوامرینی انفاذ ایتک اوزره
اودن چیقنجه ، اوطەده یالکیز قالان خلقي ، وقت کچیرمک
ایچون ، قونصولک اوزرنده طوران بر قارت پوستال آلبومنی ،
حمالی پارماق لریله قاریش دیرمغه باشلادی .

اوراده ، ایزمارونک ، یاننده بر آلمان بحریه لیسسی ایله
چکیلەش کوتو بر فوطوغرافیسسی واردی . اولاً ، اونی پارچه
پارچه ایدوب پنجرەدن آتدی . صوکرە ، یالکیز آلمش بر
دیگر رسمی بولدی . بونده کینج قادین ، قیصه قوللی یازلق
بر البسه کیمش ، اوموزلرینک و کوکسەنک متناسب ، بی نظیر
کوزلەکنی عریان عرض ایدیوردی . عاشق بیچارە بو رسمی دە
یرندن چیقاردی ، فقط اشتیاق تملکە یانان دوداقلرینه کوتوروب ،

طاتلی بر زھر ایچر کی ، سو کیلیسنک خیالیله طولی کوز -
لرینی د قاپایه رق ، اوپدی .. اوپدی .

او اشناده ، ایزمارو ، گزیتیسندن عودت ایدیوردی .
اوه بر قاج آدیمل یاقلاشدیغی زمان ، انده پاکتیرله بقالدن
چیقان تیزه - نی کوردی ، و - ذاتاً امید ایتدیکی کی - خلقینک
اوده کندیسنی بکله مکده اولدیغنی خبر آلدی .

بناءً علیہ او طہیہ کیرحہ ، یالاندن ، متمجب بر طور طاقینہ رق :
— وای هولقی بک ! دیدی . خوس کلدیگز خانگی
اوروز کز آتدی ستری ؟ .

انده کی رسمی صاقلامہیہ وقت بولہ میان خاقتی ، بردنبرہ
شاشیرمشدی . هوز ویرہ چکی جوابی دوشونیرکن ، ایزمارو
تکرار صورتی :

— نی فطوغرافیا باقیوردیکز ؟

— اوت ، ستری بکلرکن ، بردرلو وقت کچموردی ده .

— .. بی رسمی باقہ رق بکله دیکز .

— پک طوغری سویله یورسکز . بر آن فکرمدن چیقمايان

کوزل خیالکزی شورسمده کی کولکک کزله مقایسه ایدیوردم
هر ایکسی ده بربرندن لطیف .

— مرسی . قومیلیمان یاپیورسکز . فقط اوکک کلدیگز ،

چوق فنا یاپدیگز .

— نیچون ایزمارو ؟ .

— چو نکہ ہو ماحالا قاری فنا آغز وار، بی ناموس
طوقانیورلر .

— لیکن ، انسانہ مسافر کلزمی ؟

— بیلیورلر سبز موسافیر دکل .

— یا ؟ .

— بی سودالی بیلیورلر

— بالائی ایزماروجم ؟

— یوق ما ! بن فوقاره بر قاری ؛ صو کره بن ایستیارک
قوجه وارمهیه ، کیمسه آلمایه زاق . یازیق دکل بکا ؟ ..
— بن سنی بر اقیرمییم ؟

— اوک ، اقایه زاقین ، نیچر نکاخ یامازین ؟ یوق ،
سن اکلنجه ایستبورسون ، ما بیلہ اولمایه زاق . بن دم آلدایم
نیورم ، سو زیم ، صو کره ماف (ع) اوله زایم . ایسه . بن
یارین قاجازایم اوزاق .

خلق ، بولایوردی غلمه کنی دیکارکن ، هر کله بن کوکلنی
قورش ، بن کی دهلیوردی . احضار ایتدیکی عدیبنی ، خیندن
چیقار مغه بیلہ جیبارت ایدممدی . قادین محافظه عصمت ایتکده
مصدردی . عفت مجسمه (؟) اولان بو قادینده سقوطه میل
اولسهیدی ، چوقدن تسلیم اولوردی .

فقط ، اود خلقی بی سر دیکی ، و ب سسویکی اظهار
واعتراف ایلدیکی حالده ، حیسانه حاکم اوله رف ، غیر مشروع

تول بائارنى
صورىدە ھەممەي ۋەصال ۋەلىق ايسىتەمىوردى . بىر قادين اىچون
بوانك طبعى ملاحظىنى نھايت خلقى باشدە طوغرى كوردى .
آرتۇر بىشى آچىقدىن احتراز ايدرك ، بىر آزده ھوائى شىلر
كۈرۈشدۈگەن ، بىر ايكى قدح چاقشدىردىن سوڭرە ، عاشق
ۋە مەشوق ۋەداع ايدوب آيىرلدىلر .

قىيودىن چىقاركن ، خلقى ، بىلەزىكى مەنئى اولان مەنظەرى
ايزمارويە اوزاتەرق :

سەزە لائىق دكل اما ، بىر بىر كذار اولور ؛ دىدى .
بۇرۇر قەشدىرىجى ، كرانشا ھەدىە قورناز ايزمارويى لاقىد
بىراقدى . غايت كبار بىر طور ايله :

نە اىچون زحمت ياپدىكن ؟ تىنە كۈر ايدىرم . دىيۇب
قبول ايتدى .

خلقى ، سەۋقاندە ، اۋىنە طوغرى يۈرۈركن ، آرتق
قەطىي قىرارى ۋىر يۈردى . روم قارىشك نزاكتى ، كبارلىقى ،
غەيفەلىكى ، كىندىسىنى اقناع ايتىشىدى . اۋنى تىخت نىكاخنە
آلە جەقدى .

اۋ كىچە ، كىندى اۋطەسە كىتمەدن ، طوغرى صدىرك
خانىك يانە كىردى . بۈيۈك خانىم ھەنوز ياتمەش ، كۈشە مەندىرىشك
اوزىندە اۋطورمەش دلبىد بوغچەسىنى يراشدىمىوردى . اۋغلانك
خلاف مەتاد ، آيىق اولەرق ، بۈيلە ۋەقتىنر يانە كەمسى خىرە
يۈغورمەدى . مەمەلىيە تەككىنى بوز مابەرق ، مەنۈنىتە قارشىلادى :

— صفا کلاک او غلم !

خلقى ، صیقینتیلی کور وینوردی . یاریم آغزله بر « صفا بولدق ! » دیدکن صوکره ، مندرک بر اوجنده کندی یرلشدی .

بر مدت ، اوطهده ، دزین ، ماتمی بر سکون و سکوت حکمفرما اولدی . نهایت خلقى ، که و دله یه رک سوزه باشلادی : — آنه ! دیدی . بن آرتق هدیه ایله یاشایه میه جقم . آیرملق مجبوریتندیم .

صدرک خامک یوزینه آنی بر قیزارتی کلدی . فقط ضبط نفس ایتدی . هیچ جواب ویرمدی . خلقى ، آناسنک بو سکوتی ، اعتدال دمنی محافظه ایته سنی غیر طبیعی بولدی . لیکن سوزه بر کره باشلامش بولونیوردی ؛ دوام ایتدی .

— پارین صباح ، یاخود آقشام ، نه وقت ایسترسه ، بورادن چیقسون کیتسین . بن اوکا بکندیکی یرده برأو طوتهیم ، انشاءالله بر قسمتی چیقوبده مناسب بر قوجهیه وارنجیه قدر بن کندیسنه باقارم . نکاحی بیک غروشدیر ، فقط بن انصافسز بر آدم دکلم ، بو کون بیک غروش پاره دکلدر . بن اوکا بیک لیرا ویریم . نه یپایم ؟ قسمت بو قدرمش بر شی سؤیله . میورسین آنه ! .

صدرک خانم ، شیمدی سسسز ، سسسز آغلا یوردی . کوزلرندن سکونتله چیقان یاشلر بوموشاجق ، پنبه ، بوروشوق

يناقلرندن يوواریلانهرق کوکسته ، قوجاغنه داملايور ، لکدر
ياپيوردی . متهيج ، تيتړک ، ياواش بر سسله جواب ویردی :
— پکی اوغلم . آلمقده حق آيیرلمقده . بز یارین صباح
هدیه ایله کیدرز . الله سایه سنده اوده بولورز ، کچینه جکده .
سن اوزوله ، بوراده کوله کوله اوطور . ذاتا بن بوراده
کندی یباجی حس ایدیور ، عادتاً غربتده ظن ایدیوردم .
سنک اککک ، بو کونکی اکککده ، بوغازمدن راحت
کچمیوردی ..

— سکا نه اولیور آنه ؟ . سن ددی کیدیورسین ؟
— آ ! البته ! .. بقالم بورایه کله جک قادینه بن آخر
وقتمده اوغراشه بیلیرمییم ؟ . سن بو کون هدیه یی بوشایور .
سهک ، طبعی باشقه سیله اولمک ایچون اوله جق .
— اوت !

— نه ایشه پک اعلا ! الله دیرلک دوزنلک ویرسون !
مبارک اولسون . بلکه بن انکل اولورم . ایسیمی ؟ براق
بنی ده کیدهیم . هم او زواللی یاوروجغکده کیسه جکی یوق .
یالکز بر باشنه سوقاغه آتام .. الله دن قورقارم .

خالق پک ، پک سودیکی آنه سنک افتراقنه طایانامیه .
جقدی . اوندن آيیرلمق قورقوسیه نه سویله یه جکنی بیله مدی .
— طور بقالم آنه ؟ دیدی . عجله ایتیهلم .

صـدبرك خانمك آغلامه سی دینمشدی . کمال متانله ،
شیمدی ده او اصرار ایدیوردی :

— یوق اوغلم ، یوق ! بو یاپدیغکی یاپه جغك بسه بللی
ایدی . بورایه کلدیکمز کوندن بری ایچرمده بو قورقو ایله
یاشادم . بو کون اولمازسه یارین مطلقا اوله جق . براق بزى
محله مزه کیده لم . سن ده راحت ایت بن ده . معاذالله بوراده بکا
بر حال اوله جق اولسه ، ایمانسز اوله حکم کبی کلیور . سنك
بو کیدیشاتکه ایل عالمك نه دیدیکنی سن طویمه یورسین آما ،
بن آنایم ، قولاغمه کلیو . بو یاشمه قدر حرامه ال سورمدم .
بنی سویلتمه اوغلم .

خالقی ، بو سوزلری زهر یوتار کبی دیکله یوردی . بو آجی ،
فقط طوغری ستملر ، آناسنك اغرنندن چیقدیغی ایچون اوکاده ازیاده
تأثیر ایدیور ؛ صـوـصـیـوـرـدی . عادتاً یاپدیغنه ندامت کتیرمك
اوزره ایدی . نظرنده هر وقت محترم ، هر وقت بویوك اولان
آناسی شیمدی برقات ده اکتساب علویت ایتمش ، شایان
حرمت اولمشدی . اونك ، چوجوقلغنده یاپدیغی کبی ، قوجاغنه
قایانق ، اللرینی اوپمك ، آغلایه رق استغفار ایتمك ایسته دی .
فقط آنا ایله اوغلك آره سنه ایزمارونك خیال فسبونکاری
کیریور ، بو غلیان صمیمیته حائل اولیوردی . وخالقینك نعلی
نظرلرنده ، کنج قادینك ، صاری صاحجلرله ، زرین برهاله
ایله محاط کبی کورینن کوزهل چهره سی ، کوله ج مائی کوز-

لرى ، قويو قرمى دوداقلرى ، پنبه قولاقلىرى ، اوفاجق
برونى ايله مەماديا طورىيوردى .

يرندن قالقدى ؛ و دوچار اولدىنى فلا كىدن آگاه اولانجه
بر طوفان بكا ايجرىسندە قان آناسىنىك ياننى التجا ايتىش اولان
هەدىنىك بوش براقدىنى يتاغنى اوزانوب ياتدى .

يقظهلى ، كابوسلى بركىچە كچىردى كىن صكرە ، آنجق صباحە
قارشى اويويە بىلمىش اولان خلقى ، سەعت اونە طوغرى
كوزلىرىنى آچدىنى زمان اوك ايجرىسىنى بوش بولدى .

صەبرىك خاملە هەدى ، (قوچوق بكيىسنە) لغىتىلر صاووران
ظرافتە بىرلەككە ايركەندىن چىقوب كىتمىشلىرىدى ...

او آقشام ، ايزمارو ايله عاشقى آپارتمانە يرشەدىلر ، بك
اوغلونىك اك مشهور لوقنطەسەندىن كىتىرتەكلرى يىمكار ، شرابلىر
يىنىوب ايجىلدى .

كىچە اونجه دە ، هەز زواللى هەدىنىك شەكل وچە دىنى
مخافطە ايدىن دوشەكك ايجرىسندە ، خلقى ، سەرمست عشق ،
چىلغىن وحرىص ، ايزمارونىك اوزرىنە آتيلەرق ، نەايت نائل
مراد اولدى ...

خالقى بىكە مادامى ، بر آيدىنبريدىر يىكى بر حيات ياشايور -
لردى . سابق عسكر ، اوتەنبرى باشقەلرىنىك اوندە كوروب دە

غبطه ايتديكى عالملى شيمدى كندى اقامتگاهنده ياپه بيلمكه
بختيار ايدى .

آياس پاشادهكى آپارتمانده هر ايكي اوچ كونده بر ترتيب
اولنان ، چاي ، يمك ضيافتلى ، مسامره لر ، اك بويوك
مؤسسات ماليه و تجاريه نك باجمله اركانى هپ اورايه طويلايوردى .
ايزمارونك بحريكللى اللريله باشدن باشه دكيشه ن ، غرب
ذوق سليمه موافق بر صورتده تنظيم ايديلن سالونلرده ، تميز ،
يكنسق سياه البسه لى ، بياض اوكلكللى روم خدمتچيلرك الندن
چاي ، قهوه ، شربت آلان مسافرلرينك آرمسند ، كوزل
قادين ، بر قراليجه وضع و طوريله طولاشدقجه ، هر كسك
دوداقلرندن صميمى بر ندای تقدير و حيرت يو كسليوردى .
بوتون بو غبطه آور تظاهرات قارشوسنده ايسه ، خاقى بك ،
كرانبها بر مالك صاحبك طويدينى حس غرور ايله ، ممنون ،
كولومسه يوردى . بو قارى قوجه نك دعوتلرينه اك زاده
اجابت ايدنلر ، عائله نك صميمى دوستى پرودروموس جين كوز
اوغلى افدى دن باشقه ، اول ؛ بر بويوك بانقه نك سابقا ذى
نفوذ اركانندن اولوب بالآخره اتحادجيلرك اصراريله كوشه
انزو ايد چكاشكن ، بو محاربه ده ينه هر ناصلسه سيوريلش
اولان (پانده لاكى بك) ايله عاشقانه ماجرالرى ديبلرده داستان
اولان زوجه سى ؛ صوكره ، قاريسى بوتون سفارتار اركانه
پيشكش چكرك . كنديسنه او صورتله تأمين موقع و منافع

ایدن وبو آرداق مالیه ناظرلیه آره زندن صو - یزمایه جق قدر
صمیمیتی متواتر اولان روم بانکر؛ بک اوغانک کبار عالم لرنده
که زللکلی بحق شهرتکیر اولان و دور اسبقده زنکین بر
متعهدک قیزلری بولان اوچ همشیره دن برینک زوجی و اجنبی
بر مؤسسۀ مالیه نک مدیری بولان بر موسه ی؛ جماعه سی اُسک
زاده نک توسل ایتدیکی چاره لره آز چوق بکزه یین تدابیر ایله
بو کون آشاغی یوقاری اونک قدر زنکین اولان سابق موثرلر،
ضابطلر، مأمورلرله حربیه و بحریه ناظرلرینک مداحلغی
ایدوب چوپله ن و فرق مخالفه یه بلاتردد کچمک ایچون، اونلرک
سقوطنی بکله یه رک راحت یاشامه سنی بیلن اخلاق دوشکونی
بعض ارباب قلمدن عبارتدی.

بونلرک هپسی خلقی ایله قاریس-نک بر دعوتی قاجیرمه دن
اورایه، آپارتمان شتابان اولیورلر، وبر طرفدن قمار اوینایور،
دیگر طرفدن، استانبولی، تورکیایی آچ براقه رق، احتیاج
ایچریسنده قیوراندیره رق پاره قازانمق، ده قازانمق، هر وقت
قازانمق چاره لرینی دوشه نیورلردی.

وصباحلره قدر سورهن بو اجتماعلر اثناسنده، آپارتمانک
پر شمعشعه یانان الکتریک لامبالری، سماده نوردن بر سیس
وجوده کتیریرکن، خلیجک اوتظرفنده، متوکل، صاف،
حول، سسبز، تمیز استانبول، ظلمت ایچریسنده اویویوردی..
ینه بویله برکیجه صباحلامشلردی. قمارماصلرینک باشنده،

کاغدلری طونان، فیشلری قاریشديران اللر، آرتق که شه مش،
توتون دومانی و نفسدن اوطنهك اچریسنی آغیر بر هوا استیلا
ایتمشدی . پوکرده بیك اوچیوز لیرا ویرمش اولان خالق ،
قاریسنی اویناتوبده کندی اشتراك اتمهین پانده لا کی بك ايله
برابر بالقون قوسنه طوغری کیتی . باشی آغریور، تازه
و تمیز هوا تنفس ایتك احتیاجنی حس ایدیوردی . قپونی
آچدی یوزینی طاتلی برسرینك اوقشادی . ایکهسی برلکده
بالقونه چیقديلر .

براق ، کوزل بر کون طوغیوردی . ظلمات لیل صیر -
یلیور ، یرینه یواش یواش پنجه یه میل ایدن بر صاریلق قائم
اولیوردی . اوزاقده سرای برونی ايله سلیمیه آره سنده کی
بوغازك صولرینه آلنون قاریشديرلمش کی ایدی . دیرکن بر
اذان سسی طویولدی . قارشوده کی مناره لردن برنده محرق
سسلی بر مؤذن صلا ویریوردی ...
تدریجاً اورتهلق بوسبوتون آغاردی . شهرك قبه لری جاجا
یالیزلانمغه باشلادی .

پانده لا کی بك کندی ضبط ایده مدی :

— اوح ! مون شر بك ، دیدی . نه کوزهل شهر !
یازیق که سرتورکار قدرینی بیله مه دیکر . آه ! ییانه یلرک آلنه دوشسه ،
جنت اولوردی ..

خالق ، حرارتلی تمیلر افاده ایدن بو جمله یه جواب بیله

ویرمدی . بیک اوچیوز ایرا غیب ایتش ، باشیده چوق
آغریوردی ...

— ۱۵ —

— کلتو محکم ، بو کون ناصل چوجوق ؟ .

— واللهی ، هدیه خانمچم ، بیلیم که ؟ . دون ینه دائرہ
هکیمه کوتوردم ، یکی علاج ویردی . مجاناً یاپدیرمق ایچون
آلامانلره کیتدم . قیونک اوکی او قدر غلبه لک که ، کیره مدم
بیله ... نه ایسه اه راضی اولسون مختار یاپدیریوردی .

— سن او یاورو جغه ای باقمیورسین .

— نه پیایم خانمچم ؟ . بزمکندن بر خبر آله میورم .

اولدیمی ، قالدیمی ؟ .. ایکیمزه ویردکلی آلتش غروش آیاق
ماه بیله دیمه یور . چاشیره ، تخته یه کیمه سه م ، اؤک کراسنی
ویره میه جکم ، اؤ صاحبی سوقاغه آتہ جق . کیدرسه م چوجوغه
باقیلمیور . نه پیاجغمی شاشیردم . الله جانمی آنسین ده قورتوله یم !

— واه کلتوم واه !

بوکلثم ، استک زاده جامی قیمی ایکن وفات ایدن حاجی
محمد افندیکن بریجک قیزیدی . اون بر یاشنده او کسوز قالمش ،
عاشرافندی مرحومک جناح حمایه سنده واونک اوندہ بویوتلش ،
اون درت یاشنه کلنجه ممکن مرتبه جهازی ده یاپیله رق اوقاف
کتبه سندن نجمی اسمنده ، کیمسه سز ، خلوق ، تربیه لی بر
چوجوغه تزویج اولنشدی .

محاربه اعلان ایدیلانجه یه قدر ، کنج عالمه مسعود یاشادی .
 نجمینک سکز یوز کسور غروش طوتان آیانی ، کلشک قادیانی ،
 اقتصاده رعایتی سایه سنده هر شیئرینه کفایت ایدییه ردی . هر
 سنه طوغوب طوغوب اولان چوجو قلدن نهایت اُک صووک
 دنیا یه کلن بریجک یاورولری عنایت حق ایله یاشامش ، طومبول
 طومبول بر ملک اولمشدی .

فقط کونک برنده نجمی ، نفر اوله رق تحت سلاحه دعوت
 ایدلمش ، چولوغنی چوجوغنی یوز اوستی براقوب وظیفه
 وطنیه سنی ایفایه قوشمشدی .

او وقندن بریدر حیات و ماته دائر بر خبر آلهمان بیچاره
 زوجه سی آلم بر یوقسوللق ایچنده یاشابور ، کل کبی جکر
 پاره سنک ، حکیملرک تعیرنجه (سفالت فیسولورثیق) دن کوندن
 کونه ضعیفلا دیغنی ، دیگر قردمشلرینک بواندیغنی جنته طوغری
 یوالاندیغنی دهشتله کورینوردی .

بالجه عسکر عالم لرینه ویرلدی کبی اوکاده نفوس باشنه
 اوتوزر غروش آیلق باغلانش ، که یا بو صورتله ادامه حیات
 و تعیشی تأمین ایدلمشدی . فقط کلخانه فروندن کندیلری
 ایچون خاص اکمک پیشیرتوب ، خاقه مصر قوچانی یدیرمکن
 حیا اتمه ین ارکان حکومت بو پاره ایله ایکی زوالینک اولومدن
 قورتوله میه جغنی دوشونمورلردی . نه وظیفه لری ؟

قوجه بدستان بر بیت پازاری حالنی آلمشدی . الماسلر ،

كموش اوانى چوقدن بىتمش ، شىمدى آقشامكى سوپوركه
ا كىكنك مخرش لقمه لىرىنى بوغازدن كچىره بىله جك قاتىغك
تداركى اىچون صىرتدن چىقاريلان كوملك ، چوجوغك آرقه
سندن آلىنان قونداق ساتىلىوردى .

كلشوم ، بونلرك هپسنى ساتمش ، بىتىرمشدى . يالكىز بر
عرضى طورىيوردى . اونى ده ساتمغه مجبور اولمىمق اىچون ،
زوالى قادين چىاليور ، شونك بونك اونده تخته سىلييه ر ، چماشىر
يىقايوردى .

آنچق بو قدر يورولدىغى حالده ، صرف ايتدىكى قەتى
تلافى ايدى جك غدائى آله مديغى جهتله هم بر طرفدن كنديسى
صحتدن دوشيور هم ده ياوروسى ، جكر پاره سى ، باقىمسىزلقدن
خستىلانمش ، اوليوردى .

بوندن اقدم ، اولاه او قافه ، قوجه سنك آمرلىرىنه مراجعت
ايتش ، آغلامش ، يالوارمش ، مەماونت طالب ايتىشىدى .
اوراده كركلى فرلى بر افندى ، غالبا بر ميز ، خشىن بر طور
ايلاه :

— وظيفه كورمەين آدمە دولت آيلق وىرمىز .

دييه اونى قوغمىشىدى . بر آلاى معاملات قرطاسيه ايله
عباداللاهك ايشنى تعويق ايتىمكدن باشقه بر ايشه يارامايان ، او
آكل بيت المال ، وظيفه شناس ممىز افندى ، وطنى اوغرىنه قان

دو کککه کیتمش اولان زواللی نجمی نک ایفای وظیفه ایتدیکنه
ظاهر قانع اوله میوردی !

صوکره ، کنه ی کبی بیکس ، غریب قادینلرک چرکاب
فحشه سقه ط ایتهلرینه مانع اولمق مقصدیله تأسس ایتمش
اولمه سی لازم کلن ، عنوانی ده او یوکسک مقصدی احساس
ایدن بر جمعیتیه مراجعت ایدرک ، ایش ایستدی . جمعیتک
مدیری ، مال کتیروب ، بوراده صانه رق ، جمعیت صندوقه
کویا بویوک بر منفعت تأمین ایتک بهانه سیله اوچ آی اول ،
متره سیله برلکده برلینه کیتمشدی . مرکزده هیچ کیمسه یی
بوله مدی . برقچ دفعه کیدوب کلدکن صوکره ، نهایت بر آدم
پیدا اولدی ، کندیسنه یدی بچق غروش یومیه ایله ایپلک
بوکمه یی تکلیف ایتدی . بوده دولتک ویردیکی اوتوز غروش
معاشه بکزه یوردی . کلمینه تخته سیامه یی ؛ چاشیر ییقامغه
قاتلانندی .

هر کون بر آرزدها اریهن ، کیتدکجه ضعیف لایان چوجوق
آرتق قفای یره اورمشدی . اوکا باقق ، منتظم ساعتلرده
علاجی ویرمک مجبوریتده اولان کلم ، جکر پارمسنک یانندن
آییریلامیور ، آنجق آرده صهرده اوده کوره بیله حکمی ، دیکیش
کبی ، اویا کبی ایشلر آره یوب بولمق ایچون بر لحظه سوقاغه
چیقه بیلوردی . او قیصه مدت ظرفنده ده بعضاً استک زاده
مخلمه سنه قدر اوزایور ، خالق بکدن آییرلقدن صوکره ، قان

آناسیله اسکی اولرینه یرلشمش اولان هدیه بی شویله جه آیاق
اوستنده زیارت ایدیور یوردی ...

کیت کیده چوجوق آغیرلاشمشیدی . زواللی مینی مینی
الارینی ، آناجغنه قالدیره جق قدرده محالی قالمه مش ، کوزهل
مائی کوزلرینی اجل کولکلری بورومشیدی . متصل طالغین
یاتیوردی . صماتیهدده ، تردهن یولی اوزرنده اوطوردقلری ، ایکی
اوطهلی خرابه نك اوکندن کچن قطارلرک کوروتیسیله بعضاً
اویانان یاوروجغک یتیم نظرلری ، آناسینککیلرله قارشیلانیدی
زمان ، گنج قادینک قای ، طانییدیغی ، بیلمدیکی . فقط
موجه دیتلرینی حس ایتدیکی بر طاقم انسانلره قارشى لغتله
طولیوردی .

بیك رجا وارام ایله ، اوه کله یه راضی اولان بلدیله هکیمی
بر والدینک آغوش محبت و شفقتدن یاوروسنی آلمقده اولان
بو دردک نه اولدیغی صوران بیچاره یه :

— غدا سراق ، دیمشیدی . بو چوجوغه چوق شکر
یدیرمه لی خانم !

او کون حیلغین کبی ، سوقاغه اوغرایان کلثم ، النده کی ،
یرتیق ، کیرلی ، یکر می غروشلق کاغده مقابل درت پارچه
شکر آنجه یه قدر بقال بقال طولاشمشیدی . فی الحقیقه (استک
زاده و شرکاسی) ایله بر ایکی باشقه تجار دن متشکل برغروب ،
بلغارستانه سوق ایچون ، او کون پیاسه ده کی بوتون شکرلری

طوپلایه رق بو قیمتی متاعك اوقه سنی ددت یوز غروشه
فیرلا تمش لر ، کندیلرینه اوچیوز بیک لیرا بردن برکار تأمین
ایتمش لردی .

بیچاره آنا ، آووچنده کتیردیکی بو شکر پارچه لرینک ،
یاوروسنی قورتاره جغه امین اوله رق اوه عودت ایتدیکی وقت .
اونی بوسبوتون طالغین بولدی . او یویور ظنیله ، سس چیقار-
مدی . یالکیز اویاتجه سوینمه سی ایچون شکرلری باشی اوجنه
براقدی ؛ بکله دی .

چوجوق حالت نزعده ایدی . کندینی یاقان حمایه آرتق
مقاومت ایدمه یین مینی مینی ، زواللی قدید وجودی یریر
صوغومغه بیله باشلامش ، بی حرکت سریلی یاتیور ، رنکسز
دوداقلرنده هر چوجوق جنازه سنده کوریلن مالکی تبسم
بلیریوردی .

کوز قیاقلرینی آرهله دی :

— آنه !

— آجانم ؟ .

چوجوق بر شی علاوه ایتدی . فقط طیشاریدن ، بویوک
کورولتیلرله کچن اوزون بر قطار ، بو خفیف صدایی آنایه
طویورمدی . کلام ، بر آز بکله دی . پکدیگرینی تعقیب ایدن
واغونلرک آرقه سی کلیموردی . اولادینک اوزرینه طوغری
اکیلدی .. دورتدی ... چاغیردی .. سس آلمدی .

اونك روح معصومی ، طیشاریده کچن کوروانیلی تر دن ،
استك زاده غروبك شکرلرینی بولغارستانه طوغری کوتوریرکن ،
بوراده کی کبی ، چوجوقلرک باباسنی اولدیرن ، غدلرینی
چالان ، آنهلرینی آغلالتان ، فنا انسانلرله دکل ، آنالر قدر
رحیم وشفیق ملکلرله مسکون جئتلره اوچمشدی ..

— ۱۶ —

بو شکر اورغوتی متعاقب ، آرتق حریره متعهدلرندن
اولدیغی جهتله ، کندییی ایچون عسکر اولمق قورقوسی ده
بر طرف اولان پروردروموس ، بوتون عقل و فکرینی ، عمرینی ،
وارینی یوغنی ، ایزمارویه حصر و تخصیص ایدن خالق بکدن
آییریلارق ، کندی باشنه ایش کورمک ، سربست قالمق آرزوسنه
دوشدی .

اساساً فکر ماعونی باشقه خلیالردده بسایوردی . بر قاج
دفعه خالق بك یوقکن ، آپارتمان کیتمش ، ایزمارو ایله یاپه
یالکز ، ساعتلرجه اوطورمشدی . بو باش باشه مصاحبه لر
ائناسنده کنج قادینك کندیسنه قارشى پك ده لاقید اولمدیغنی ،
ایستدیکی دقیقه ده اونى حظوظات نقصانیه سنك تطمیننه پك
قولای خدمت ایتدیره جکنی کسدرمشدی . شیمدی ، استك
زاده نك اورتاقلغندن قورتولدقن صوکره ، یارین او بر کون ،
ایزمارونك آغوش شهوتنده اوکا خلف اولمق ایشدن بیله
دکلدی . چونکه خالق ، بر سرعت برقیه ایله افلاسه طوغری

قوشیوردی . آندە ، آووچندە بش پاره قالمەنجەدە ، البتە
ایزمارو کندیسنی دفعە ایدەجک ، باشقە شکار آرایەجقدی .
پرودروموسە کانجە ، صوگ زمانلردە قازانش اولدیغی
جسیم ثروت ، قادینلر حقنەدەکی فکر استحقارینی خیلیدن
خیلی یە تبدیل ایتش ، جنس لطیفە قارشى اونده برحس اشتیاق
اویانديرمشدی . بونک ایچون ، ایر ویا کچ خاقیدن بیقاجق
اولان ایزمارویە دها شمیدین کوز دیکمش بولونیوردی .

مقصد لرینی است - تحصیل ایتک ایچون ینه طائلیقله حرکت
ایتدی . ولی نعمتی تدریجاً بوتفریق منافع آیشدیر مق اوزره ،
خفیفدن شکایته باشلادی . بیک درمدن صو کتیردی . حالنه
آجیندیرمغه اوغراشدی .

— هولقو به غجكم ، سن بنم ايللكمي هالبته ايسترسين !

باخ ، بوغونه دك . سنك غاپوكده خيزماط ايتدم . غیری بنده
 شقه كده بی ایش صاحابیسی اولهیم . باغاده توجارده بی ایتیبار
 ایتسه هر قنای ؛ دییه دیلار دوکدی . و نهایت ، مقاولات
 محرومانی حضورنده حسابلری تیزله یوب ، بری بریله علاقه بی
 کشیدیلر . مع مافیه قردمانلی ، اشیاسنی طاشیوب ، وداع ایدرکن
 شایه آدجه کیمیش :
 سابق شریکته :

دنيا کا جو انسان ہے وہ دوست و غلامی، تجارت و سادہ آیری، دہ غلمی
وہ دنیا کا جو انسان ہے وہ دوست و غلامی، تجارت و سادہ آیری، دہ غلمی

تَرْخِمْ لِي كَسِيلَةَ آدَمَ
مَرْدَمِ مَنَزِيلِ عَشَقِ زَاوَاتِ لَاسِيلِ ، خَلْقِ ، بَوَاقِرَاقِ نَزْدِ لَرْدِ

واره بيله چكنى كسديره ميوردى . جين كوزاوغلونك سايه ماعتنده
 قازانمش اولديغى بر ميليون ليرايه قريش تروتى ، هيچ بر صورتله ،
 هيچ بر زمان توكنمزظن ايدىيور ، وبوتروت جسيمه يي هپ كندى
 ذكاسيله حسن طالعت اثرى تلقى ايله يوردى . حاله كه ، تجارتدن
 اصلا خبردار اولميان ، موجوده علاوه ايتمك يوللرني بيلمه ين ، ارقامك
 افاده ايتديكى معناني آكلامقندن عاجز بولنان استك زاده ، جين كوز
 اوغلندن آييريلىر آييرلماز ، بر طاقم يكي يكي ايش آدملرينك آلنه دوشدى .
 اساساً ، دلداده سنك اطرافنده متمادياً پروانه كي طولاشمقندن ،
 بويوك مقياسه معاملات تجاريله كيريشمكى نه دوشونديليور ،
 نه ده بويله شيلرله اوغراشه جق وقت بوليوردى . بونك ايچون ،
 كندينه قولاي قازانچ تامين ايدمك اولان بورسە او بونلرينه
 باشلادى . بونى ده ينه بالذات ياپميور ، بيلمديكى ، طامچديغى
 سمسارلره حواله امور ايدىيوردي . بو صورتله كار ايتسه ده
 ايتسه ده كوستريلن قاريشيق حسابلردن بر شى آكلامديغى
 جهتله ، اهميت و يرميوردى . اونك نظرندە يالكز ويالكز بر
 شى حائز اهميتدى : « ايزمارو ! »

قادينك بر ديدىكى ايكي اولميور ، اذواق وصالى درهم
 درهم صاتمهي بك اي بيان بو آشفته روزكارك هر ايستديكى
 ياپميوردي . اويله كه بر ايكي آي ظرفنده پانفالتيده كي استك
 زاده خانى تبديل نام ايدمك (ايزماراغدا خانى) اولمش ،
 خلقينك بوتون غيرمنقول اموالى مادامك عهده تصريفه انتقال

ایتمشدی . كذلك ویانندن کتیر بلن اک صوک موده ملبوسات
ایله اک آغیر مجوهرات هر کسدن اول ایزمارونک اوزرنده
کوریلوردی .

یاز کلنجه بویوک آطیه کیتدیله . خالق بک اوراده بر او
طوته بی تکلیف ایتدیکی زمان ، زوجہ سی دوداغی بوکهرک :
آمان هوای ! دیمشدی . نه توحاف سویلر سین .
بقالار او طوتارلر . کبار انسانلر هپسی اوتلده کیتورلر . بن
بکا رذیل یامازایم !

و ، سوکیلینک آغزندن چیقدیغی ایچون البته محق اولان
بو اعتراض اوزرینه یاط قلوبده بر دائره استیجار ایدلدی .
آرتق اور پاطلاسون یاشایورلردی . اعتیاد ایدندیکی ایچون
دوام ایتکده بولندیغی اسانبولده کی یازیخانه سینه کیدوب کلک
اوزره ، خالق ، احسانا - ک بیندیکی واپوره را کب اولمقدن
حظ ایتیه رک خصوصی بر استمبوط کرامشدی . هر صباح
آطه خالق ، یا ساحلدر ، ویاخود واپوردن ، استک زاده نک ،
بو استمبوطک ایچریسنده ، کندینی حس حسدله تماشا ایدن
یچارکانامته بر نظره استحقارله باقه رق دالقاووقلریله بر لکده شهره
ایندیکنی کوریلوردی .

او یاز آطه ده ذوق وصف و اسراف ایله کچدی .
تشرینلر کلوبده ، مرمره نک لدوسلری ، استمبوطک

سیرینه مانع اولمه یه باشلا نیجه تکرار آ یاس پاشایه طاشیندیلر .
فقط صوک زمانلرده خلقی یه بر طور غونلق عارض اولاشدی .

ظفر نهائی امیدلری ، بزکین کوکلردن سیلینمکه باشلامش .
افق استقبالی قرا کلق بلوطار قاپلامشدی . عدو اردولرینک
مملکنک تا کوبکلرینه قدر تقریبی ، مالی و تجاری پیاسه یی
شاشیرتمش ، نقود و تحویلات ، قوتلی بر جریان الکتریقی یه
معروض براقیلان پوصله عبره سی کبی هر کون ، هر لحظه
متلاشی بر تحوّل عرض ایدیوردی .

بو صورتله اسنک زاده ، بر آی ظرفنده ، اوست اوسته
برقاچ دفعه مهم ضررلره اوغرادی . آلتون فائضنه طمع ایدرک
کلیتلی مقدارده قید اولدیغی استقراض داخلی تحویلاتی ده فیء
اخراجی اولان یوز لیرادن بردنبره یتیمش بش ، سکسان لیرایه
دوشدی . بو یوزندنه الای آلتیمش بیک لیرا قدر ضرردیده
اولدی .

بیچاره خلقینک غبی بوندق عبارت اولسه یدی ، احتمال که
ایلریده ، بقیه ثروتنک حسن اداره سیله تلافی مافات ممکن
اوله بیایردی . فقط ایزمارونک آرزولرینه بر درلو نهایت
کلیوردی .

آطه ده ، کبار اهلینک اوتلرده اوطوردیغنی و اوطوتمه نک
منحصراً اصنافه مخصوص اولدیغنی ایلری سورمن کنج قادین ،

بر مدت صوکره بو ادعاسنی بالذات جرح ایدوب ، نظام
جاده سنده ، اوتوز بیک نیرایه بر کوشک صاتون آلدیره رق
کندی نامه فراغنی اجرا ایتدیرمشدی . بویله جه خالقینک
نه سی وار نه سی یوقسه ، حرایص خاتونک عهده تصرفه کچوردی .
خاقتی یه کانهجه بو صویغوندن ذرده متاثر اولمور ، آتی ایچون
هیچ بر شی استشمام ایتیمور ، بالعکس ، کندیسنی ایفاظ ایتمک
ایسته یین بر دوستنه :

— حقی وار؛ دییوردی . اوهنوز پک کنج ، بن ایسه قرقی
چوقدن کچدم . بکا بر حال اولورسه ، زواللی قادین میدانده می
قالسین ؟ ..

دوشونمور و کورمیوردی که پرودروموس ، ولی نعمته فرط
صداقت و فداکاریسی ایجابندن اوله رق ، اونک متروکه سنی
دها شیمدین کیمسه سز براقه مه یه حاضر لانیوردی .

فی الحقیقه ، خالق بک دیو آدیملریله فجیعه افلاسه تقرب
ایتدکجه ، قره مانلینک آياس پاشا زیارتلری صیقلاشیوردی .
آرتق ، اسانبولاک اک معتبر تجاری میاننده ذی شهرت اولان
پرودروموسده بویوک بویوک احتراصنر اویانیوردی . بونلردن
هله ایکی دانه سی نا قابل تسکین برر آتش کبی حریفی قاصوب
قاوورییوردی . بری نوشهردن مبعوث انتخاب اولمق ، دیکری
ایزمارونک آغوش محبتنده خالق یه خلف اولمق . برنجیسی

زمانه واوغراشمه یه متوقفدی . فقط صوکره کی هم سهل هم ده
 قریب الاجرا ایدی . بناءً علیه هرایکی کونده بر ، سبیلی ، سبیل
 آپارتمان کیدیور ، زمین احضارینه اوغراشیوردی .

بر آقشام ایزماروی اوده یالکز بولدی . خالق کز مکه
 کیتمشدی . پرودرو موس ، کندی عرقنه خاص اولان اینجه لکله
 قادینه بذل التفات ایتمه کله باشلادی :

— ایزمارو ! غیری بایاغی غوزده لاشیون ، هه ده !
 افندمه دهیم ، ککاک کی تویه کلشده که بیه سم کای . قویو -
 غلونک غاریسی !

ایزمارونک دهنشده سی واردی . قره مانلیک بویولده اظهار
 حسیات ایتمه سی خوشنه کتدی :

— او قدر کوزم ، موسیو پرودرو موس ؟

— غوزده ده لافی که غارداش ؟ .. بن غاریدن آغنام
 نه مه ، توبه اولسون ، دها سنک کیسنی غوزمه دم . اولان !
 یزم یوز باشینک نه ده پارلاق غدیری وارمش یا !

— بکا خوشونه کیتیور ؟ ایسترسین بنم کی قاری ؟

— آد آغزیک اویدهیم ایزمارو ، افندمه سویلهیم ! غونک
 برنده سنی آلاجم . استک زاده ده پاره لر بیتیور .

— پاره بیتیور ؟ هوانکی پاره بیتیور ؟

جین کوز اوغلی ینه فرصتی یقالامشدی . بر معتاد اوندن

استفاده يه شتابان اولدى . ايزمارونك يأس آور بر مراقله وارد
اولان بوسؤالنه لاقيدانه مقابله ايتدى .

— هه يا ! —

— ناصين بيته زهك ؟ .

— بياغى توقه نيور . پاره دهديك ، افنديمه دهيم بوسپو-
روسك صولرى دهغل كه اولاد ! يرينه غومازسهك غونك
برنده پايدوس !

— ماهولكى چوق زنيكين :

— بزم مملكتك ماصاللى كې افنديمه دهيم برايكى آي
صوكره : بر وارمش بر يوغمش !
— يوقسه م باشقه قارى وار ؟ .

قره مانلى بوسوك سؤاله چوق كولدى . جنس لطيفه قارشى
حسن توجهى (!) ينه غلبه ايدرك ، جواب ويردى .

— بى دانه سى بر اركىكى غوروتقمق اوچون چوخ بيله .
غارى ملتى سن باغا صور ، ايزمارو ! رحمتلك بابام : « اوغلم
پرودروموس ! ديردى ؛ غارى قسيمي شيطانله بر اولوب
افنديمه دهيم ، انسانك اللهله آره سنى بوزار . » يوزباشى يي ييدك
بيتيردك ده باشخه غارى يي نه ده يي آرايورسين ؟ .. آه غاشيكي
سوهيم ايزمارو !

قادين ، مخاطبك چكسه نه طوغرى اوزانان دست تجاوز-

كارنى خوشونتله ايتدى :

— اوف !. آمان !. قاقو خرونونا خيس !

آلدينى خبر مشئوم ، نشئه سنى قاجير مشدى . چهره سنى
بوروشدورمش دوشونىوردى . قره مانلى وداع ايچون آباغه
قالقدينى وقت ، ايزمارو بوندن دخى خبردار اولمدى . يالكنز
حريفك كيدركن ايچنى چكرك فيرلاتدينى ، شو :

— قوپوغلونك غيزى ، آغنايورم ، جبن غوز اوغلانى ده
ميه جغت !

جمله سى ، بريام بشارت كى ، ميني ميني ، پنبه قولاقلىرنده
طنين انداز اولدى .

پرودروموس ، خلقينك معاملات تجاريه وصرافيه سنى
كون كونه تعقيب ايدىوردى . سابق شريككنك هركون برآز
دها ، افلاسه تقربى ، اونى عادتاً منون براقىوردى . استهداف
ايتديكى غايه ايزمارونك وصلتندن زياده ، اونك ذوق سليميله
سوسلنمش آپارتمان قونمقدى . قاليونجى قوللغنده ، ميه راسنك
بردرو برشيئه بگزده مديكى اومعهود او ، قره مانلىنك حرص
اقبال واشتهرينه خدمت ايدمىور ، مثلاً خلقينك اوندە طوپلانان
مهره تجار و ماليونى اورايه دعوت ممكن اولمىوردى . شيمدى ،
اكر ، خلقينك برميائونه قريب ثروتى اكل و بلع ايله كوزى ده
طويتش اولمق لازم كن ايزمارويى آپارتمانله برابر آله جق اولورسه ،
آمانك بويوك بر قسمنه نائل اوله جق ، اوغلبه لى ، استك زاده

کې يالکزي پيديرمک اچون دکل، تزيد ثروتنه خدمت ايتديرمک
اوزره طولايه جقدی .

هله ايزمارونك حسن فسونكاري، اربابنك آئنده بي بها
برمعدندی. يازيق كه خلقى بونى ده ايشله تهمه مشدى! پرودرو موس،
همشهريسى اولان او قاره صورتلى بانكر، قاريسنك كوزلاكي
سايه سنده نه طولابله چويرديكى بيايوردى ده كندى
كندينه :

— آه! بي ده ايزمارويى اورته يه چيخاره يمه ده. غورسونلر!
صاغلام بن ده ميليونر اولورم .

ديه سوييه نيوردى . ايزماروايله كوروشدكلرى او كون ده،
خلقى آتون اوزرينه يامش اولديغى بر معامله ده ايكي بيك ليرايه
يقين ضرر ايتمشدى . بو صورتله بر بحق آيدنبريدر او غرا ديغى
زيان آشاغى يوقارى يوزيكرمى، يوز او توز بيك ليرايى بولمش، بانقه دن
كلن بر مکتوب ده قره ديسنى تجاوز ايتديكى اخبار اولنمشدى .
بعض تحويلات صاوب بو بورجى ده اوده دى .

آقشام اوه عودتنده ايزمارويى چوق ده كيشيك بولدى .
قادين، جين كوز او غلنك مفارقتدن صوكره ساعتلرجه
دوشونمشدى . قره مانلىك افشاسى پك مهمدى. اكر حقيقه
خاقي بكده پاره لر صوينى چكيور ايديسه شيميدن بر چاره
دوشونمك وبولمق لازمدى . آرتق، آيشمش اولديغى بوشيمديكى
طرز حياتدن صرف نظر ايتك، بو عالم لره وداع ايتك، ايزمارو

ایچون اولمکه مساوی اوله جقدی . واقعا ، او ، بوکون برقاچ
یوز بیک ایرالق برثروت صاحبه سیدی ، لکن کندی باشنه
قاله جق اولورسه ، بوثروتی بایکه حسن اداره ایده میه جکی کی ،
بوکنج یاشنده یا لکنز قالمقده پک خطرناک ایدی . دیگر طرفدن
مالی دها ایکی ، بلکه اوچ قات تزید ایتک ایچون نفسنده
اشتها واستعداد حس ایدیوردی . بوکا یازیق دکلیدی ؟

پرودرو موسک کندیسنه قارشی حاضر میلی اولدیغنی
دوشوندی . کرچه ، بو ، خالق کی ، قولای یوتولور برشکار
دکلدی ؟ فقط نه اولورسه اولسون ؟ . هیچ دکلسه ، دها مناسب
بردیگرینی بولنجیه قدر ، قره مانلیدن برشی قوپارده مه سه دخی ،
موجود مالی محافظه ایده جک ، پک سودیکی یکی زنکین
حیاتندن ده آیرلمه مش اوله جقدی .

صوکره ، کندینه ده الله ایچون کوکه نیوردی . استک زاده بی
ده لیرتن ، دیوانه به چویردن عشوه وجلوه لری ، پرودرو موسی
هیچ اولمازسه برآزده می متأثر ایتزدی ؟

بوآنه قدر ، اُک چتین مسئله لری یتاقده حل وفصل ایتیه بی
اوکره نن ایزمارو ، ینه فراش وصالده البته جین کوز اوغلنی
هرشیئه اقناع ایده بیلیردی . بوملاحظه لر ، کنج قیزی استقبالدن
امیدوار ایده بیلیردی . آرتق حیاتی باشقه بر غایه یه توجیه
ایتمکه قرار ویردی .

خالق ، آپارتمان قپوسندن ایچری به کیرر کیرمن ، هر وقت

کندیسنی پر نشئه ، حتی علی الا کثر بوینه آتیه رق قارشیلایان
ایزمارونک یرنده ، صوغوق ، لاقید بر دیگر ایزمارو بولدی .
سوکیلیسنده کی بوتحولک اسبابی ذهناً آراشدیریرکن ، پنجره نك
اوکنده کی سدیرده اوطوروب ، یوزی ده سوقاغه متوجه بولنان
ایزمارو ، قوجه سندن بردنبره صورتی :
— بوساعتده نره دن کلیورسکنز ؟ .

خالق ، هیچ شیمدی یه قدر معروض قالمه مش اولدیغی بوسؤاله
قارشی اولاً بر مدت متحیرانه سکوت ایتدی . صوکره جواب
ویردی :

— ساعت او قدر کیج دکل ، هر وقتکی ساعتده کلام
کوزلم !

— بن دیمه یورم که هر زمانکی ساعت دکل ! . نره دن
کلدیکنز صورتدم .

— ایشمدن کوجمدن . باشقه نره دن کلیم ؟

— سز باسقه قاریلر کیتیورسکنز .

بواتهام صریح زواللی آدمی بوسبوتون شاشیرتدی کندیسنگ
عقلانه بیله کتیرمه مش اولدیغی بر احتمالی ، ایزمارو ، همده
بردنبره ناهصل ، نه مناسبته درپیش ایدیوردی ؟ کندینی
مدافعه یه قالشیدی :

— ایزماروجغم ! روحم ! بو شبهه لری نره دن حاصل

ایدیورسین؟ ممکنمیدر که بن سکا خیانت ایدیم؛ سنک اوزرینه
باشقه برقادین سوه بیلیم؟

— اسکی قاریسی اوستنده ناصل که بکاسودی؛ بنی اوستنده ده
باسقاسی سوه رسین .

بو منطقی جواب ، خالقینک اوزرنده باشقه بر تأثیر یادی .
هدیه نك یادی قلبی صیرلا تمشدی . آیرلاقلری کوندن بریدر ،
هنوز بویله بر فرصت ظهور ایدوبده کوکلنی یوقلامامشدی .
بردن کوزلرینک اوکنه ، بو کونکی حالی حیاته بدل ، ماضینک
ایلک آواننده کچن ، تمیز ، ساکن ، صیمی حیاتی کلدی .
وایلک دفعه اولمق اوزره او ماضی ایچون ناقابل ایضاح
درین بر تحسیر طویدی .

زوجنک جواب ویرمه دیکنی کوردهن ایزمارو ، سکوتک
اقراردن کلدیکی ظن باطلیله ، پر حدت پرندن قانقدی و :
— یازیق سکا هولکی بک !

فریادیله کیدوب یتاق او طه سنه قیاندی .

— ۱۷ —

ایزمارونک قیصقانهجانی تهملفرسا بر شکله گیرمش درام
ایدیوردی . استک زاده بی اساساً هیچ بروقت سومه مش اولان
بوقادینده بوقیصقانهجاق معین بر غایبه واصل اولمق ایچون اتخاز
ایدلمش بر چاره دن عبارتدی .

بو صورتله ، کندیسنه فرط مربوطیتی بیلدیکی خالق یی
بیزار ایدوب سوغوتمق و اطرافیه یایدینی تحقیقاتدن حقیقه
افلاسه تقریبی آکلاشیلان قوجه سندن آییرلق ایسته یوردی .

مؤلفین غربدن بری ، بر اثرنده : « قیصقانجلق عشق
مزاریدر ! » دیمشدرکه بو پک بویوک بر حقیقتدر .

بعض قادینلر ، بو حقیقتی مدرک اولمایه رق ، اکثریا اورته ده
سبب یوقکن ، سودکلرینی ، متصل و مرضی بر اعتیاد ایله قیصقانیر ،
دنیا یی کندیلرینه ده ، اطرافده کیلرده زندان ایدرلر . قیصقانجلق ،
بوزهرلی ییلان او بیچاره لک آرزو ایتدکلری تأثیرک همان دائماً
عکسنی تولید ایدر . فقط اختیارلری خارجنده اولان بو حسه
مقاومت ایده مزلر .

ینه بعض قادینلر واردرکه بو حقایقه تماماً واقف درلر . بونلرک
آلنده قیصقانجلق بر پرده در . بونکله کندی حسیات مفسد تکا-
رانلرینی اورترلر . ارککی قیصقانه رق ، اوئی مشغول ایتک ،
اوکا کوز آچدیرمه مق ، کندیلرندن بیقدیر مق و امید ایتدکلری
غایه یه واصل اولنجه ده بوتون قباحتی اوارککه یوکلنمک ایسترلر .
خالق :

— زواللی ! باق قیصقانمده نه درجه حقلی ایمش ! حریف
بوشایویردی . دییه جک ، اونلرده ممنون اوله جقلردر .
ایشته ایزمارو بو صوک زمره نسواندن ایدی . و تمام آده
بویله دوشونیوردی .

ہو مقصد لہ ، هجوملرینی صیقلاشدیردی ؛ آرتیردقجہ آرتیر۔
 دی . اولیادکہ بیچارہ خالق ہر دفعہ سندہ یکی بر هجومدن ، یکی
 بر غوغا ظہورندن اورکہرک ، آقشاملری وقت کچیرہجک بر
 آرابور، اود ممکن اولدیغی قدر کیج کیدیہوردی . بو کجیکمہلر
 یوزندن دہ بالطبع دہا زیادہ دوچار عتاب اولیور، اوزولیور دی .
 آرتق ضیافتلرک ، مسامرہ لرکدہ آرقہ سی کسلیمشدی .
 فقط خالق بوکا قلباً ممنون اولیوردی . ہربری برقچ یوز لیرایہ
 مال اولان بوا کلنتلرکدہ وضعیت مالیہ سنک بو کونکی وخامتندہ
 دخل کلیسی واردی . ائندہ ، آروجنده قالان بر ایکی بیسک
 لیرانی دہ ینہ اورایہ صرف ایدہجک اولسہ ایکی آی بیلہ ادامہ
 حیات ممکن اولمازدی .

اندیشہ فردا ، ایلک دفعہ اولمق اوزرہ ، بوصورتلہ حرب
 زنکیننک قلبنہ طوغمش ، فقط ایش ایشدن کچمدی . استک زادہ ،
 فی مابعد ، اعادہ ثروت ایدہ میہجکی ورفاہکدہ ، عشقکدہ
 آرتق برر افسانہ حکمنہ کیرمکدہ اولدیغی آ کلایوردی .
 فقط نہ یاپسین ؟ ..

تکرار پرودرو موسلہ اورتاق اولمہ یی دوشوندی وقرہ مانلی یہ
 تکلیف ایتدی .

— نیدہجکسین یوز باشم ؟ پیاسہ طورغون .. ماملہ
 یوق کہ ! آنجق مغازمنک کراسنی چیخارییورم اقدیمہ
 سویلہیم .

جوانی آلدی .

واغون تجارتی ده طاوسامشدی . حربیه نظارتی لوازم
شعبه سی ارکانی ، حربک نتیجه محتمله سنی برآز آ کلامه یه
باشلامشدر ، کندی منفعتلرینه خدمت ایدیورلر ، ایلریده ،
باشقه برلرده ده کندیلرینه شریک اوله بیله جک یکی یکی آدملر
یتشدیریور ، اونلری زنکین ایدیورلردی ،
دیگر طرفدن خلق بکک ده معنویاتی ، هر ناصلسه ،
بوزولمشدی . متوالیا شعیوع بولان هزیمت خبرلری سابق
اخذ عسکر رئیسک وجداتی ایقاظ ایتک کی غیر منتظر
بر تأثیر کوستریوردی .

وشیمدی ، کیجهلری ، قوجه سینه آرقه سنی دونوب ،
لاقید ، اویقویه طالمه یی اعتیاد ایدینن ایزمارونک یاننده تابصباح
بیدار اولان خلقی ، شو بر ایکی سنه لک ماضی عمرینه لعنت
ایتمک قدر واریور . مثلاً بادیة الشامک صیجاق چولارنده ،
یاخود پاسبین اووه سنک قارلری ایچنده جان ویرمش اولانلره
غبطه ایدیوردی .

بعضاده ، وظیفه مأموریتی سوء استعمال صورتیه ارتکاب
ایلدیکی خیاتی دوشونیور ، وجدانی بر عذاب الیم ایچریسنده
ضیقیلیور ، ضیقیلیوردی .

بو دوشونجه لرله ، دماغی بیتاب قالب او یودیغی زمانده
رؤیاسنده اوجی بوجاغی بللیسز ، چوراق ، قیپ قیزیل قانه

بویانمش اوووالرده ، قفا طاسلری ، انسان کیملرندن مشکل
 اهراملر اوزرنده ، پرودروموسله ایزمارونک شیطانی رقصار
 اجرا ایتدکلرینی و بالذات کندیسنگده ، چوجوق قحفلری
 ایچریسده شربتار ایچدیکنی کوریور، مدهوش، قان تر ایچنده
 اویانیوردی .

بویلهجه سوردیکی حیات ، تحملفرسا اولمغه باشلادی ؛
 روحنی متمادی بر صیقنی استیلا ایتدی . هر حرکتی ، هر فعلی
 بلا اختیار ایدی ؛ ذهنتده مثبت هیچ بر فکر تقرر ایتیهور ،
 مختلف دوشونجهلر هپ بردن هجوم ایدیوردی . صاحبلی
 آغیرمایه ، وجودی ضعیفلامایه باشلادی . عادتاً اوموزلریده
 چوگمشدی .

آقشاملری ، چوقدنبریدر ترک ایتمش اولدینی یازنخانه سنه
 بدل ، هرکون منتظماً دوام ایتدیکی تپهباشندهکی قهوهخانهلردن
 برنده ، کوتو ، مخلوط اسپرتولرله بنیه سنی زهرله یور ، فکرینی
 اویوشدیریور ، صوکره اوینه صاللانیه صاللانیه ، یایا عودت
 ایدیوردی . ایزمارو ایله آرملرنده نکاحدن باشقه بر رابطه ،
 هیچ بر مناسبت قالمه مشدی . نادراً برقاج کله تعاطی ایدیورلر
 زیرا مکالمه یی بر آز اوزاته جق اولسهلر ، بهمه حال غوغا ایله
 نتیجه له نیوردی .

پرودروموس ، آرتق آپارتماندن چیقمیوردی . وقتلی
 وقتسز کلیور ، ساعتلرجه ایزمارونک یاننده ، بعضاً قادینک

یتاق اوطه سنده ، اعضا سالونده اوطوریور اوک رفاقت
ایدیوردی .

غالباً آره لرنده کی مناسبات خیلی ایلریله مشدی . خلقی ؛
احیاناً مادام حقنده بر سؤال صوره حق اولسه ؛ خدمتچیلرک
دوداقلرنده اشتهزا کار تبسملر طولاشیوردی .

خلاصه آياس پاشاده کی آپارتمانده برایکی آی اولکی حیاته
بدل بو کون طانسز ، ذوقسز ، مزعج بر حیات حکم
سوریوردی .

بونشئه سز مسکنک ایچریسنده ، سابق اخذ عسکر رئیس ،
حیوان کی ، متردد ، غیر ارادی یاشایور ، وقوعاتک انکشاف
طبیعیسنی بکله یور کیدی .

مادام ایزمارویه کلنجه ، غایه سنه واصل اولمش ، پرودرو-
موسله مرجعی فرونه ویرمش ، خلقی یی قوغمق ، یولدیغی
کوه رجیتی آزاد ایتک ایچون فرصت بکله یوردی .

قره مانلی ایله شریکه ملغتی ، پلانلرینی چوقدن حاضر لامش ،
حتی مستقلده سوره جکاری مسعود دملره محسوباً بر برلرینه
بذل حظوظ ایتملردی .

— ۱۸ —

بر صبح متارکه خبری ، استانبول افقلرنده طوپ کی
باطلادی . بر مدت اول ، متفقارندن آیریله رق ، خصملرینه

مراجعت ایدن بولغارستان تعطیل مخاصمات خصوصنده جهانہ
پیرو اولمش ، کندیسنی بالآخرہ بزده تعقیب ایشدک .

او کون متردد اللر اولا بر قاج بایراق آصدی . اوکله
طوغری بك اوغلی ، باشند باشه کلین کبی دوناندی .

کرچه درت بحق سنه دوام ایدن بو حرب وقان کابوسندن
قورتولمش اولق طولایسیله قیلمره عموماً بر انشراح کلدی .
فقط بوانشراح ، بر معتاد ، کوپرینک اوتہ طرفنده ، هیجانه
قدر وارن بر مسرت شکنده تظاهر ایدیوردی . بك اوغلی
جوشمش ، مغلوبلره قارشى لعنت وحقارت قوصیوردی .

صباحلین ایرکندن اقامتگاهندن فیلامش اولان خاقی
بك ، سوقاقلره دوکولن بو پر سرور غلبه لکک آرمسند
کندیسنی یبانبجی وفضله حس ایتدی . دکانلرک ، رؤسای غالیینک
دفته داللریله چارچیوه لشمش رسملرینی تشهیر ایدن جامکانلرینک
اوکندن کچرکن روحنک صیقیلدیغنی طویور کیددی .

جانی بر یار بولوب حسب حال ایتک ، کوکلندن طاشان
زهرلری بریسیله پایلاشمق ایستدی .

او زمان ، بوتون طانیدقلرینک خیاللرینی کوزلری اوکندن
کچیردی . دوست صفتنه بحق مستحق کیمسه بی خاطر لایه مدی .
بر پرودروموس واردی . اوکا یک چوق ایسک ایتمش اولدیغنی
جهتله کندیسندن وفا اومیوردی . کیدوب اونى بولمیه قرار

ویردی ؛ تظاهرات مسرتکارانه‌ی کورمه‌مک ایچون اطرافه
باقیمه‌دن ، خیزی خیزی یورومکه باشلادی .

بویجه ، طاغین طاغین کیدرکن ، قالدیرمک اوزرندم
کمال حرارتله کوروشمکده اولان اوچ کشیک بر زمره‌ی
کورمه‌یهرک ، شدتله چارپدی . باشی، قالدیروب ، اعتذار ایتمک
ایستدی ؛ فقط طوک قالدی . قارشوسنده ، باشنده ایگرتی
کی طوران یوموشاق برشاقه‌ایله پرودروموس جین کوز اوغلو
طوریوردی . قرمانلینک جا کتک ایلکینده مائی بیاضلی
بر روزهت واردی . خاقی بکه ، زوراکی تبسم ایدرک :
— وای ، مولقوبهغ ! دیدی .

خاقی ، قان باشنه چیقداغنی حس ایتدی . بوتون وجودی
حدت و نفرتله تیره‌یوردی . حریفک بوغازینه صاریلق ،
طوغدی طوغه‌لی تورکلردن ییدیکی نان ونسیتی قوصدیرمق ، صوکره
بوتون برجهان قارشوسنده یوزینه توکورمک ایستدی . مع‌مافیہ
فوق‌العاده بر غیرتله ، کندینی ضبط ایتدی . هیچ سس
چیقارمدهن یولنه دوام ایلدی .

یاسی صولک درجه‌یه وارمشدی . کلوب کچلردن ، فسایلردن ،
شاقه‌لیلردن ، چولوق چوجوقدن ، خلاصه کندی ده داخل
اولدینی حالده جمله ذی روحلردن نفرت ایدیوردی .
اؤینه النجا ایتمک ایستدی . فقط اوندن اول بر آزهوا
آلق ، انسان یوزی کورمدهن ، کندی کندینه تنها یوللرده

طولاشوب آوونمق آرزوسیه تقسیم باغچه سینه طوغری یورودی .
باغچه یی بر آاز . کچدی غاز خانه جاده سینه ، اورادن ده طاش
قیشله اوکنه صاپدی ؛ بوستانلر آره سینه ایندی .

اوح ! بوراده ، حادثات جهان بیکانه ، تارلاسنگ طوپراغنی
ایشله یی باغچوانلردن باشقه کیسه یوقدی . برکنارده
اوطوردی ، اطرافنه کوز کزنیردی . درین درین نفس
آله رق سینه سنگ ایچنده یانان آتشی سوندیرمکه چالشییدی .
صوکره محاسبه عمرینی یاپدی . چوجوقاغنی ، بالقانلرده
کچن کنجلیکنی تحسیرله یاد ایتدی . صره نوشهرده باشلایان
فصل حیاته کلدیکی وقت باشی دوندی ، کوکلی بولاندی .
دها صوکره ، غیراختیاری کوزلرندن فیملایان ایکی دامله یاش ،
یرده چنلرک اوزرینه یووارلاندی .

حقارتله قوغدیغنی هدیه نك آرقه سندن ، کال تمکین ووقارایله
اودن چیقوب ، برسا عودت ایتمین آناسنی خاطرلامشیدی .
آقشامه طوغری ، وجودی یورغون وقیریق ، دیزلری
درمانسز ، دماغی خسته اوله رق یرندن قالقدی ، ینه یاواش
یاواش کلدیکی یولی ترسینه تعقیب ایدرک آياس پاشایه عودت
ایتدی .

ایزمارو اوده یوقدی . خدمتچینک افاده سندن ، بر آاز
اول کلن موسیو پرودروموس ایله برلکده کزیمکه کیتدکلری
آکلاشیلوردی .

بر ساعت قدر بکله دی . نهایت قیونک اوکنده طوران
 بر عربهدن ایزمارو ایله پرودروموس اینوب ، مردیوه نلردن
 حقیقمايه باشلادیلر . خلق بلا اخیار ، وشیخ بر مقصد مخصوصه
 مستند اولمق سزین ، آپارتماک قیوسنی آچش ، بکلیوردی .
 قادینه قره مانلی کنديسنی کورميوراردی . مردیوه نك
 اورتیه یرنده طور دیلر . ایزمارو حرارتلی بر افاده ایله ، بر شیر
 سولیلهدی . صوکره خلق ، درین بر بوسه نك شایر تیسنی
 ایستدی . بو ، صاحب دین بری تحقیق ایدن ، قره مانلینک
 ایکنجی خیاتی ایدی . گوزلری قان بوروددی . اختیارى الندن
 کیتدی . آغزی کویوردی . تام او اثناده ایزمارو ، آپارتماک
 صحنه واصل اولمشدی . خلق بر جمله ده قادینک باشیندن
 شایقه سنی قویاردی ، صاحب دین یقالایوب ، کور واتی یه قوشان
 خدمتچینک مدعوش نظرلری اوکنده ایچری یه سوروکلهدی .
 بوملی غیر مسبوق اثر شدت اوزرینه ، قادین عصیان
 ایدوب باغیر مق ، کندينی مدافعه ایتمک ایستدی . فقط نظرلری
 خلقینک نظرلریله قارشیلانجنجه قورقدی . زوجنک گوزلرنده
 قان واولوم کیرمشدی . دوشدی ، پایلادی .
 او زمان خلق ، یرده یاتان بو کوز وجوده ، اوزون
 اوزون عطف نکه ایدرک ، کوکلنی یوقلادی . اوراده بر زمانلر
 ایزمارو ایچون یانقده اولان آتش عشق سونش ، او آتشک
 بوش بر اقدینی یره کین ونفرت یرلشمشدی .

برده ، حالا حرکتسز طوران قادینک ، مجادله ائناسنده
آرائش اولان اثرابندن کورونن بدایمه باقدی بیله ... یالکسز
دوداقلری میراندی :

— سفیل ، نانکور انسانلر !

و ، فسنی کیدی ، باستوتی آلدی ، قیوی اوروب چیقدی .
کیجه اولمش ، طیشاریسی قارا کلقدی .

— ۱۹ —

آپارتمانندن ، بردها عودت ایتمهک عنزمیله چیقمش ،
بو یولدهکی قراری ایچنه فرج ویرمشدی . شیمدی سبکروح
اوله رق ، قیصه ، فقط سریع آدیملرله یورویوردی .

آنحجق نریمه کیده جکی ، نه پیاجنی هنوز معین دکلدی .
طوغری یولی ، چیاغین برسوینجه حالا چیرپینمقده اولان
اهالیسی آره سندن کچدی ، یوکسک قالدیریمی ایندی . ذهنی
او قدر چوق دوشرنجه لرله مشبوع ایدی که ، یان سوقاقلرده
چالینان لاترنالر ، آتیلان نعره لر ، صاوورولان کفرلرک فرقنده
دکلدی .

قره کوی میداتی ده کچهرک کندینی کوپرینک اوزرنده
بولدی . بوراده طوردی . برکلدیکی جهته برده قارشوده
ذی وقار برهیکل اضطراب کی ؛ ساکن و عظمتلی طوران
استانبوله باقدی . پک بارز بر تضاد تشکیل ایدن بو ایکی

مختلف منظره ینه بچاره تورکک قلبی یاس و نرمیدی ایا
طرد یردی .

خلقى کوپرىنك پارماقلغنه طایاندى ، کوزلرینی خلیجک
قاپ قاره صولرینه دیکدی ، دوشونجه سنی ، عصرلردنبری
شهرک چامورلرینی ، چرکابی طاشیه طاشیه بیتیره مهین بوصولرک
جریاننه قاید یردی .

بو ساعده کوپری تنها اولدیغندن ، بولندیغی یر ، تشکره
پک مساعددی . بو مساعددن استفاده ایتدی . دوشونجه
دوشوندى ، طالاقچه طالدى .

بردنبره ، کندی نفسندن و کندی کیلرندن او درجه
نفرت ایتدی که ، پارماقلغک اوزرندن دکره آتلامق ، صولرک
ایچریسنه کومولمک آرزوی شدیدینی طویدی .

فقط ناصل اولدی ؟ کیجهنک قرا کلغندن می اورکدی ؟
غیر معین بر جسمی اونی ایقاظ ایتدی ؟ خلقی تبدیل فکر
ایلدی . دوشونجه لرینه نهایت ویره رک ، امین اوکنه طوغری
یورومکه باشلادی .

استانبول سوقاقلری سسز و تنها ایدی . تک توك ، بویوک
مغازه لرک قوشنده یانان الکتریک لامبه لرندن طاغیلان ضیا ،
قالدیرملرده کی چقورلرک ایچنده بریکمش اولان صولرده مهتاب
عکسلری یاییوردی .

محترز بر ایکی یولجی ، سریع آدیملرله و دیوار دیبلرینی

تعقیباً ، صاغه صوله باقمەدن یورو یورلردی . بو جاده لرده بک
اوغلانک کستاح نمايشلرندن اثر کورولم یوردی . خالق کوکلندەکی
آجیاغک بر پارچه ا کسیدیکنی حس ایتدی .

هیچ طور مەدن یورو یوردی . امین او کندن سرکەجی یه
واردی . اورادن ده باب عالی جاده سنی طیرماندی . یوقاریده ،
صاغه دونرکن باب عالی ، معظم و شرفلی بر ماضینک تره سی
کبی ، ایصسز ، او یو یوردی . جفال اوغلندن دیوان یولنه
چیقدی . ینه صاغه توجه ایتدی . خاقان عدلینک ؛ سلطنت
عثمانیه نك ائ بویوک وزیر ی ، کوپرلی زاده نك ، مراقد
مبارک لری او کندن کچرکن ، سوق طبعی ایله باشنی اوکنه
اکک احتیاجنی طویدی .

یاریم ساعت قدر بزیله یورودکن صوکره کندی فاتیح
جامعک جوارنده بولدی . چوق یورولمشدی . بر آ ز طوروب ،
دیکنمک ایستدی . کیجه نك درینلکنه قولاق ویردی . ابو -
الفتحک تره سنک سققدە بر بايقوش حایقیردی . بو فریاد
مشئوم ، خالقینک بینده کی فی رطنه ی تشدید ایتدی .

تره خطیره سنک قیوسی آچیقدی . اورادن ایچری کیردی .
باباسنک مزارینی بولوب ، اوزرینه قیاق ، بوتون کدرلرینی ،
آجیلرینی ، عذاب وجدانیسنی کریه لرله مزج ایدرک او مبارک
طوپراغه دوکمک آرزو ایدیوردی .

مزارلر آره سنده ، بر خرسز کبی محترز وقورقاق ، برقاق

آدیم آندی . یوره کی قورقودن زیاده هیجاندن چارپوردی .
 بردنبه آياقلىرى ، کندیلکندن ، طور یوردی . اولدینی
 یرده میخانندی ، قالدی . اصل تربۀ فاتحك قوسى اوکنده
 بولونیوردی . بو مبارك مقامك اوکندن کچمك ایچون نفسنده
 لازم کلن جبارتی بولامدی .

فرط تأثر وتهيج ، یورغون وجودینی بوسبوتون خراب
 ایتش ، بیتیرمشدی . هر طرفی تیتیره یوردی . بری برینه
 طولاشان آياقلىرى تربیه طوغری زورله سوروکلهدی .
 اوراده یه بیغیلدی ، باش قونك اشیکنه طایادی ، ایچریدن
 کله چکنی ظن ایندیکی آوازۀ تکدیر وتالینی ایشیتمهک ایچون ،
 اللریله قولاقلىرى طبقادی ، حاکملرینک مرحمتی دبله ن طبقی
 بر مجرم کی ، هیچقره هیچقره ، بوغوله بوغوله آغلادی .
 سیول اشکی کوکلک فضله صرارتی ییقامش ، روحنک
 تأثرلری براز بوشالمشدی . صمیمیتله آغلایان بو انسان سستی
 ایشیدن بايقوشده ، آوازۀ ماتمی باشقه طاملرده حایقیرمغه
 کیتمش ، قوجه قبرستانک ایچریسنی اخروی بر سکوت
 قاپلامشدی .

خاکی ، شیمدی اکتساب سکون ایدن روحی وبر آز
 قوت بولان باجاقلىله تکرار سوقاغه چیقدی . دها متین بر
 یوروشله استک زاده محله سنک یولنی طوتدی .
 محله یه واردینی زمان کیجه نک یاریسی اولمشدی .

بو مونس سىمىك ، دها ايلك اولرىنى ، قرا كاتتاده كورير
كورمن طانيدي . دوت سنهدر بورالرد آديم آتامش اولديغى
خالده ، هيچ بر اثر تبدل كورميوردي .

ايشته صره ايله ، حاجى ادهم افنديك يشيل قولى ،
جوزبەلى اوى... سرايلى ناز پرو خاتىك ، باغچە سىندەكى اريك
آغاچلار مشهور مىككى ؛ بقال طومانك دكانى ، حسن دىدەك
قهود خانەسى.. ايشته كوچوك ، باصيق طاوانلى ، محله مككى .
ايشته شىشان ، قىصه منارە سىلەستك زاده جامعى .

بو اولر ، مكتب ، جامع ، دكانلر ، هپ خالقىنى سلاملا-
يورلر ، اونی برى برلەينە اشارتلا رە كوسترييورلر كىيى .
نهایت ايكي قاتدن عبارت ، آشي بويالى ، كهنه بر ارك
اوگندە طوردي ونظرلرلە يوقايدن آشاغى سوزى . اوست
قاتدە ، قفسى و پرده لرى صيم صيقى قىلى بر اوطەدە ايشيق
واردى . قولاق و بردي ؛ براختيارك يانيق سىسى ، يواش يواش ،
عادتا ايكلر كى قرآن او قويوردي .

خالق ، قيونك دمير خلقەسىنى ، آل يورداميله بولوب ، بر
ايكي دفعە آوردى . تلاوت قرآن ايدن سس كسىلدى . اوست
قاتدەكى ايشيغك اوطەدن چىقوب مرد يومەدن اينىدىكى
كورولدى . برايكى ثانيە صوكرە قيونك آرقە سىندن تىترەك برسس
صوردى :

— كىمدر او ؟ .

--- آج ! یبانهجی دکل .

قول دمیری غیجیردای، قالقدی . قپو آچیلدی . آرهلقدن،
النده لامبه، باشنده تقیه ، صرتنده باصمه انتاری؛ بیاض چنبر
صقاللی، کوزالکلی براختیار، انظار حیرتی خلقی یه دیکمش
باقیوردی .

--- طانیه مادیکزمی قدری افندی عموچه ؟!

اختیار، زائرینی بر کره دها سوزدی و صوگنده :

--- سنمیسین خلقی افندی او غلم ؟ . بویورک . دیدی .

مخاراوگده، خلقی آرقه ده، مردیوه نك قیریق باصا مقلرینی

چیقدیلر . یوقاریده قدری افندی :

--- دستور !

دییه باغیردی . بیاض براتك، سوقاق اوستنده کی اوطه دن
قارشوی طرفه، صوغه یی بر کواکه سرعته کچه رک، قاجوب،
غیب اولدی .

ایکبسی ده اوطه یه کیردیلر . خلقی، چوجوقا غنده هان
هرکون گاه باباسی و گاه آنه سیله کلوب، ساعتلرجه اوینادیخی
بو اوطه یه آشنا چیقدی . هیچ بری دیکشمه مش اولان،
هیچی یرلی یرنده طوران تمیز اشیا، کندینه کولومسیور
کوردوندی .

ایکی طرفه طوران، بیاض اورتولو یر مندرلرینه قارشیلقلی

اوطوردیلر . خلقی، صورتی :

— سزی راحتسز ایتدم غالباً ؟ نه یاپیوردیکن ؟

اختیار، هم کوزالکنی چیقاردی . هم جواب ویردی :

— قرآن او قویوردم . بو کونکی صیقتیدن اویقوم

قاجدی ده ...

مندرك يا صديغي اوزرنده طوران مصحفی قیامغه طاورا-
نوردی . خلقی مانع اولدی . چوقدنبریدر قرآن دیکله مهیه
متحسر ایدی . اصراری اوزرینه ، اختیار تکرار قراسته دوام
ایتدی .

سابق عسکر ، درت سنه اوزاق یاشادینی مسلمان محیطه
تکرار عودت ایش اولمقدن مولد بویوک بر حظ طویدی ؛ کوزلرینی
قایه رق ، کمال خشوع ایله ، مختارک محرق بر صوتله اوقودینی
کلام اللهی دیکله دی .

قدای افندی ، جزئی بدیرمش ، کبابی قیامشدی . خلقی
ایله آره لرنده مصاحبه باشلادی . مختار ، سابق عسکرک عزت
نفسنی قورویورق ، قابنی اینجیتمیه رک ، اونی درت سنه لک
حیات ماضیه سنه دائر استنطاق ایتدی .

خالقی ده ، کمال صفوت و صمیمیتله ، ماجراسنی تقریر ایتمکدن
چکینمه دی . یالکیز بعض صفحاتی نقل ایدرکن ، سسی تیره یوردی .
هله دفتر عمرینک صوک صحیفه لرینی آ کلاتمغه باشلا ییجه یوزی
حجابدن قیزاردی ؛ مخاطبک چهره سنه باقه مدی .

بو اایم حکایه بیتنجه ، مختار صورتی :

— نە ياپاچقىن ؟ ..

خالقىڭ مەن بىر مەقسەدى يوقىدى :

— بىلىم : دىدى .

بىر ئىنسان ھەر ئىككىسىنىڭ دەخلىتىدۇ . غەنىي شى كەلدى . فقط
بىر بىرلىككە چىققان جەھەتتە ئىدى . بىر مەن سەككىز مەن ،
خەلق ، چىكىنەك . ئورماندا :

— ئانە مېنى كۆرىۋالغۇچى ؟ نەسىل غەنىي ؟

— ئىي مەشائىلە ! دۇن بىر ئىدى .

لا قىردىڭ ئالدىدىكى كىشىلەر ھېچ بىر ئىش بولمىدى .
ئىنە ، جەھەتتە كۆرۈنۈش سەككىز :
— ئوتتۇرىكى نە ياپىور ؟ ئونى دە كۆرىۋالغۇچى ؟

ھەدىيەڭ ئىشنى سۆيۈملۈك بىر ئىش بولۇپ ئىدى .
قەدىرى ئىشنى ئالماشتى .

— ئۇ دە ئىش : دىدى . ئىش ئالماشتى ، بىر ئىش
تازە بولۇپ ، ئالماشتى ؟

ئىش ئالماشتى . خەلقنىڭ دىنىدىن بىر ، دىنىنى قوراللايدۇ
بىر ئىش ئىدى . فقط بىر ئىش ئىش ئىش بىر ئىش
بىر ئىش ئىش ئىش ئىش . ئىش ئىش ئىش : قەدىرى
ئىش ئىش ئىش ئىش ، ئىش ئىش ئىش .

وقت ئىش ئىش ئىش . كۆرۈنۈش ئىش ئىش
ئىش ئىش . ئىش ، « ئىش » دىمە قارىشىنى ئىش ئىش ، ئىش ئىش

اوطوردقلری اوطهده بریتاق یایدیری ؛ الایدن راحاق
تمیسیله اونی یالکیز براقوب قارشیکی کندی اوطهسه
کیتدی .

مسك كې بونجه قوقان ، چوزمه چارشافك اوزرینه اوزانوب ،
یازمه یورغانی باشنه چکن خاخی ، هدیه دن آیریلدی آیریالی
یوزینی کورمادیکی ، تمیز بریتاقده یاتمقدن متولد خط ایله ،
راحت بر اویقویه طالیدی ...

— ۲۰ —

ایرتسی صباح ، خاخی هنوز اویورکن ، مختار قدری
افندی ، محله قیومسه چقمش ، عاشر افندی زاده نك محله
عودتی ، تفصیلات زائده یی خذف ایدرك ، محله لی به تبشیر
ایلمدی . مرحوم امامك اك عزیز دوستلرندن اوچ بش
داناسی او ون ایچون کندی اوینه دعوت ایتدکدن صوکره
قالقوب صدرك خانم کیتدی .

اختیار قادی ، باغچه ده کومسك یاننده طاووقلرینه یم
ویرمکه مشغول ایدی . مختارك بویله وقتسز زیارتندن قوشقو-
لانیدی . هدیه نك مطبخ قیوسندن اوزاتدیغی صندالیه لردن
برینی اوکا ووروب دیگرینه کندی اوطوردی . دها ، سؤال
ایرادینه حاضر لانیرکن ، قدری افندی کیفیتی ایضاح ایتدی .
اوزون اوزون دیل دوکدی . صوکره قدر ، -س چیقارمه دن
دیكله مك متانتی کوستن صدرك خانم :

— بویورسون! دیدی؛ بوراسی کندی اوی. بن آنا-
سیم، هدیه ده عیالی؛ نه بن اولماز دیرم، نه ده او قیز جغز.
نکاحی یکله دکن صوکره هر شی اولور بتر.
— اويله ايسه بر آزدن شاهد لرله کلیرم. هدیه خانمه
سویله ده بنی محجوب ایتمه سین.

— هیچ مراق ایتمه.
— خلقی یه ده آقشام کلنجه. صورت ایتمه سین.
— بنز الحمد لله مسلمانز آیول. صایغی بیلیرز.
قدری افندی، حیقوب طوغریجه اوینه قوشدی. خلقی
قالقمش، گوشه پنجره سنده قهوه سنی ایچوردی. اختیار،
سوزی تازه له مکدن احتراز ایدرک، دیدی که:

— خلقی افندی او غلم! سن شیمدی بوراده بکله. حاجی
افندی وشا کر آغا ایله شوراده قهوه ده بولوشه جغز. اورادن
کابوب سنک وکاتکی آلیرز. صوکره ده آرتق اوه کیدرسین
دکلی؟

وعلاوه ایتدی:

— والده کک سلامی وار.

خلقى فرحله قاریشیق بر ممنونیت طویوردی. آه! بو
تمیز یوره کلی، خیر خواه دین قارداش لری، پرودرو موس وامثالندن
نه قدرده بام باشقه ایدی. آتیلوب، قدری افندی نک ایلنی،
نورانی یوزنی اوپمک ایسته یوردی. بو انسانلرک آره سنده،

شیمیدین صوکره نه ائی بر عمر ~~صوکره~~ جکدی ! مختارک تکلیفه
جواباً :

— پکی ؟ دیدی . اولور ؟ بن بوراده بکلم .

بر چاریک صوکره ، محله نك اوچ رکنی ، امامله خلقی
بمك وکالتنی حامللاً عاشرافندینك اوینه کیدوب نکاحی قیدیلر .
مژده یی ، خلقی یه ظرافت کتیردی .

— غوردیمی ؟ ، دیوردی . قوقش ایزماریتدن سکا
خیرمی کلیر آیو ؟ . هایدی قالق کل ، آنه سی ده ، قاریسی ده
سنی به کیلیو !

سابق استک زاده ، ایکندی یه طوغری ، اوینك قپوسنی
چالدينی زمان ، کنديسنی استقبال ایدن ، عیناً اسکيسی کبی ،
هدیه اولدی .

بیچاره قادین ، زوجنی بر سابق قارشیلایوب ، اُلندن باستوتنی
آلدی ؛ یوزنده کی آتار محجوبیتی کورمه مزله کلدی . بر لیکده
یوقازی یه ، صدبرك خانك یانه چیقديلر . آنا اوغل ، یکد -
یکرینك قوجاغنه دوشوب ، بر مدت اوپوشديلر . کچمش
کونلره دائر شق شفه ایدلمه دی .

یا لکز ، اوغلنك درجه سقه طنی ، مادرانه بر بصیرتله
تیقن ایدن صدبرك خانم لاقیردی آرمسنده :

— یاره ک یوقسه ، اوزولمه ! دیمشدی . هدیه یه ویرمش
اولدینك بیك لیرانك اوزرینه صاتیلان اوفق تفکمزکده بدلنی

قَاق ، حفيظه ننه نك اربابه آلتنده كي دده نك قهوه سني آلدق .
رئه چوق شکر کچناب کیدیورز .

آرتق ، خالق پورودنر ، غل و غشدن آزاده ؛ ساده
فقط ساده کی نسبتنده یوکسک و تمیز بر سعادتته ؛ عقیف بر
حریم عالیه قاوشمشدی .

آناسی اوطه دن بر آرهلق طیشاریه چیقدیغی زمان ،
یرندن قالدی وسدیرک اوجنده اوطوران قاریسنی در آغوش
ایدرك ، ناصیه عصمتنه ، روحنك بوتون صمیمیتنی احتوا ایدن ،
ایزمارونك عشق مکروهنك بوتون زهرلرینی سیلوب کوتورده
مدید بر بوسه قوندیردی ...

آقشام اذانه یقین ، هدییه ایله خلقی ، تخته پوشه چیقدیله .
بورادن ، انظار ، بوتون خلیجی قاودایوردی . ایلیق بر آقشامک
نفساری ، روحلری اوقشایور ، کوکلردن جوشان ماتملری
دوداقلرده توقیف ایدیوردی .

خالقی ، یانان آووجلرند هدییه نك الی ؛ کوزلرینی
شهرک اوزرندن ، ایوب استقامتنه توجیه ایتدی .

کون باتیوردی . شمس آفلک خونین شعاعاتی ، قبه لرك ،
بیاض منارلرك ، سرولرك آره سندن ، اریمش آلتون کی آقیور ..
ذی حشمت ، پارلاق بر کونک اشیایه صوک یادکارینی بذل
ایدیوردی .

قارى ، قوجه ، هست و مفرن ، بو منظر دك سيريته
طالمشردى .

بردنبه خلقينك ذهنه ، يته آليم دوشونجهلر هجوم ايتدى .
باتان بركون ، صانكه آلتى بچق عصراق بر قومك بوتون
ماضى شعله داريني برانكده سـوروكليوردى . بو ملاحظه ،
اسكى عسكرك يوره كنى ياقدى .. ياقدى .

قارشى طرفده ، قاتل ، نانكوره ، سفيل بك اوغلى ، پرودرو -
موسلرى ، ايزمارولرى ايد . شهر آينه حاضر لانيوردى .

كونش ، افقده غيب اولدى . يالكنر سمانه قيزالماقده مزوج
كوزل بر موراق ، حزين بر رنك قالدى . ايوب جهنده ،
مزار قلقلر اوزرندن ، بر آلاى قارغه هوالاندى . مناره لردن
يوكسهلن اذان سسلرى بر مدت سمانه چينلادى . صوكره شهر
ينه درين بر سكونه طالدى

كوزل بركون تاريخه مال اولمشدى .

خالق ، كونشك باتدينى طرفدن شيمدى كوزلرني آيره -
ميوردى . صوك ايشيقلرده بوتون بوتون غيب اولنجه ، كوكانى
استيلا ايدن آس ونومدينك زبونى اولارق ، مقدس وطنك
كندى و كندى كيلىرى يوزندن ، ناهنگام غروب ايدن شمس
طامى ايچون ، هونكور هونكور آغلامغه باشلادى ..

صدبرك خانم سجاده سنك اوزرندن قاتمى ، انده تسديجيه


باقون قوینی آرمدی . اوغانی بویاہ آغلایور کورنجه، شفقتله
 صورتی .

— نه آغلایورسین اوغلم ؟
 خالق تشریح تأثره لزوم کورمیه رک کسیرمه جواب
 ویردی :

— کونک باتیشی طوقوندی ده ...
 بوسوزلرده کی کیزلی معنای آ کلامه مش اولان آنا ، اولادینی
 تسلی مقامنده :

— آلهی چوجوق ! دیدی . بوکون باتدیسه یارین دها
 گوزہ لی طوغار . بونک ایچون ده آغلانیرمی ؟ ..

ختم



DATE DUE

To renew
call 292-3900

WRAPPED


SEP 13 1993

WRAPPED

MAY 17 2006

WRAPPED

JUN 02 2006



PL248
T19G8